


O LE EKALESIA A IESU KERISO O LE AU PAIA O ASO E GATA AI • TESEMA 2018

OLE Liahona



O Le Meaalofa Aupito
Manaia e Tuuina Atu
i le Kerisimasi, i. 14

O le Savali Faaiu a se
Faifeautalai, i. 18

Ola Agai Atu i o Tatou
Gafatia e Faavavau, i. 20

Auala e Saili ai Iesu Keriso
i le Feagaiga Tuai, i. 32

FOU IA JANUARI

MAIMOA
I SE ISI
VAEGA A
TAMAITI.

UA I AI
IINEI LE
EKALESIA

La Paz **Polivia**





O Atumauga o Illimani ua uftia i le kiona, e tuuina mai ai se vaiga mataina i le pito i tua mo le aai tu mauluga, piliki lanumumu o La Paz, lea e masani ona ta'ua o le nofoaga autu o taitai a Polivia ona o le tele o ofisa o taitai o le malo o loo i ai iina.

O faifeautalai o loo talai i le Misiona a Andes sa taunuu i Polivia ia Novema 1964 ma faia ai se fonotaga, ma e toa 19 sa auai. Sa latou papatisoina ma faamauina le uluai tagata liliu mai ina ua tasi le masina mulimuli ane. O le aso, o tagata auai o le Ekalesia i Poliva ua silia ma le 203,000 i auloto e 255 ma misi-ona e 5. O le malumalu aupito latalata i ai o Cochabamba, e 145 maila (233 km) le mamaao, e fitu itula e alu ai i le taavale mai La Paz.

Ua lauloa le Ekalesia i Polivia ona o ana galuega faatino fesoasoani alofa i le lotoifale, e aofia ai le foai atu o nofoa faataavalevale ma masini faafomai mo pepe faatoa fananau mai; auai i le foai atu o toto; lagolagoina o faiga o faatoaga, faiga o togalaau i le fale, ma taumafaiga e attina ae ai afioaga; ma le faatulagaina o taumafaiga fesoasoani i taimi e pagatia ai.

- O le Au Paia i La Paz i le eria o le taulaga, e potopoto i nofoaga eseese e 40.
- O le FaaSipaniolo o le gagana aupito taatele lea, ae e toatele e tautatala i le FaaQuechua, FaaAymara, po o le FaaGuarani.
- O le uluai faifeautalai faamisiona mai Polivia sa valauina i le 1967.
- O Tesema 2014 na faailogaina ai le 50 tausaga o le Ekalesia i Polivia. Sa faia e le aupai a La Paz se fiafia faamanatu mo le lotoifale ia Ianuari 2015.



"O le A le Mea Tou Te Mananao Matou te Faia?!"

A o fesili atu le vaega o le atiina ae o mataupu aoaoina a ale Ekalesia i le au paia e siaki ai le mataupu aoaoina fou o le *Sau, Mulimuli Mai ia te A'u* o le mataupu aoaoina mo le 2019, sa matou faalogo pea lava pea i le fesili lenei, faapea ai ma faamatalaga e pei o le: "Sa ou manatu i le taimi muamua, 'Tā'i ese lenei mea!' Ou te lei mautinoa pe o le a aoga." Peitai, sa faifai malie lava ona suia nei uluai atugaluga i le faamautinoaga e faapea "ua matuai sui atoa a matou suesuega i tusitusiga paia" po o le "E aoga!"

Aisea e taua ai o latou aafiaga ia te oe? Talu ai ona o le mataupu aoaoina fou e mo oe ma lou aiga i le fale, ae le mo na'o lou faiaoga i le lotu.

I le fautuaga a le Au Peresitene Sili, o le lomiga o le masina lenei ua iloilo ai mataupu faavae o aofia ai i lenei vaega fou lava o le mataupu aoaoina *Sau, Mulimuli Mai ia te A'u*—lea e sosoo atu lava i le toe faafouga o le mataupu aoaoina a le autalavou lea na faalauiloa atu i le 2013, o le *Aoao Atu i le Ala a le Faaola* i le 2016, ma le mataupu aoaoina a le Perisitua Mekisateko ma le Aualofa lea na faalauiloa i le 2018.

E amata atu i le itulau e 20, o loo tuuina atu ai e Elder

Jeffrey R. Holland, o le na tuuina atu le taitaiga i le galuega atiina ae o mataupu aoaoina, ni malamalamaga loloto afaei faaaogaina e mafai ona suia ai i tatou i ni auala sili ma faavau. Ua le na'o se mataupu aoaoina ae o se auala i le aoaoina ma le ola ai i le talalelei i aso uma.

A o ou maitauina perofeta, tagatavaai, ma talifaaaliga o taitaia le atiina ae o lenei mataupu aoaoina fou e faatotonugalemu i le aiga, ua lagolagoina e le Ekalesia, ou te maofa i lona fetau tonu lava ma le agaigai atu o le Ekalesia i se faiga e tau le faatonua o le ola i le talalelei, ae ua valaaulia i tatou e talia ni tiutetauave sili atu mo lo tatou lava tuputupu ae patino faaleagaga. A o tatou faia o lea mea, ua faatalitonuina au e faapea, ona o le a tatou maua le malamalama ma upu-

moni silisili o le a faapea ona faateleina lo tatou iloa e mulimuli ai ia Iesu Keriso ma lafoai le tiapolo (tagai MF&F 93:29–40), ma aumaia ai le filemu i o tatou olaga ma le lelei i le lalolagi.

Michael Magleby

Faatonu o Atiina Ae o Mataupu Aoaoina



Tala

8 Mataupu Faavae mo le Auaunaga:

Ta'u Atu E te Alofa

Aoao i nisi o auala e mafai ona faaali atu ai lou alofa mo i latou e te auauna atu i ai.

14 O le Meaalofa a le Faaola o le Filemu

Saunia e Elder L. Whitney Clayton

Na aoao mai i tatou e lesu Keriso i auala e maua ai le toafilemu i taimi o faafitauli.

20 Faia ia avea Lou Olaga o se Malaga Faaosofia

Loto o le Tuputupu A'e Patino


Saunia e Elder Jeffrey R. Holland

O le mataupu aoaoina fou o le *Sau, Mulimuli Mai ia te A'u* e mafai ona fesoasoani ia tatou alualu i luma agai atu i o tatou gafatia paia.

32 "O A'u O A'u Lava Lea": Faailoga o Iesu Keriso i le Feagaiga Tuai

Saunia e Stephen P. Schank

O faailoga anamua e uiga i le Faaola ua aoao mai ai vaega taua o Lana matafaioi ma lo tatou faia ma la.



Autalavou

46 **Ia Tasi: O Se Mafuaaga mo se Fiafiaga**

Saunia e Peresitene Dallin H. Oaks

O le tasi o aafiaga aupito taua o le faaaliga i le 1978 i le perisitua, o lana valaau faalelagi lea e lafoai uiga o le faailoga tagata.

51 **Ia Tasi: Fausiaina o Alalaupapa [Sootaga]**

Saunia e Peresitene Russell M. Nelson

O esesegia i aganuu, gagana, itupa, ituaiga, ma tagatanuu e le taua i le ala o le feagaiga.

52 **Auauna Atu e pei ona Faia e le Faaola**

Saunia e Eric B. Murdock

Ua faatuina e lesu Keriso le mamanu atoatoa o le auala e alofa atu ai ma auauna atu i tagata taitoatasi.

56 **O Auala e 7 e Maua Ai le Agaga o le Kerisimasi**

Saunia e Charlotte Larcabal

[E te] le o lagonaina i lenei vaitau? O nisi nei o auala e aumai ai le olioli o le Kerisimasi i isi—ma ia te oe lava.

60 **Faaopoopoina o Meaalofa o le Agaga i Lau Lisi o le Kerisimasi**

Saunia e David Dickson

Ua saunia meaalofa faaleagaga tatou te mauaina pe afai tatou te ole atu i ai ma le naunautai.

62 **Fesili ma Tali**

Ou te le lagonaina le agavaa e alofagia ai e le Faaola. E mafai faapefea ona ou faatoilaloina lenei lagona ma iloa lo'u taua faaletagata lava ia?

64 **Pepa Lautele o I Ai se Savali: O Le Meaalofa Ua Mafai Ai**

65 **O Le Valaaulia a le Perofeta: O Mea e Lima e Mafai Ona E Faia e Fesoasoani e Sui Ai le Lalolagi**

Saunia e Peresitene Russell M. Nelson



I LE FAAVAA

Le Po Paia, saunia e Michael Malm.

Tamaiti

66 **O le Meaalofa o le Kerisimasi a Tala**

Saunia e Julianne Tenney Doman

Na maua e Tala le meaalofa lelei lava mo lona aiga i le taeao po o le Kerisimasi.

68 **O Katie ma Quincy**

Saunia e Evan Valentine ma Marissa Widdison

Na iloa e Quincy le auala tonu lava e faamafanafana ai lana uo.

70 **O Le Migao o le Alofa Lea**

Saunia e Luaiapou W.

"O le manatuaina o le migao sa fesoasoani ia te a'u ia aua ai ne'i o'u fefe."

71 **Faasoaina mai le Palapala**

Saunia e Elder Adilson de Paula Parrella

Ina ua faaleagaina e le palapala pale o o matou tuaoi, sa matou iloa e mafai ona matou fesoasoani ia i latou.

72 **E molimau Apostetolo ia Keriso**

Saunia e Elder Quentin L. Cook

73 **O La Tatou Itulau**

74 **Faasusulu Atu Lou Malama-lama: O Auuso O E Faamala-malamaina le Lalolagi**

Ua faasoatou e lenei auuso mai Ghana lo laua malamalama ia i latou e siomia i laua.

76 **Tala o Tusitusiga Paia: Iona ma le Tafola**

Saunia e Kim Webb Reid

79 **Itulau e Valivali**

Vaai pe mafai ona e maua le Liahona o loo natia i le lomiga lenei. Faaitete: “_____ e sili atu nai lo le na o le nofonofo filemu.”



Faitauga Vave

5 **O Le Uluai Malaga o le Kerisimasi**

Saunia e Christina Crosland

6 **O Ata o le Faatuatua:**

Blanca Solis—Asunción, Parakuei

12 **O Fea Ua O I Ai O'u Faiaoga o Aiga ma Faiaoga Asiasi?**

Saunia e Jean B. Bingham

18 **Lelei Teisi Atu Nai Lo Ananafi**

Saunia e Luis Omar Cardozo

30 **I le Pulelaa:**

O Faaiuga ma Vavega:
A O Lenei Ua Ou Iloa

Saunia e Irina V. Kratzer

36 **Manatunatuga:**

O Se Matauila Lanumumu e Tasi

Saunia e Lori Ries

37 **Auaunaga i le Ekalesia:**

Tuputupu A'e mai Auaunaga

Saunia e Po Nien (Felipe) Chou ma Petra Chou

38 **O Leo o Le Au Paia o Aso e Gata Ai**

80 **Seia Tatou Toe Feiloai:**

Iloaina o Keriso e ala i a Iosefa Samita

Saunia e Elder Bruce R. McConkie

Autalavou Matutua

42 **O Se Leo Malu, Itiiti i le lotolotoi o Faaiuga Tetelē**

Saunia e M. Joseph Brough

Usitai i uunaiga faaleagaga ma faatua-tua i le Atua ina ia mafai ona la taitaia ou ala.

SAILI NISI MEA

I le polokalama o le Potutusi o le Talalelei [Gospel Library] ma i le liahona.lds.org, e mafai ona e:

- Maua ai le lomiga aupito lata mai.
- Maua ai na'o anotusi faatekinolosi.
- Sailia lomiga ua mavae.
- Auina mai au tala ma manatu faaalia.
- Totogi [se lomiga] pe tuu atu se meaalofa o le totogi o se lomiga.
- Faaleleia au suesuega i meafaigaluega faatekinolosi.
- Faasoa atu tusiga ma vitio e sili ona e fiafia i ai.
- Sii mai pe lolomi ia tusiga.
- Faalogologo i tusiga e sili ona e fiafia i ai.

FAAFESOOTAI MAI I MATOU

 Imeli mai au fesili ma manatu faaalia i le liahona@ldschurch.org.

Ia auina mai au tala e faatupu faatuatua i le i-meli i le liahonaldschurch.org, pe lafo mai i le:

 **Liahona**, fl. 23
50 E North Temple Street
Salt Lake City, UT 84150-0024, USA

Tesema 2018 Vol. 42 Nu. 12

LIAHONA 14797 890

O le mekasini faavomalo o Le Eklesia a Iesu Keriso o le Au Paia o Aso e Gata Ai

O Le Au Peresitemi Sili: Russell M. Nelson, Dallin H. Oaks, Henry B. Eyring

O le Korama e Apostolo e Toasefululuia: M. Russell Ballard, Jeffrey R. Holland, Dieter F. Uchtdorf, David A. Bednar, Quentin L. Cook, D. Todd Christofferson, Neil L. Andersen, Ronald A. Rasband, Gary E. Stevenson, Dale G. Renlund, Gerrit W. Gong, Ulisses Soares

Faatonu: Hugo E. Martinez

Fauautua: Brian K. Ashton, Randall K. Bennett, Becky Craven, Sharon Eubank, Cristina B. Franco, Randy D. Funk, Donald L. Hallstrom, Erich W. Kopischke, Lynn G. Robbins

Pule Faatonusili: Richard L. Heaton

Faatonusili o Mekasini a le Eklesia: Allan R. Loyborg

Pule o Mea Tau Pisirini: Garff Cannon

Pule Faatonu: Adam C. Olson

Pule Faatonu Lagolago: Ryan Carr

Faasalau Lagolago: Francisca Olson

Au Tusitusi ma Faatonutonu: Marrysa Dennis, David Dickson, David A. Edwards, Matthew D. Flitton, Lori Fuller, Garrett H. Garff, LaRene Porter Gaunt, Jon Ryan Jensen, Charlotte Rabanal, Michael R. Morris, Eric B. Murdoch, Sally Johnson Odekirk, Joshua J. Perkey, Jan Pinborough, Richard M. Romney, Mindy Selu, Chakell Wardleigh, Marissa Widdison

Pule Faatonusili o Faatufugaga: J. Scott Knudsen

Faatonusili o Faatufugaga: Todd R. Peterson

Mamanu: Jeanette Andrews, Fay P. Andrus, Mandy Bentley, C. Kimball Bott, Thomas Child, David Green, Colleen Hinckley, Eric P. Johnson, Susan Lofgren, Scott M. Mooy, Emily Cheiko Remington, Mark W. Robison, Brad Teare, K. Nicole Walkenhorst

Faatonu o le Puletaofia o Meatoitino: Collette Nebeker Aune

Pule i le Gaosiga: Jane Ann Peters

E NA'O TUSIGA FAATEKINOLOSI E FAAALIA AI



O Mea e 3 ia Manatua Pe a E Lagona Le Pei Ua e Le Atoatoa

Saunia e Leah Barton

Lagonaina le leai o se alualu i luma? O le auala lenei e mafai ona e toe tulai ae ai ma toe amata ona alualu i luma.



O Le Mafuaaga Ua Ou Le Toe Fesili Ai "Aisea?" Ina Ua Mavae le Maliu o Lo'u Tuagane

Saunia e Ximena Cardozo Corbalán

Ua faamatala e Ximena le auala sa ia maua ai le toafilemu ina ua maliu lona tuagane i lana misiona. O le tala a lona tama o loo maua i le itulau e 18 o le lomigai lenei.

Eleni, Hanikeri, Initu, Iselani, Intonises, Italia, Japani, Kiripati, Korea, Latvia, Litunia, Malakasa, Masela, Monokolla, Nouei, Polani, Potukale, Romania, Rusia, Samoa, Saina (ua faafajigoferia), Slovenia, Sipaniol, Suetenia, Swahili, Tagaloka, Tahiti, Tai, Toga, Lukureini, Urutu, ma Vietnamame. (E eseei lava gagana.)

© 2018 Puletaofia e le Intellectual Reserve, Inc.
Ua taofia aia tatuu uma. Lomia i le lunate Setete o Amerika.

Faamatlagata o le Puletaofia: Vagana ua faailo mai, e mafai e tagata taitoatasi ona kopi anomea mai le *Liahona* mo lo latou lava faaogaina patino, e le fiai ai ni pisinisi (e aofia ai valaauga o le Eklesia). O lenel aia tatuu e mafai ona faaleagaina i sooo se taimit. E le tatuu ona kopina ia atu pe afai o loo faaala le faasaina i le laina o faaabaloga faatasai ai ma le faatufugaga, lauina mai fesili e uga i le puletaofia i le Intellectual Property Office, 50 E. North Temple St., FL 13, Salt Lake City, UT 84150, USA; email: cor-intellectualproperty@ldschurch.org.

Mo le Aufaitau i le lunate Setete ma Kanata:
December 2018 Vol. 42 Nu. 12. LIAHONA (USPS 311)

Samoan (ISSN 1045-0947) is published monthly by The Church of Jesus Christ of Latter-day Saints, 50 E. North Temple St., Salt Lake City, UT 84150, USA subscription price is \$10.00 per year; Canada, \$12.00 plus applicable taxes. Periodicals Postage Paid at Salt Lake City, Utah. Sixty days' notice required for change of address. Include address label from a recent issue; old and new address must be included. Send USA and Canadian subscriptions to Salt Lake Distribution Center at address below. Subscription help line: 1-800-537-5971. Credit card orders (American Express, Discover, MasterCard, Visa) may be taken by phone or at store.lds.org. (Canada Post Information: Publication Agreement #40017431)

POSTMASTER: Send all UAA to CFS (see DMM 5071.5.2) NONPOSTAL AND MILITARY FACILITIES: Send address changes to Distribution Services, Church Magazines, P.O. Box 26368, Salt Lake City, UT 84126-0368, USA.



O LE ULUAI MALAGA O LE KERISIMASI

Tatou te faamatalaina le tala o le Kerisimasi i tausaga uma lava, ae e faafia ona tatou vaai faale-mafaufau i le malaga sa faia e Maria ma losefa? O o laua faatuatua ma osigataulaga o ni vaega taua ia o le tala.



1. Luka 1:26–27, 30–31


O Maria sa sau mai Nasareta, o se afioaga e 400–500 ona tagata.¹ I le lalolagi, o ia o se tamaitai faifaatoaga faatauvaa. Ae sa laua taliaina ma losefa o laua valaauga e tausia le Alo o le Atua.

2. Luka 2:4–5

O le malaga i Peteleema e le ititi ifo ma le fa i le lima aso,² ae e le o tuuina mai i tusitusiga paia se faaiteite e uiga i se asini na faatasii ma i laua e ui atu i mauga papa. E ui lava ina sa "mamafa i [lana] tama," sa faia lava e Maria le malaga faatasii ma losefa ma faapea ona faataunuina ai le valoaga: o le a soifua mai le Mesia i Peteleema (tagai Mika 5:2).

3. Luka 2:7–11

I Peteleema, sa le'i i ai ia losefa ma Maria so laua lava fale po o se moega pepe, e tuu ai le Tupu o tupu. Atonu sa laua



matuai lagonaina le faamaualalo a o laua molimauina, i le totongalemu o se fanauga faatauvaa, ia failogia manino o lenei tamameaea o le Alo o le Atua.

4. Mataio 2:13–14

E aunoa ma se lapataiga, sa tatau ai i si aiga toalaiti

ona tuua
lo laua
nuu ma le
atunu. A o
le'i atoa foi le
lua tausaga o le tamaitiiti o
Keriso, ae ua faamat'a'uina Lona
soifua (tagai Mataio 2:16). Ae o le
tuuto i le, ma le alofa mo le Faafola
sa faaosofiaina ai Maria ma losefa
e faia le malaga umi i Aikupito.

5. Mataio 2:19–23

Ina ua mavae sina taimi i se
laueelele sa le masani ai, sa faia loa
e losefa ma Maria le malaga aupito
sili ona umi. Ae atonu sa foliga
pupuu ia maila, aua o le taimi lea,
sa latou toe foi atu ai i le aiga. O le
taimi lava na oo ai iina, sa tuu atu
o laua faatuatua i le
Atua ma tausia o la
o le o le a "igoa
o le Nasareta"
(Mataio
2:23).



E faapei foi o Maria ma losefa, **O LOO TATOU FAIMALAGA FOI I A TATOU LAVA MALAGA FAATASI MA IESU KERISO.**

E ui atonu e umi ma faigata le malaga, ae o tulagavae uma o le faatuatua tatou te latalata atili atu ai i le ola e faavavau—o se meaalofa na tuuina mai e lo tatou Faaola agaalofa, o le o lana lava malaga ua maua ai le faoalataga. ■

FAAMATALAGA

- Tagai James E. Strange, "Nazareth," *Anchor Bible Dictionary*.
- Tagai D. Kelly Ogden, "The Road to Bethlehem," *Liahona*, Dec. 1993, 41.

*Ina ua gasegase le tane a Blanca faapea
foi ma lona tina, ma le mafai ona la tausia
i laua lava, o lea na nofo ai o ia mai lana
galuega e tauasi i laua. O le liliu atu i le Alii,
na maua ai e Blanca le malosi e sili atu nai
lona lava malosi.*

CODY BELL, LE PUEATA

Blanca Solis

Asunción, Parakuei

Ou te le'i vaivai i le tatalo ma ole
atu i le Alii mo le fesoasoani e
faaauau ona ou agai ai i luma. Ou
te tatalo ia te la i taimi uma. O le
mea na aafia ai lo'u aiga ua fesoasoani
ou te iloa ai sa ma savavali
faatasi ma le Alii i mea uma. Ua la
tuuina mai ia te au le avanoa ou
te toe tulai ae ai. E matuai maoae
le tele o le malosi ua tuuina mai e
le Alii ia te au.


Ou te lei fesili lava ia te au
faapea, "Aisea ea ua tupu ai ia te
a'u?" Sa ou mafaufau lava i taimi
uma, sa i ai se pogai mo lea mea.
Sa ou faatuatuaina le Alii ma talia
mea sa la auina mai ia te a'u. Sa
la lagolagoina a'u a o ou uia taimi
sili ona faigata ma ua faamalosia
ai a'u.

SAILI NISI MEA

Manaomia le fesoasoani i le avea ma se tauis tagata?
Asiasi i le lds.org/go/12186.

Aoao atili e uiga i le tuuina atu o le tausiga mo tuaa
sinasina pele i le lds.org/go/12187.

E mafai ona e maua isi Atatosi o le Faatuatua i le
lds.org/go/18.





Mataupu Faavae mo le Auaunaga

TA’U ATU E TE ALOFA

E tele auala e mafai ona faaali atu ai tatou te alolofa, aemaise lava i le vaitaimi o le Kerisimasi. E mafai ona tatou ta’u atu, tesi atu, tusi atu, tuuina atu, faasoa atu, tatalo atu, tao atu [se meaai], pese atu, fusi atu, taaalo, totoina [se togalaau], pe faamama [se mea]. Tau lava o le faataitai i ai.

O le faaali atu o le alofa i isi, o le ute moni lea o auaunaga. Fai mai le Peresitene Aoao o le Aualofa o Jean B. Bingham: “O le auaunaga moni lava e ausiaina taitoatasii faatasi ma le alofa e fai ma uunaiga. . . . Faatasi ma le alofa e fai ma uunaiga, o le a tutupu vasega, ma o le a tatou maua auala e aumaia ai o tatou uso ma tuagane o loo ‘misi’ i totonu o le ofaga o le talalelei a Iesu Keriso mo tagata uma.”¹

O le faailoa atu i isi tatou te alolofa, o se elemene taua lea o le atiinaeina o mafutaga patino. Peitai, e lagona e tagata eseese le savali i auala eseese. E faapefea la ona tatou faaalia atu ma le talafeagai lo tatou alofa mo isi i auala o le a latou malamalama ma talisapaia ai? O nisi nei o auala e faailoa atu ai tatou te alolofa, faatasi ai ma ni nai manatu e amata ai ou lava manatunatuga.



O tala “O Mataupu Faavae o le Auaunaga” ua faamoemoe e fesoasoani ia i tatou e aoao e fetausia’i ai le tasi ma le isi—ae aua ne’i faasoainia atu o se savali i le taimi o asiasiga. A o tatou iloaina i latou tatou te auauna atu i ai, o le a uunaia i tatou e le Agaga Paia ia iloa po o le a le savali latou te ono manaomiaina e faaopoopo atu i la tatou tausiga ma le agaalofa.

Ta'u Atu

O nisi taimi e leai se mea e mafai ona suitulaga i le auala e tau atu ai ou lagona i se tagata. E ui o lona uiga o le ta'u atu i se tasi e te alofa ia i latou, ae e aofia ai foi ma le faasoa atu o le mea e te faamemelo ai ia i latou po o le tuuina atu o se faamalo faamaoni. O lenei ituaiga o faamautinoaga e fesoasoani e faamalosia ai mafutaga.

(Tagai Efeso 4:29.)

- Su'e se avanoa e faailoa atu ai i le tagata lou matuai faamemelo i se tasi o ona malosiaga.
- Asiasi atu, valaaau, pe auina atu se imeli, tesi, po o se kata e tau atu ai i le tagata o loo e mafaufau atu ia i latou.



Asiasi

O le faaalu o le taimi e talanoa faatasi ma faalogo i se tasi, o se auala mamana lea e faaali atu ai lou faatauaina tele o ia. Pe e te asiasi atu i le fale, i le lotu, po o se isi lava mea, o loo toatele tagata e manaomia se tasi e mafai ona latou talanoa i ai. (Tagai Mosaea 4:26; MF&F 20:47.)


- Ia faatulaga se asiasiga e tusa ai ma manaoga o le tagata. Faaalu le taimi e matuai faalogo ai ma ia malamalamia i ona tulaga.
- I nofoaga atonu e faigata ai ona asiasi i fale ona o le mamao, o tulaga masani faaleaganuu, po o isi tulaga, mafaufau e sue se taimi e feiloai ai pe a mae'a o sauniga Lotu.



Auauna Atu ma se Faamoemoega

Ianofuta i mea e manaomia e tagata taitoatasi po o le aiga. O le tuuina atu o auauanaga anoa e ta'u atu ai e te alofa. E tuuвааtasi ai meaalofa taua o le taimi ma taumafaiga magafagafā. "O faatinoga faigofie o auauanaga e mafai lava ona i ai ni aafiafa loloto i isi" na saunoa mai ai Sister Bingham.²

- Ofo atu le auauanaga e faamalosia ai tagata taitoatasi po o latou aiga, e pei o le vaaiга o tamaiti ina ia mafai ona o matua i le malumalu.
- Vaavaai mo auala e tuumama ai avega pe a lofutuina le olaga, e pei o le faamamaina o faamalama, faasavali le taifau, po o le fesoasoani i le teuina o le fanua.



O le faalogo atu i isi o le a fesoasoani tatou te iloa ai auala e faaali atu ai ia i latou tatou te alolofa. Tagai foi i le tusiga Mataupu Faavae o le Auaunaga "O Mea e Lima e Fai e tagata e Lelei le Faalogo" i le lomiga o luni 2018 o le *Liahona*.

Faifaimea Faatasi

E i ai tagata e le fesootai e ala i talanoaga loloto. Mo nisi o tagata, o sootaga e faia i le sailia o mea e fafia faatasi i ai ma le faaalu o le taimi e fai faatasi ai na mea. Na faamalosiau mai le Alii ia tatou "faatasi ma faamalosi" (MF&F 20:53) i o tatou uso ma tuafafine.

- Alu se savalivaliga, fuafua se po o taaloga, pe faatulaga se taimi masani e faamalositino faatasi ai.
- Galulue faatasi i se galuega faatino a le lotoifale po o le Ekalesia.



Tuu Atu se Meaalofa

O nisi o taimi e tapulaa ai taimi po o avanoa e fegalegaleai ai. I le tele o aganuu, o le tuuina atu o meaalofa o se faailoga o le agalelei ma le mataalofa. E oo lava i se meaalofa faatauvaa i nisi o taimi, e mafai ona ta'u atu ai lou fafia e atiina ae se mafutaga lelei atu. (Tagai Faataoto 21:14.)

- Ave atu ia i latou se meaai suamalie e fafia lava i ai.
- Faasoа atu se upusii, mau, po o isi savali e te lagona e mafai ona aoga ia i latou.



O Se Galuega o le Alofa

A o oo ina e iloa po o ai i latou e te auauna i ai, ma pe mo ai o loo e sailia ai ni musumusuga, o le a faapitoa lava ona sili atu ona e iloa auala e ta'u atu ai lou alofa ma lou agalelei ia i latou taitoatasi.

Na faamatala e Kimberly Seyboldt o Oregon, ISA le tala i le sailiga o musumusuga ma le tuuina atu o mea-alofa e faaali atu ai le alofa:

“Pe a ou iloa ua faigata le olaga mo a’u, ou te tu i luga ma fai se falaoa sukini, e masani lava pe a ma le valu ni papafalaoa. O la’u faiga faapitoa o le tatalo leleoa lea ou te tuuina atu a o ou faia le falaoa ina ia ou iloa po o ai e manaomia na papafalaoa. Ua mafai ona ou iloa lelei o’u tuaoi o loo siomia au a o avea le falaoa sukini vevela ma a’u valaaulia i totonu o o latou maota ma olaga.

“I se tasi o aso o le taumafanafana, sa ou faatafa atu ai i se aiga sa faatauina atu ni paina o vineuli i autafa o le auala. Ou te lei manaomia nisi vineuli, ae sa fiafia lava le tama talavou faatinointi sa i le tulaga i le vaai mai ia te au, ma le manatu o’u o lana tagata faatau ua sosoo ai. Sa ou faataua mai ni vineuli, ae sa i ai foi sa’u meaalofa mo ia. Sa ou tuuina atu i le tama ni papafalaoa se lua. Sa liliu atu i lona tama mo se faatagaga, ona fai atu lea, ‘Vaai, Tama, lea ua maua le tatou mea e ai i lenei aso.’ Sa faatumulia a’u i le lotofaafetai mo lenei avanoa e faaali atu ai le alofa i se auala faatauvaa.”

Na augani mai Elder Jeffrey R. Holland o le Korama a Aposetolo e Toasefululua “o le a atili tautino loloto atu e alii ma tamaitai uma—ma o tatou alii ma tamaitai talavou matutua—le tuuto i le tausiga faamaoni o le tasi i le isi, ua na o le alofa mama lava o Keriso o loo uunaia i latou e faia o lea. . . . Tau ina ia tatou galulue faatasi ma le Alii o le tovine, ma tuu atu i le Atua ma le Tama o i tatou uma se lima fesoasoani i Lana galuega taua o le taliina o tatalo, tuuina atu o le faamafanafanaga, soloia o loimata, ma le faamalosia o tulivae vaivai.”³



E Alofa Iesu Keriso

A’o le’i faatuina e Iesu Keriso ia Lasalo mai le otia, “sa tagi Iesu.

“Ona faapea ane ai lea o Iutaia, Faauta i le tele o lona alofa ia te ia!” (Ioane 11:35–36).

Sa fetalai atu Keriso ia sa Nifae, “Ua ou agaalofa ia te outou.” Ona Ia valaaau atu ai lea mo o latou tagata mama’i ma puapuagatia, i o latou pipili ma tauaso, ma “sa ia faamaloloia i latou” (tagai 3 Nifae 17:7–9).

Ua faatu e Iesu Keriso le faataitaiga mo i tatou a o Ia alofa atu i isi. Ua Ia aoao mai ia i tatou:

“E te alofa atu i le Alii lou Atua ma lou loto atoa, ma lou agaga atoa, ma lou manatu atoa.

“O le poloaiga muamua lena ma le sili.

“E faapena foi lona lua, E te alofa atu i le lua te tuaoi, ia pei o oe lava ia te oe” (Mataio 22:37–39).

O ai e manaomia lou alofa? E faapefea ona e faaali atu ia i latou e te alofa? ■

FAAMATALAGA

1. Jean B. Bingham, “Auauna Atu e pei ona Faia e le Faaola,” *Liahona*, Me 2018, 106.

2. Jean B. Bingham, “Auauna Atu e pei ona Faia e le Faaola,” 104.

3. Jeffrey R. Holland, “Ia Faatasi ma Faamalosi i Latou,” *Liahona*, Me 2018, 103.



Saunia e
Jean B. Bingham

Peresitene Aoao
o le Aualofa

O Fea Ua O i Ai O'u Faiaoga o Aiga ma Faiaoga Asiasi?

O le fetuutuunai o auaunaga e tatau ona uunaia ai i tatou e faaali atu le tausiga faateleina, ae le o le taitai atu o i tatou e le faaleano ai

Sa fesili mai ma le le mautonu lata mai nei se tasi o a'u uo, "O fea ua o i ai o'u faiaoga asiasi?" Mai le taimi na maliu ai lana tane, sa alolofa ma mataalia i laua ae talu mai lava le faasilasilaga o le polokalama fou o auaunaga i le konafesi aoao ia Aperila 2018, na te le'i toe maua lava se tala pe vaai foi ia i laua.

O loo tatou tau faamasani uma lava i se auala fou o le faiga o mea, ma atonu e le o malamalamala nisi o tuagane ma uso a auauna e ui e le na'o se asiasiga i le aiga se auala e auaua atu ai ma e mautinoa lava o se auala matagofie lea e faaali atu ai le alofa ma le fifia moni—ma e toatele lava le au paia o loo manaomaina pea.

O le faamuamua o le Aisea i luga a'e o le E Faapefea

Mo nisi, atonu o le faafitauli o le le malamalamala i le faamoemoega o le suiga. O le faamoemoega maualuga o le suia o asiasiga i aiga ma faiaoga asiasi



i le auaunaga, sa le na ona suia le *pefaapefea* ona tatou tausia le tasi ma le isi ae ina ia fesoasoani ia atili taijalaina i tatou e le *aisea*.

O le faamoemoega tupito o le tatou auaunaga o le fesoasoani lea i isi ia faateleina le loloto o le liua i le Faaola o Iesu Keriso ma ola agai atu i o latou gafatia e faavavau. O le faaopoopo o le fetuutuunaiga o le polokalama, e le o lona uiga ia uunaia ai le faata'eta'ealuga o a tatou taumafaiga; o lona uiga ia tuuina atu ai se avanoa faateleina mo le Agaga e taiala ai a tatou taumafaiga.

O le mea lea pe manaomia pe le manaomia e se tasi se asiasiga i le aso, e tatau ona matele lava le faavae i le mea o le a fesoasoani latou te agai ai i luma i le ala a le Tama Faalelagi mo i latou.

Aoao Faatasi

E ui lava i le le mautonu sa i ai muamua e uiga i le mea ua faamoemocina mai ia i tatou a o tatou auauna atu, ae o loo aapa atu o tatou uso ma tuagane o le tasi i le isi. Po o fea lava ou te malaga i ai, e ese le manaia o le faalogologo atu i le anoano o tamaitai (ma le toatele o alii) e faasoa mai a latou tala e uiga i aafiaga lelei o a latou auaunaga—po o auaunaga foi sa faimo i latou—i mafutaga ma le tuputupu ae o le tagata lava ia.

Na faatoa ou foi mai talu ai nei mai Carolaina i Matu, ISA, lea sa faasoa mai ai e le peresitene o le Aualofa a se uarota nisi o manatu sa ia maua mai taitai o le siteki. Faatasi ai ma ni nai faamaninoga



"O SE AUALA SILI ONA FOU, SILI ONA PAIA"

O le siata lenei ua faaali atu ai le auala na manatu i ai nisi o le au paia i le polokalama tuai, e faatusatusa atu i le auala matou te faamoemoe o le a malamalama ai tagata uma i le uiga o le auauna atu.

TUAI

Faiaoga o aiga ma faiaoga asiasi
Faaosofia e le tiute
Atigipusa*
O le a se mea ou te faia?
Faagaoioiga
KOLOSI UA UMA
Taulai atu i le galuega
Asiasiga e tasi i le masina
Aumai se savali faatulagaina
O a mea e faitaulia o se asiasiga?
Totofi atu i tuagane ma uso
Lipoti atu ua uma ona fai

FOU

Auaunaga
Faaosofia e le alofa
Penina
Aisea ou te faia ai?
Taunuuga
FAAAUAU PEA ONA SIAKI I AI
Taulai atu i le tagata
Faigofie, fesuisuiai auala e fesoottai ai
Fefaaasoaaai i le talalelei e taitaia e le Agaga
Faamasinoina mo le manuia faaleagaga
Faatuatuaina i tuagane ma uso
Suia loto

* O se faataoto sa faamatalaina e uiga i se tagata fai maataua sa i ai sana penina faapelepele ae sa faanoanoa ina ua o mai tagata e vaavaai i ai; sa sili ona taulai atu i le atigipusa manai a sa taatia ai i totonu nai lo o le penina lava ia. E faapena foi, ae tatou siitia mai asiasiga i aiga ma faiaoga asiasi i le auaunaga, e mafai ona lelei atu la tatou taulaiga l "penina" o auaunaga anoa nai lo o le "atigipusa" o aiaiga ma faiga faavae.

E FAAPEFEA ONA FAIA NI FAATALATALANOAGA O AUAUNAGA MANUIA

I le mamanu faatekinolosi o lenei tusiga, ua faaso mai e Sister Bingham ni taiala se lima mo ni faatalanoaga anoa mo le auaunaga. Asiasi i le [lds.org/go/121813](https://www.lds.org/go/121813).

laiti, ou te manatu o ia mea e matuai fetau i tonu lava ma e onomea ona faaso atu.

Fai Pea lava pea

O loo tatou aoao faatasi uma lava a o tatou taliaina "se faiga fou atu, ma le paia atu" i le auau-naga.¹ Atonu e lagona e nisi o i tatou le lofutuina po o le fefe. E fesoasoani le manatuina o le "fou atu ma le paia atu" e le o lona uiga o le "leai o se ponā ma e le ausiaina."


E tusa pe o e le mautonu lava e uiga i faa-moemoega o le auaunaga ma lona faiga, pe ua e manatu foi ua e silafia le faiga, ou te valaaulia oe e maimoa ma faitau i punaoa o loo i le

ministering.lds.org ma suesue i tusiga o Mataupu Faavae mo le Auaunaga ua lomiaina i masina taitasi i le *Liahona* (tagai i le itulau e 8 o le lomiga lenei). O le a fesoasoani nei anomea e faaogatasi ai au tau-mafaiga faaleauaunaga ma le galuega a le Faaola.

Faafetai lava uso e ma tuagane lelei, mo le alolofa ma le agalelei ma le aapa atu ma tuuina atu o outou lava. E mataina moni lava outou ma o a outou auaunaga o le a avea ma se "mea maoae"!² ■

FAAMATALAGA

- Russell M. Nelson, "Auaunaga," *Liahona*, Me 2018, 100.
- Ema Samita, i le *O Afafine i Lo'u Malo: O Le Talafaa-solopito ma Galuega a le Aualofa* (2011), 14.





**Saunia e Elder
L. Whitney
Clayton**

O Le Au Peresitene
o Fitugafulu



O LE MEAALOFA A LE FAAOLA O LE **FILEMU**



E oo lava i se lalolagi lea e foliga mai o loo mamao ese lava le filemu,
o le meaalofa a le Faaola, o le filemu e mafai ona nofo i o tatou
loto e tusa lava po o a o tatou tulaga.

Ei ai ea se isi mea e sili atu nai lo o musika ma pesepesega matagofie o le Kerisimasi, faatasiga a aiga ma uo i le Kerisimasi, foliga ataata, ma le miomio fiafia o tamaiti? E i ai i le Kerisimasi se gafatia paia lea e aumaia faatasai ai i tatou o ni aiga, uo, ma ni afioaga. Tatou te tulimatai atu i le faafesui-aiga o meaalofa ma olioli i se taumafataga o o aso fiafia.

I le *A Christmas Carol (Pese Kerisimasi)*, sa tusia e se tusitala Peretania o Charles Dickens, na maua lelei ai e le tama a le uso o Ebenezer Scrooges le mataina o lenei taimi paia o le tausaga. Sa ia tomanatu, “Sa ou mafaufau e le aunoa i le vaitau o le Kerisimasi, pe a oo mai . . . o se vaitaimi matagofie; o se vaitaimi manaia, o le agalelei, faafemagaloi, alofa le faatuaoia; na o le pau lea o le vaitaimi ou te iloa, i le kalena umi o le tausaga, e pei ai alii ma tamaitai ua malilie tasi e tatala . . . saoloto o latou loto, ma ia mafaufau i [isi] tagata. . . . Ma o lea . . . , e ui e le'i tuuina ai lava sina fasi auro poo se siliva i la'u taga, ae ou te talitonu ua faia ai se mea lelei mo a'u, ma o le a faia ai se mea lelei mo a'u; ma ou te faapea atu, ia faamanuia e le Atua!”¹

I le avea ai ma se matua, ma o le taimi nei o se matua matua, na faamanatuina mai ai ia te au le matagofie o le Kerisimasi a o ou vaavaai atu i la'u fanau, ma o le taimi nei, o a latou fanau, o faamanatu le soifua mai o le Faaola ma olioli i le mafutaga a le

tasi ma le isi, a o faapotopoto faatasi lo matou aiga. Ou te mautinoa sa e maitauina, e pei ona ou faia, le olioli ma le mama e tulimatai atu ai le fanau i le, ma fiafia i lenei aso fiafia faapitoa. O le vaaia o lo latou olioli e faamanatu mai ai ia i tatou taitoatasai ia Kerisimasi fiafia ua mavae. O Dickens lava foi lea na fai mai, “E lelei le avea faapei o ni tamaiti i nisi o taimi, ma e leai se isi taimi e sili atu ona lelei nai lo o le Kerisimasi, o le taimi lea sa avea ai le Faavae silisilise o se tamaitiiti.”²

Sa ou ola a'e e latalata i Los Angeles, Kaledonia, ISA, lea sa siomia ai lo matou fale i ni toga moli. I se afiafi se tasi o Kerisimasi uma lava, na valaaulia ai e o'u matua ia aiga, uo ma tuaoi e o mai i le matou fale e usu ai pese o le Kerisimasi ma fiafia ai i ni taumafataga mama. Sa o se aga masani matagofie mo i matou uma lava, ma sa foliga mai e umi lava o pesepese. O i matou o tamaiti matou te pepese i se umi matou te mananao ai, ona matou sosola atu ai lea i le toga moli e taaalo ai.

Sa ma tausia foi ma lo'u toalua o Kathy lo ma aiga i Kaledonia i Saute, e latalata lava i le gataifale. O le Kerisimasi iina sa iloagofie lava i niu e lue solo i le savili. O tausaga uma lava, e tulimatai atu ai le ma fanau e o atu i le uafu e matamata i le solo o vaa teuteuina o le Kerisimasi. E fia selau vaafaila mananaia, e feemoemo mai i moli felanulanuai, e faaopeopea faataamilo i le



O LE AGAGA SUIA
O LE VAITAU O LE
KERISIMASI UA FAA-
VAEINA I LE MANA
FAAOLA O IESU
KERISO IA SUI AI O
TATOU OLAGA MO
LE LELEI ATU.

uafu a o matou matamata ai ma le maofa.

O lenei la ua matou nonofo i le Aai o Sate Leki, Iuta, ISA, ua ma faia ai ma Kathy se aga masani o le ave atu o le ma fanau ma fanau a le ma fanau i se faafiafiaga i le lotoifale o le talaaftino o le *A Christmas Carol* (*O se Pese o le Kerisimasi*). O tausaga uma lava a o matou matamata atu ia Scrooge o faia lenei suiga faavavega mai se tagata nofotoatasi le alofa i se tuaoi fiafia na faatumulia i le olioli o le Kerisimasi, matou te lagonaina ai le uunaiga e tuuese le Scrooge o loo i totonu o i matou. Matou te lagona le uunaia e fai se lelei teisi atu e mulimuli ai i le faataitaiga a le Faaola o le alofa atu i tagata uma.

O Le Mana Faaola o Iesu Keriso

O le agaga suia o le vaitau o le Kerisimasi ua faavaeina i le mana faaola o Iesu Keriso ia sui ai o tatou olaga mo le lelei atu. O loo tusia i le tusi a Luka le tala faapelepele o le soifua mai o le Alo o le Atua i le silia ma le 2,000 tausaga ua mavae i Peteleema.

“O aso lava ia na oo mai ai le poloaiga a Kaisara Aokuso ia tusia uma ai le lalolagi. . . .

“Ua o uma atu foi i latou ia tusia, e taitasi i lona lava aai.

“Ua alu ae foi Iosefa mai Kalilaia, mai le aai o Nasareta, i Iutaia, mai le aai o Tavita, ua igoa ia Peteleema;

“Ia tusia faatasi ma Maria lana ava sa faufautane ia te ia, ua to o ia,

“Sa i ai i laua, ona oo lea i ona po e fanau ai o ia.

“Ua fanau e ia lana tama ulumatua, ua ia aui ia te ia i le ie, ma faataoto ia te ia i le falepovi; aua latou te le ofi i le fale e tali ai malo.

“Sa i le vao o lea nuu leoleo mamoe sa nonofo ai ma leoleo po i lo latou lafu mamoe.

“Faauta foi, ua tu mai ia i latou le agelu a le Alii, ua pupula faataaliolio mai foi ia te i latou le pupula o le Alii: ua matua fefefe ai lava i latou.

“Ona fai mai lea o le agelu ia te i latou, Aua tou te matatau: aua faauta, ou te au mai ia te outou le tala lelei, e olioli tele ai le nuu uma.

“Aua o le aso nei ua fanau ai i le aai o Tavita, lo outou Faaola, o le Alii ia o Keriso.

O le faailoga lenei ia te outou, e iloa e outou le tama meamea ua aui i le ie, o loo taoto i le fale povi.

“Ona faafuasei lea ona faatasi mai ma le agelu o au mai le lagi e toatele ua vivii i le Atua ua faapea ane,

“O le viiga i le Atua i mea aupitoaluga, ma le manuia i le lalolagi, o le finagalo alofa i tagata” (Luka 2:1, 3–14).

Aua Tou Te Matatau

Sa iloa e le agelu le fefefe o leoleo mamoe ina ua ia faaali atu ia i latou, ma fai atu i ai “aua tou te matatau.” O le ofooogia o le mamalu o le Atua lea sa susulu mai le avefeau na faafuseia mai le lagi, e moni lava sa oo ai le fefe i o latou loto. Peitai o le tala fou sa sau le agelu e faasoa mai, sa leai se mea e fefefe ai. Sa sau e fofoga mai se vavega, e aumai le tala sili ona manaia, e ta’u mai



ia i latou ua amatalia moni lava le togiolaina o le tagata. E leai se isi avefeau sa aumaia muamua pe na toe aumaia talu mai lena taimi ni tala e sili atu ona fiafia ai.

Ua amatalia e le Alo e Toatasi na Fanaua o le Tama Lana malaga i le olaga nei: “Aua o le aso nei ua fanau ai i le aai o Tavita, lo outou Faaola, o le Alii ia o Keriso.” O tala fiafia moni nei e olioli tele ai.

Tatou te fetaiai uma lava ma taimi i o tatou olaga lea e foliga e le manino ma mamao ai le olioli tele lea na folafola mai e le agelu. Tatou te feagai uma lava ma vaivaiga ma faafatiatama’i o le olaga—ma’i, toilalo, faafitauli, faanoanoaga, ma mulimuli ai, o le otu. E ui ua faamanuiaina le toatele o tagata i le ola saogalemu faaletino, ae o nisi i aso nei e leai. E toatele o loo feagai ma le faigata tele o le faafetaiaia o manaoga o le olaga faapea ma aafiaga faaletino ma faalelagona lea e mafai ona aumaia e na manaoga.

Ae peitai, e ui lava i faafatiatama’i o le olaga, o le savali a le Alii ia i tatou taitoatasi ua tutusa lava i le aso e pei foi ona sa i ai i leoleo mamoe sa leoleo i le 2,000 tausaga ua mavae: “Aua tou te matatau.” Atonu o le tala a le agelu e aua le matatau, ua i ai se ttau sili atu ia i tatou i aso nei nai lo le faatoafilemuina o le matatau o leoleo mamoe i lena po o le uluai Kerisimasi. Pe le o le uiga foi o lana tala, ia tatou malamalama ona o le Faaola, o le a le mafai ai lava ona manumalo le fefe? Pe le’i manao e faamamafa mai le mea moni e faapea, o le mata’u tele e le tauamionuina lava, ma e leai se faafitauli faaleolaga nei e tatau ona tumau, ma e leai se tasi o i tatou e le mafai ona togolaina?

O le meaalofa aupito matagofie e tuuina atu i le Kerisimasi o le a le aunoa lava o le meaalofa na tuuina mai e le Faaola lava Ia ia i tatou: O Lona filemu atoatoa. Na fetalai o Ia: “Ou te tuuina atu ia te outou le manuia, o lou manuia ou te avatu ai ia te outou: ou te le avatu ia te outou faapei ona avatu e le

lalolagi. Aua le atuatuvalo o outou loto, aua foi tou te mata-tau” (Ioane 14:27).

E oo lava i se lalolagi lea e foliga mai o loo mamao ese lava le filemu, o le meaalofa a le Faaola, o le filemu e mafai ona nofo i o tatou loto e tusa lava po o a o tatou tulaga. A tatou talia le valaaulia a le Faaola e mulimuli atu ia te Ia, o le a faavavau lava ona tafieseai ai le mata’u tumau. Ua saogalemu lo tatou lumanai. O “tala lelei [nei] e olioli tele ai le nuu uma.”

“Aua e te fefe,” na faamanatu mai ai e le perofeta o Isaia ia i tatou, “aua ou te ia te oe: aua le atuatuvalo; aua o au lou Atua: ou te faamalosi oe; e moni ou te fesoasoani ia te oe; e moni ou te taofia oe i le lima taumatau o lau amiontonu” (Isaia 41:10).

Faamoemoe i le Faaola

Ona o le Faaola, sa soifua mai i le 2,000 tausaga ua mavae i Peteleema, ua i ai le faamoemoe—ma le anoano o isi mau mea. Ua i ai le togiola, mapuitiga, manumalo, ma le olioli. “O le a toilalo le sese, ae manumalo le mea tonu.”³

E leitioa a faaali faafuasei mai se aufaipese o agelu a o faasino atu se folafolaga faalelagi i le folafolaga e le agelu o le soifua mai o le Faaola, “O le Viiga i le Atua i mea aupitoaluga, ma le manuia i le lalolagi, o le finagalo alofa i tagata.” E leai lava se savali e mafai ona sili atu ona faamautinoaiina. E leai lava se savali sa sili atu ona faatumulua i le fiafia tele i tagata.

Talosia lenei vaitau ia o se vaitau o le filemu ma le olioli mo i tatou uma, “aua o le aso [lena] [sa] fanau ai i le aai o Tavita, lo [tatou] Faaola, o le Alii ia o Keriso.” ■

Mai le saunoaga o le Faigalotu o le Kerisimasi a le Au Peresitene Sili, “Aua le Fefe,” na tuuina mai i le aso 6’ Tésema, 2015, i le Nofoaga Autu o Konafesi.

FAAMATALAGA

1. Charles Dickens, *A Christmas Carol* (1858), 5–6.

2. *A Christmas Carol*, 67.

3. “I Heard the Bells on Christmas Day,” *Hymns*, no. 214.



Lelei Teisi Atu Nai Lo Ananafi

Saunia e Luis Omar Cardozo

Na toeitiiti atoa le tausaga talu ona alu Sergio [i le misiona] ae valaau mai lana peresitene o le misiona. O ia o le ma atalii e toatasi, ma o ia le tagata muamua o le ma fanau e faia se misiona talai. Sa ma mitamita ma lo'u toalua o Liliana ia te ia, ma le faataitaiga sa ia faia mo ona tuafafine e toalua.

Sa i ai ia Sergio se uiga lea sa ma iloa ai o le a avea o ia ma se faifeautalai lelei. O ia o se taitai moni lava, sa fafia ma faamaoni, ma e mafai ona ia uunaia isi.

Sa le'i afaina ia te ia, pe o sea tagata o se tagata o le Ekalesia—sa ia faauo atu i tagata uma lava. Ma a ula atu isi ia te ia ona o le avea ma se uso o le Au Paia o Aso

e Gata Ai, na te taliaina o se tala malie lelei ma e seasea lava ita ai.

Sa ma fafia lava ina ua maua le vala-auga o le misiona a Sergio i le Misiona a Peru Chiclayo. Sa amata lana auaunaga i le aso 20 o Novema, 2013. Na fafia ia i lana misiona. I le taimi muamua, sa faigofie ona tusi atu ia te ia. Ae a o mavae atu masina, sa ou manaomia se taimi tele e mafaufau ai i ana tusi ma tali atu i lona tuputupu a'e faaleagaga.

Ma te le'i popole ia Sergio. Sa ma manatu, o totonu o le misiona o le nofo-agaga aupito saogalemu lea e mafai ona i ai o ia. Sa valaau mai lana peresitene o le misiona i le aso 7 o Oketopa 2014.

Matou te Le'i Lagonaina lava le Tuua Na'o i Matou

Sa ta'u mai e le peresitene o le misiona ia i ma'ua, sa aoao e Sergio ma lana soa ni tagata sailili e uiga i le malumalu ma aiga e faavavau. Ina ua uma lea, sa fai e Sergio le tatalo faaiu, sa taofi, ma faafuasei ai ona le malamalamā, ma pau ai i le fola. Sa fai sona faamanuiaga ma sa faananati atu ai i le falemai. Sa faaalia e fomai sa mafatia o ia i le sao o le toto i le faiai. Sa latou taumafai ae sa le'i manuia e faate'i o ia.

O le tala fou sa faatumulia ai i ma'ua i le faanoanoa tele. E ui lava i lo ma'ua faavauvau, ae sa tatau ona ma malaga atu ma Liliana i Peru e toe aumai le tino o Sergio ma ana meatotino. Sa faigata ona faasagatonu o ma mafaufau, o lea sa ma faafetai ai ona sa i ai se tasi mai le Ekalesia—mai le taimi sa ma tuua ai lo matou aiga seja oo ina ma toe foi mai—sa i ai lava iina e fesoasoani mai ia i ma'ua.

Ua faasoa mai e le tuafafine o Sergio o Ximena ona manatu e uiga i lona maliu i le lds.org/go/121819.

Sa matou maua foi le fesoasoani mai le Agaga Paia, o le sa faamafanafanaina i matou ma fesoasoani ia matou tumau pea. Matou te le'i lagonaina lava se tuua na'o i matou.

E faigata tele ona maua le agaga faafetai i taimi o faalavelave, ae ou te faafetai mo le alofa mutimutivale o le Alii na i ai i le maliu o Sergio. E maliu o ia, o o'u auauna atu o se epikopo, o Liliana sa faiaoga i le seminare, ae o le ma afafine o Ximena sa auauna atu o se peresitene o Tamaitai Talavou o le uarota. Sa matou pisi e auauna atu ma alofa atu i isi, lea sa faamausaliina ai i matou i le talalelei. Afai sa tatau ona tuua i matou e Sergio, o le a le aunoa ona ou faafetai ona na ave o ia e le Tama Faalelagi a o matou malolosi i le faatuatua.

Ou te faafetai foi ona na tuua e Sergio lenei olaga a o auauna atu i le Alii ma a o "auauna atu i [ona] uso a tagata" (Mosaea 2:17). Na fetalai mai le Alii, "O le a le tofo i le oti i latou o e e oti ia te a'u, aua o le a suamalie ia te i latou" (MF&F 42:46).

Sa tuuina mai ia te au e le Agaga Paia sina faatepaga o le mea atonu na onosaia e le Tama Faalelagi ina ua maliu Lona Alo e Toatasi mo i tatou. Sa ou iloaina sa le'i i ai ma sa'u aia e ita ai i le Atua. Na silafia e le Tama oi le Lagi le tulaga sa ou oo i ai. Sa oo mai i o'u luga se filemu lea sa mafai ai ona ou taliaina Lona finagalo ma le taimi o le maliu o Sergio. Sa oo foi ma lagonaina e Liliana lea lagona e tasi.

"Upu Faamafanafana"

Sa faamuina lo matou aiga i le malumu i le 2005, a o laiti lava Sergio ma Ximena. O Ruta sa fanau i totonus o le feagaiga i se taimi e le'i mamaao ane. A o

le'i alu Sergio i lana misiona, sa ia papati soina ai o ia.

O le tolu o aso talu ona mavae lona maliu, sa miti ai Ruta ia Sergio. O le po lea o lona aso fanau e iva ai ona tausaga. Sa miti Ruta sa laua uulima ma savalivali i le aso atoa ma sa ia fai mai ni upu faamafanafana ia te ia.

Sa latalata tele Ruta ma Ximena ia Sergio, ma ua la misia tele o ia. O loo maua pea e Ruta le mafanafana mai le manatuaina o lana miti.

**E tatau ona faaaau-
au pea ona matou
ola i le talalelei.
O le auala lena e
mafai ona toe avea
ai Sergio ma ma
tama.**

O se tasi o aso a o matou tilotilo i mea totino a Sergio, sa ma tau ai ma Liliana i lana api o fuafuaga i le misiona. Sa ma maitauina, i luga o itulau taitasi i aso taitasi, sa tusia ai e Sergio le faaupuga, "Ia lelei teisi atu nai lo ananafi."

E le'i toe o ese lava na upu ma a'u. Ua latou faamanatu mai ia te a'u, e tatau ona faaaauau pea ona matou ola i le talalelei. O le auala lena e mafai ona matou faatasai ai o se aiga pe a mavae le olaga lenei. O le auala lena e mafai ona toe avea ai Sergio ma ma tama.

A o tatau uia taimi faigata, o le a fesoasoani le Alii ia i tatou. Ou te iloa e moni lena mea, e pei lava ona ou iloa e moni Ana folafolaga. O lea matou te pipiimau ai i le talalelei, ma matou mulimuli i le faataitaiga a Sergio. Matou te taumafai ia lelei teisi atu i aso taitasi. ■

E alaala le tusitala i Salta, Atenitina.





O LE FAIA O LOU
OLAGA O SE
MALAGA FAAOSOFIA
LOTO O LE

Tuputupu A'e Patino



Saunia e Elder
Jeffrey R. Holland

O Le Korama
a Apostetolo e
Toasefululua

O le aoaoina, ola ai ma le
aoaoina atu o le talalelei o loo
i le totonugalemu o le ola agai
atu i lo tatou gafatia faalelagi.

Faamatalaga a le faatonu: I le tusiga lenei ua tusia mo le *Liahona*, ua faasoa mai ai e Elder Holland ni mataupu faavae mamana o le liua, lea e avea o se faavae mo le mataupu aoaoina fou a le Ekalesia *Sau, Mulimuli Mai ia te A'u*.

Ose taimi fiafia tele lenei e avea ai o se tagata o Le Ekalesia a Iesu Keriso o le Au Paia o Aso e Gata Ai! Pe a ou mafaufau i atiinaega lata mai nei i le malo o le Alii, ua pei e manino lava le aveina e le Atua o i tatou i se malaga faaosofia loto i atumauga ma vanu ma vaaiga e ese le mataina e tau le mafai ona tatou vaaai faalemafaufau i ai seiloga tatou te feaci maualuga teisi atu ma vaaia ai i latou i o tatou luma.

I le tausaga lava lea na te'a nei, sa tatou faamavae atu ai i se perofeta peleina ma lagolagoina ma le alofa se perofeta fou. Ua tatou faia se faiga fou i sauniga a le Aualofa ma le korama a le Perisitua Mekisateko, ma se

faamamafaga tele atu i le gefautuaai faatasi ina ia ausia ai le galuega a le Alii. I lena lava agaga, ua tatou vaiai ai le aumaia faatasi e le Alii o faitau-laga sili ma le au toeaina i se korama e tasi ma molimauina ai se suiga tele i le ala e auauna atu ai le au perisitua ma tuafafine i fanau a le Atua. Afai ua le lava lena e te maofa ai, mafaufau i le faasilasilaga talu ai nei a le Au Peresitene Sili e uiga i punaoa fou e lagolagoina ai suesuega a le

E Finagalo o la ia Suia o Tatou Loto

E ui lava i lea, a tatou toe tepa i tua i le mea sa tatou i ai, ou te faamoemoe e mafai ona tatou vaiai ai ni mea e tele atu nai lo na'o aiaiga faavae na suia, polokalama fou, ma tusi lesona faafou. O le galuega a le Alii o taimi uma lava e faatatau i tagata, ae le o polokalama. O a lava suiga Na te faatonuina mai i se faalapotopotoga po o se faatulagaga po o se mataupu aoaoina, o le mea o loo

O le aoao atu, aoaoina, ma le ola ai i le talalelei o mataupu faavae taua ia o loo i le totonugalemu o le ola agai atu i lo tatou gafatia faalelagi ma le avea ai e pei o o tatou Matua Faalelagi.

tagata lava ia ma le aiga o tusitusiga paia, faapea ma suiga talafeagai i anomea a le Peraimeri ma le Aoga Sa—ae le'i ta'ua ai le siitia faifaipea i eria o le galuega faafafeautalai, suesuega o talafaasolopito o aiga, ma galuega faalemalumalu.

Ma e mautinoa lava e tele isi mea o le a oo mai. Ua tautino mai la tatou mataupu faavae o le faatuatua lona iva, “Matou te talitonu i mea uma ua faaalia mai e le Atua”—e masani lava o le vaega faigofie lena. E manaomia se ituaiga faatuatua faapitoa e “talitonu ai o le a Ia faaali mai le tele o mea silisili ma le taua tau i le Malo,” ona sauni lea e talia ia mea e tusa lava po o a. Afai tatou te mananao i ai, o le a taitai atu i tatou e le Atua i nofoaga tatou te le'i moemiti e mafai ona tatou o i ai—e pei lava le maualuga o le mea ua oo i ai a tatou miti. O Ona manatu ma Ona ala e mautinoa lava e sili atu le maualuluga nai lo o tatou [manatu ma ala] (tagai Isaia 55:8–9). I se isi itu, ou te manatu ua le pei i tatou o i latou i Katelani o e sa saunoa atu i ai le Perofeta o Iosefa Samita, “Ua le sili atu ni mea ua outou iloa e uiga i faamoemoega o lenei Ekalesia ma le malo nai lo o se pepe o i luga o vae o lona tina.”¹

finagalo moni o Ia ia suia o oe ma a'u. E finagalo o Ia ia suia o tatou loto ma faaleleia o tatou lumanai.

Leai, e le mafai lava ona tatou vaai i na mea maoae ma taua o loo iai i le lumanai. Ae ua i ai ia i tatou ni nai manatu e uiga i le taunuuga mulimuli.

“A e le'i faaalia mai nei le uiga o i tatou a amuli; a ua tatou iloa, pe a faaali mai o ia, ona foliga ai lea o i tatou ia te ia, auā tatou te iloa tino ai lava o Ia” (1 Ioane 3:2).

“O a ituaiga o tagata [alii ma tamaitai] e tatau ona iai outou? E moni ou te fai atu ia te outou, e pei lava o a'u nei” (3 Nifae 27:27).

“O le a outou maua lona atoatoaga, ma faamaluina ia te a'u e pei o a'u i le Tamā; o lea, Ou te fai atu ia te outou, o le a outou maua le alofa tunoa mo le alofa tunoa” (MF&F 93:20).

Ou te le iloa ia te outou, ae ia te a'u ia, e foliga mai lena mea o se malaga umi—ae manaia tele! Se sini ina a paia, e ui ina maoae, ae o le pogai tonu lena e matagofie ma musuia ai le talalelei toefuataiina. O loo i le ta'ele o o tatou loto ia se siuleo—o se manatua—e ta'u mai ai ia i tatou o le pogai lena na tatou o mai ai i le lalolagi. Sa



tatou taliaina muamua ma taua le fuafuaga a lo tatou Tama oi le Lagi, ona sa tatou mananao ia avea e pei o Ia. Sa tatou iloaina o se sini faigata tele o le a le faigofie lava ona ausia. Ae sa le mafai ona faamalieina i tatou i se isi lava mea e itiiti ifo [lona taua]. Sa foafoaina o tatou agaga ina ia tuputupu ae, ma sa faaosofia i tatou i lena taimi ma le taimi nei e faia le malaga.

Aoao ma le Avea Ai

O le aoao atu, aoaoina, ma le ola ai i le talalelei o mataupu faavae taua ia o loo i le totongalemu o le ola agai atu i lo tatou gafatia faalelagi ma le avea e pei o o tatou Matua Faalelagi. O nisi taimi tatou te ta'ua ai lenei faagasologa o le *alualu i luma e faavavaau*. O nisi taimi tatou te ta'ua ai o le *liua*. O nisi taimi tatou te faaigoaina ai o le *salamo*. Ae po o le a lava le mea tatou te tauina ai, e aofia ai le aoaoina. Na saunoa le Perofeta o Iosefa Samita, “E tatau ona outou aoao i auala e avea ai outou lava ma atua, ma ia avea ma tupu ma fataulaga i le Atua, . . . e ala i le alu mai le tasi tikeri itiiti i le isi, ma e mai se agavaa itiiti i se agavaa maoae. . . .

“Pe a e a'e i se apefai, e tatau ona e amata atu i le pito i lalo, ma agai atu i luga mai lea sitepu i lea sitepu, seia e taunu i le tumutumu; ma e faapena i mataupu faavae o le talalelei—e tatau ona e amata i le muamua, ma faasolo atu ai seia e aoao i mataupu faavae uma o le faaeaga.”²

Ia sei tatou talanoa e uiga i le aoaoina. Ona ou te fafia e fai-aoga, ou te fafia i le upu ma le manatu, e ui ou te manatu e tatau ona tatou faauigaina lelei teisi atu nai lo le mea e masani ona tatou faia ai. Mo faamoemoega o le talalelei, ou te le o faapea atu e na'o le faaputuina o le malamalama, e ui o se vaega lena. E le o le uiga foi o la'u tala le tau ina faalogologo i se tautalaga po o le taulotoina o mea moni. O le uiga o la'u tala i le aoaoina i se agaga o le tuputupu a'e ma le suia, o malamalamaaga loloto e tau atu i le faaleleia atili, o le iloaina o le upumoni, ia e faapea ona taitai atu ai i tatou e latalata atili atu i le Atua o upumoni uma.

Sa tuu faatasi e Peresitene Russell M. Nelson le aoaoina ma lenei suiga liua o le loto ina ua ia aoao mai e faapea, “e attiina ae le molimau pe a tuuina atu e le Agaga Paia le talitonuga i le tagata e saili faamaoni i le upumoni,” e unaia ai le faatuatua, lea e “siitia ai le salamo ma le usiusitai i poloaiga a le Atua.” O vaega taua nei o le liua tatou te liliu ese ai “mai ala o le lalolagi i ala o le Alii,” lea e “aumaia ai se suiga tele o le loto.”³

O le mea lenei e le faatatau i le iloaina o igoa o ituaiga e sefuluua o Israaelu po o le tusiga o le ata o le faataoto i laau olive, e tusa lava po o le a le aoga o na faatinoga, O lenei ituaiga o aoaoina e faatatau i le suia o i tatou lava, e faatatau i le ese (lelei atu)

ona ua tele atu mea ua tatou iloa e uiga i mea ua silafia e le Atua.

E mafai ona outou silasila i le ituaiga aoaoina o loo o'u talanoa atu ai, e matuai tele lava e le ofi i totonu o se potuaoga pe aoaoina foi i se lesona e 45-minute. O tusituisga paia, perofeta, matua, susulu o le la, aso timuga, uunaiga faaleagaga, ma mataupu aoaoina i aso taitasi o le olaga lava ia, o ia mea uma e tuuina mai ai avanoa mo i tatou e aoao ai e uiga i le Atua, ma Lana fuafuaga aua e moni lava "ua molimau mea uma" ia te Ia (Mose 6:63). Mulimuli ane, ua tatou iloaina uma e finagalo o Ia e aoao i tatou e le gata i le

O le aiga o se potuaoga ma se potusu'esu'e, lea e matuai maopoopo ai le tuufaatasiga o le aoaoina ma le ola i le talalelei, lea e toetoe lava a tau le iloa [se eseeseaga].

lotu ae i soo se mea ma soo se taimi—i taimi e le aloaia faatasi ma a tatou fanau ma a tatou uo, o o tatou tuaoi ma a tatou uo faigaluega, le alii po o le tamaitai tatou te vaai i ai i luga o le pasi po o le tagata faigaluega e fesoasoani ia i tatou i le maketi—po o fea lava ma soo se taimi lava tatou te mananao ai e aoao.

Ae o nei upumoni uma o loo taumafai le Atua e aoao ai i tatou i aso taitasi ua na'o se tele o ni fatu ua totoina i palapala gaoa po o totonu o vaotuitui ia e susunuina pe fetinaiina seiiloga tatou te faaaogaina le fautuaga a Alema e tausi i latou e ala i le faataitai i le upu, po o le, e pei ona fai mai Iakopo, ia fai ma e anaana i le upu ae aua le na ona faalogologo i ai (tagai Mareko 4:1–20; Iakopo 1:22; Alema 32:27–43). A tatou aoaoina upumoni ma filifili e faatinoina, e faapea ona tuputupu ae ai a tatou molimau (tagai Ioane 7:17). Ma, a tatou avea le upumoni o se vaega o i tatou e ala i le taumafai e ola ai pea e tusa lava pe [tatou te] fetaiai ma luitau, e faapea ona suaia ai i tatou ma tatou avea atili ai e pei o le Tama o le upumoni.⁴



O le Aoaoina o le Talalelei E Totonugalemu i totonu o le Aiga

O le mea lena tatou te fai atu ai o le aoaoina atu, aoaoina, ma le ola ai i le talalelei e tatau ona "totonugalemu i le aiga ma lagolagoina e le Ekalesia."⁵ Muamua, o le aiga o le mea lea e tele ina faaalu ai o tatou taimi—e mautinoa lava e tele atu le taimi nai lo le taimi tatou te faaalu i le lotu (e le aofia ai epikopo e ova galulue). Tatou te le faamoemoe e ola umi o tatou tino faaletino i se 'aiga e tasi i le vaiaso—e tusa lava pe o se 'aiga lelei lava. E faapena foi, afai o se vasega e tasi le itula i le Lotu, e tusa lava po o se vasega lelei lava o le Lotu, o le nofoaga autu lea mo lo tatou "taumamafa fiafia i le afioga a Keriso" (2 Nifae 31:20), o lona uiga ua tatou i ai i le tulaga matautia o le molemanava faaleagaga.

Lona lua, o le aiga o se potuaoga ma se potusu'esu'e, lea e matuai maopoopo ai le tuufaatasiga o le aoaoina ma le ola i le talalelei, lea e toetoe lava a tau le iloa [se eseeseaga]. O lenei aafiaga ola o le potusu'esu'e e le mafai lava ona toe fatuina i le na'o le potuaoga.

Atonu o le mea aupito taua, o le aiga o se—pe e mafai ona avea—o se siuleo o le lagi, o se faamanatu o le sini e faavavau lea na tatou o mai iinei e tuliloaina. E pei ona ta'ua ai e Peresitene Henry B. Eyring, Fesoasoani Lua i le Au Peresitene Sili: “E ui o aiga faalelalolagi e matua mamaao lava mai le atoatoa, ae latou te avatū i fanau a le Atua le avanoa silisili e talileleia ai i latou i le lalolagi i le alofa e tasi i le lalolagi lea e latalata atu i le mea na tatou lagonaina i le lagī—o le alofa faamatua. O aiga o le auala sili foi lea e faasaoina ma tuufaasolo ai amioga mama ma mataupu faavae moni ia o le a sili ona taitai atu ai i tatou e toe foi atu i le afioaga o le Atua.”⁶

Pe ua ou faamata'uina outou matua? Ou te faamoemoe e leai. O lenei faamamafa i le aoaoina atu, aoaoina, ma le ola ai i le aiga e le i fuafuaina e avea o se avega faoopoopo mo tagata taitoatasī ma aiga. O le mea moni, o lona faafeagai—matou te faamoemoe o le faailoaina atu ma le lagolagoina o a outou taumafaiga i le aiga, e mafai ai i nisi o auala ona faamamaina le avega o loo outou tauaveina iina. Ia, pe sili atu foi, atonu e mafai ai ona matou faamalosia outou e “tauave [ai] ma le faigofie” (Mosaea 24:15).

Lagolagoina o le Aoaoina o le Talalelei i le Lotu

O lenei vaaiga lautele o le opogiina o le talalelei i fafo atu o le potuaoga e le faapea ai e le taua le potuaoga. O le mea moni lava, matou te faamoemoe ia tupu pea lena aoaoina anoa i le lotu. O le mea moni, o le matafaioi lagolago o vasega a le Eklesia e taua tele i le faaogatotonuina o le aoaoina i le aiga. Ae ina ia mafai ona fesoasoani e sua olaga, e le mafai ona tutoatasī le aoaoina i le lotu mai mea o loo tutupu i na olaga. E tatau ona talafeagai ma, ma ia utuvai mai i aafiaga a faiaoga ma tagata aoao.

Ua manino a la, o le taulai atu i se tusi lesona po o se laupapa sioka po o le faatulagaga o nofoa, pe tusa foi po o ni fesili sili ona lelei e talanoa ai, atonu e le o le taulaiga sa'o lea. O le atalii/afafine e taitoatasī o le Atua ma lona alualu i luma e faavavau, e tatau ona avea ma faamoemoega o le tatou taumafaiga ma le alofa. O loo tatou taumafai e

AOAOINA MA LE OLA I LE TALALELEI I LE AIGA

O suesuega a le au suesue o e auai i le AAG ma e le auai i le AAG ua maua ai, o aga masani faalelotu e faaogatotonu i le aiga e i ai se aafiaga mamana ma tumau i fanau. A o tuputupu a'e tamaiti ma avea ma ni tagata matutua, e masani ona latou faatumauina talitonuga ma mamanu faalelotu sa faavaeina i le aiga o o latou tagata talavou.

O matua o e faavae o latou aiga i mataupu faavae o le amiontu e pei ona maua i le “O Le Aiga: O Se Folafolaga i le Lalolagi” e tuu atu ai i a latou fanau tulaga lelei ia e faaputupu i le faagasologa o taimi, e aumai ai faamanuiaga faaleagaga ma faamanuiaga faaletino ia i latou.

E le gata i lea, o suesuega a le Eklesia i le lunaite Setete na maua ai o tamaiti ma le autalavou i aiga o le AAG o e fai tatalo faaleiga i aso uma, suesue faaleiga i tatusiga paia i le le ititi ifo ma ni nai taimi o le vaiaso ma aifi faaleiga faalevaiaso, e tusa ma le 20 pasene atonu e sili ai nai lo isi, le auai i le lotu i vaiaso taitasi, maua faaeega paia, pe faaipoipo i le malumalu pe avea i latou ma ni tagata matutua.

E moni lava, e i ai faitalia o tamaiti, o lea la, o le faamaoni o matua i tulaga faalelotu i le aiga, e pei o le faisoo o tatalo faaleiga ma le suesueina o tatusiga paia, e le o taimi uma e iu ai i le taliaina e se tamaiti i tulaga faatauaina faalematua. O le avanoa e ono i ai le tuufasologa mai ma le opogiina e augatupulaga i le lumanai o talitonuga ma amioga faalelotu, o le a faateleina pe a fai e matua se faataitaiga lelei, ia i ai se sootaga latalata ma alolofa ma a latou fanau, ma i ai ni talanoaga malamalamā e uiga i mataupu faalelotu. O le aiga o se tagata e matele lava ina avea ma se uunaiga malosi i le tausisia e se tagata o tulaga faalelotu e faapea, o se vaega itiiti tele o “faamaumaauoa” ua iu lava ina foi mai i le lafu i le olaga nei.

E ui o taunuuga o lenei suesuega ua fautuaina mai ai ni taunuuga lelei i le mea o i ai le oa o le aoaoina o le talalelei i le totongalemu o le aiga, ua latou fautuaina mai foi o le lagolago a le Eklesia e faapitoa le taua mo tagata fou liliu mai po o isi tagata o le au paia o e nonofo i aiga atonu e vaivai ai le faatinoina o le talalelei. E mafai ona manuia nei tagata o le au paia mai le faataitaia ma le fautuaina, e pei o le faia o aifi faaleiga ma se isi aiga, aoao i auala e fai ai e le aunoa ia tatalo faaleiga, maitauina o auala lelei e talanoa ai e uiga i mea tau lotu i le aiga, ma auaua atu faatasi ma tagata o le au paia ua lava le potomasani.

pa'i atu i olaga, ma e na'o nofoa po o sioka po o masini otoviso tatou te pa'i i ai pe afai e fesoasoani lena tatou te pa'i atu ai i se olaga. I le toe faaupuina o le fetalaina a le Faaola, o le a se aoga i se faiaoga po o se vasega pe afai na te lagolagoina le tautalaga faaleaoaoga faavae aupito maoae i le lalolagi ae leai se mea o lena aoaoga faavae e iloagofie i le olaga ma le alofa, i le manatu ma lagona o le tagata e taitoatasi o le au paia, le tagata lea e matuai finagalo le Atua e laveai ma faaea?

O le fuafaatatau moni o le faamanuiaina e le o le, po o le a le sologa lelei sa alu ai le lesona, po o le a le lelei sa tatou faaaogaina ai le taimi, po o le a le tele o faamalo e maua e le faiaoga pe a uma, ae pe toafia foi tagata o le vasega sa auai [i faasoaga]. O le faamanuiaina e faalagolago lea i le mea e tupu i le olaga o le tagata aoao. Pe sa maua e Uso Herrero se mea i tusitusiga paia i le vaiasoa ua te'a na fesoasoani ia te ia e taulima ai luitau sa feagai ma ia? Ia pe sili atu foi, pe na i ai se mea na tupu i le vasega sa faaleleia atili ai lona tomai e maua ai i le faagasologa o le vaiaso tali sa ia manaomia? Ina ua ia faasoai mai lena aafiaga i le vaiaso lenei, pe sa maua ai e Sister Schmidt le faamoemoe ma le faatuatua sa ia manaomia e talitonu ai o le a fesoasoani foi le Atua ia te ia? (Tagai "E Le Malosi Lou Tino e ala i Lou Matamata i Isi.")

Atonu o le uiga o nei mea uma o le, afai o oe o se faiaoga, o le mea e te vaaia i se tasi o a tatou punaoa fou faaleaoaoga, atonu o le a fai si ese mai le mea ua masani ona e vaai i ai i a tatou tusi lesona tuai. Atonu e te tau i ni faatonuga e tau le fitoitonu e uiga i mea e fai ma le auala e fai ai. O le faiga lena sa fuafua ai, e uunai ai oe e tatalo mo, vaavaai mo, ma utuvali mai i a oe lava aafiaga ma a oe lava musumusuga, faapea foi ma aafiaga ma musumusuga a tagata e te aaooina. (Tagai "O E Pese Toatasi po o E Taitaia le Aufaipese?")

Ia faapea la o le kosi aaooina o le Feagaiga Fou ma o a'u o le faiaoga o le Aoga Sa, e le tatau ona ou sau i le vasega ma se anoanoai o faamatalaga e leai se ttau e uiga i le nofoaga na tupu ai le Mataio 5, upusii musuia mai tagata atamamai e faatau i le Lauga i luga o le Mauga, ma gaoioiga fatufatua e uiga i le auala e avea ai ma se tagata faatupu filemu, ua faatulagaina uma ma taimi lelei ia alu uma ai le taimi seia oo i le toe lima minute tuua. Nai lo o lena, ou te suesue ma ola i mataupu faavae o loo i le Mataio 5 e pei lava foi ona ou faamoemoe ia faia ai e tagata aoao.

Na pau lava le eseesegaa o le, atonu ou te faia ma le manatunatu ma le tatalo atili e uiga i tagata taitoatasi o la'u vasega ma pe mafai faapefea ona anoa nei mataupu faavae ia i latou. Ma, i totonu o le vasega, i lalo o le uunaiga a le Agaga, ou te uunaia ai i latou e faamalamalama ma lagolago le tasi i le isi i a

E LE MALOSI LOU TINO E ALA I LOU MATAMATA I ISI

Sa faatusaina e Elder Neil L. Andersen o le Korama a Apostolo a Toasefululua le aoaoina o le talalelei i se malaga i le nofoaga faamalositino. Fai mai o ia, o tagata aoao, "e le malosoi e ala i le matamata atu i se isi tagata e faia faamalosi tino. Latou te aoao ona auai lea. A o tuputupu a'e o latou malosiaga faaleagaga, latou te maua le lototele ma faaaoga atili ai i latou lava" ("A Classroom of Faith, Hope, and Charity" [o se afiafi faatasi ma se Pulega Aoao, faasalalauga mo faiaoga faalelotu o le Ofisa o Aoga a le Eklesia, 28 Feb. 2014], [lds.org/broadcasts](https://www.lds.org/broadcasts)).

O E PESE TOATASI PO O E TAITAIA LE AUFAIPESE?

E masani lava ona lagona e faiaoga le pei o se tagata pese toatasi, e pei o mea uma lava e faalagolago ia i latou. Nai lo o lena, e mafai ona latou vaavaai ia i latou lava e tele lava ina pei o se taitai o se aufaipese. O le matafaioi o se faiaoga e tulaga ese ma manaomia—latou te faafoea le talanoaga, musuia le ola i le talalelei, ma faasino le taulai atu omea uma i aoaoga faavae moni. Ae o le musika e sau mai ia i tatou uma lava. O faiaoga e fesoasoani ia tatou maua le leo o le talalelei lea o loo i totonu o i tatou taitoatasi e ala i le valaaulaina ma le musuiaina o i tatou ia maua o tatou lava aafiaga i le suesueina o tusitusiga paia. Ma, a oo ina tatou o mai i le vasega, tatou te faasoa atu o tatou lava malamalamaga loloto ma mea na maua. O lena mea o le a faaopoopo atu i le tali [o le pese].

latou taumafaiga e suesue ma ola e ala i le Mataio 5. Ou te fesoasoani ia latou vaai i le sootaga i le va o o latou olaga ma aoaoga faavae taua o i totonu o tutsi-tusiga paia. Ma le mea aupito taua, ou te tatalo mo musumusuga i le taimi lea ia liliu ai se mea moni i le faatuatua, ia liliu ai se fesili i se sailiga.

E mautinoa lava, i le Peraimeri e tau ese laitiiti ai la'u matafaioi. Ae o la'u sini ia faafafiaaina peafanau laiti mo le 45 minute pe faafilemu i latou ina ia mafai ona fai atu mea ou te manao e fai atu e aunoa ma le faalavelaveina. O lo'u faamemoega o le atiina ae o i latou o ni tagata aoao tutoatasi, ia fesoasoani ia latou iloa auala o loo faaoaina ai o latou olaga e upumoni o le talalelei, ma ia lagolago i o latou matua—o o latou faiaoga aupito taua o le talalelei.

O lenei la, o le faate'ia ai o matua, atonu ua ou faamata'uina ai faiaoga. Afaí o lea, sei ou faamautinoa

O le faamanu-iaga e faalago-lago lea i le mea e tupu i le olaga o le tagata aoao.



atu outou i ni manatu se lua: (1) O loo outou aoao-inia tagata, ae le o lesona, ma ua outou silafia lelei tagata nai lo le mea e mafai e soo se tusi lesona ona fai. (2) O au taumafaiga patino e aoao ma ola i le talalelei o tapenapenaga aupito sili ona lelei ia e mafai na aoao atu ai le talalelei i isi. Ia manatua o le auala sili ona lelei e valaaulia ai le Agaga i totonu o o tatou olaga—ma i totonu o a tatou aoaoga—o le aoao ma ola ai i tatou lava i le talalelei. O le Agaga o le faiaoga silisili lea i lenei Ekalesia, ma o le mea e lelei ai, e leai se tapulaa i lena faatosinaga.

Sa la Faataatia Ala ma Taitai le Auala

O le matou faanaunauga sili lava, ia siitia i tatou e le Alii i ni tulaga maualuluga fou o le tuputupu a'e faaleagaga e ala i auala fou o le aoaoina ma le ola ai i le talalelei. Faatasi ai ma Lana fesoasoani,

o le a tatou faasoa atu ai le talalelei i a tatou uo, e le ona ua tatou lagona o se tiute ae ona o le talalelei o se vaega o o tatou olaga i aso taitasi, ma e le mafai ona matale o tatou gutu e aunoa ma le pauu mai ai i fafo o nisi o upumoni o le talalelei! O le mea e lelei ai, o le a vaaia e a tatou uo o isi tapuaiga le malamalama faateleina i o tatou olaga ma o le a [latou] sueina faifeautalai—a o le'i maua i latou e faifeautalai—e aumai mo o latou lava aiga nisi o mea ua latou vaaia. O faaipoipoga i le malumalu, galuega o talafaasolopito o aiga, mana ma sauniga o le perisitua, amio mama, tausia o e matitiva—o na mea uma o le a avea ma taunuuga faamanuiaina o soo liua loloto o Keriso ua aoao ma ola i le talalelei i aso uma lava, faatasi ai ma le lagolago atoa, talafeagai, ma faifai pea mai vasega o le Aoga Sa. O le mea lena o loo taitai agai i ai i tatou

*E tuuina atu
la'u molimau,
a o tatou aoao i
Lona finagalo,
a o tatou faa-
potopoto mai le
malamalama
ma le upumoni
ma avea o se
vaega o i tatou i
aso uma, o lena
malamalama o
le a ola i totonu
o i tatou.*



e le Alii, ma e moni o se malaga faaosofia loto!

Tatou te faaaogaina le fuaitau, “Aoao Atu i le Auala a le Faaola,” ae ou te faamoemoe e le oo ina avea ma se upusii masani po o se anaga. O le mea moni, o le uiga atoa o lenei mea e faapea e tatau ona tatou faapei o Keriso, i le avea ai o ni faiaoga ma ni tagata aoao, ia taumafai e faasoa atu le talalelei i le ala sa Ia faia ai. O se avanoa lenei e auai ai i le au so, ia o atu i auala maualuluga ma magaala faatasi ma Iesu, ma saili mo le tasi atonu ua leiloa. O se avanoa lenei e fe’aei ai i le Mauga o Faaamuia faatasi ma le motu o tagata ma saofafai i matafaga o Kalilaia faatasi ma le anoanoai o tagata. O se avanoa lenei mo i tatou uma e pai atu ai i le tuupao o le laei o le Matai ma ia faamaloloina ai.

E ese lo’u fiafia i upu nei o le solo sa tusia e Eliza R. Snow mo se tasi o viiga aupito faagaeetia i le Ekalesia:

*Sa Ia fai le ala ma taitai mai,
Ma Ia aoao mai
Le malamalama ola tumau
I luma o le Atua faavavau.⁷*

Uso e ma tuafafine, ou te fiafia lava e savavali faatasi ma outou agai atu i le lumana mamalu ua faapolopolo e lo tatou Tama oi le Lagi mo i tatou. Ou te iloa o outou loto. Ou te iloa tou te alolofa i le Alii ma mananao e fai Lona finagalo. E tuuina atu la’u molimau, a o tatou aoao i Lona finagalo, a o tatou faapotopoto mai le malamalama ma le upumoni ma fai o se vaega o i tatou i aso uma, o lena malamalama o le a ola i totolu o i tatou, e “tupu susulu malamalama tele pea lava pea seja oo i le aso e *atoatoa ai*” (MF&F 50:24; ua faaopoopo le faamamafa) i le taimi e mafai ona tatou faatasi ai ma Ia aua o le a tatou faapei o Ia. ■

FAAMATALAGA

1. *Aoaoga a Peresitene o le Ekalesia: Iosefa Samita* (2007), 137.
2. *Aoaoga: Iosefa Samita*, 221, 268.
3. Russell M. Nelson, “Iesu Keriso—o le Matai Faamalolo,” *Liahona*, Nov. 2005, 86.
4. Tagai Dallin H. Oaks, “The Challenge to Become,” *Liahona*, Jan. 2001, 40–43; tagai foi David A. Bednar, “Faaliliuina i le Alii,” *Liahona*, Nov. 2012, 106–9.
5. *Tusitalima 2: Taitaiina o le Ekalesia* (2010), 1.4.
6. Henry B. Eyring, “Faapotopotoina o le Aiga o le Atua,” *Liahona*, Me 2017, 20.
7. “Ma’eu le Poto ma le Alofa,” *Viiga*, nu. 195.



O LE A OO MAI NI MALAMALA-MAAGA LOLOTO FOU

“A o e mafaufau loloto ma tatalo e uiga i se matapu faavae faaleaoaoga faavae, o le a fesootai atu le Agaga Paia i lou mafaufau ma lou loto. Mai mea na tutupu i tusitusiga paia, o le a oo mai ni malamalamaaga fou ma o matapu faavae e talafeagai ma lou tulaga o le a faamautu atu i lou loto.

“E te atiinaeina ia aafiaga faafaliga faapena e ala i le ola e tusa ai ma le malamalama ua uma ona tuuina atu ia te oe ma le suesueina o tusitusiga paia ma ni faamoe-moega mama—ma le manatu tonu e ‘sau ia Keriso.’ A o e faia o lea, ona ‘malosi ai lea o lou faatuatua i luma o le Atua,’ ma avea ai le Agaga Paia ma au aumea tumau.”

Peresitene Russell M. Nelson, “Ola i Taitaiga Faaleetusitusiga Paia,” *Liahona*, Jan. 2001, 21.

E FAAPEFEA ONA OU FAAAOGAINA PUNAOA FOU O LE SAU, MULIMULI MAI IA TE A’U ?

O punaoa fou o le Sau, *Mulimuli Mai ia te A’u* mo tagata taitoatas i aiga, Aoga Sa, ma le Peraimeri, ua fuafuina e fesoasoani ia tatou maua ai ni aafiaga anoa i le aoao mai tusitusiga paia i le aiga ma i le lotu. E faapefea la ona galulue faatasi nei punaoa fou o le Sau, *Mulimuli Mai ia te A’u*?

- I le 2019 o le a valaaulia ai outou e suesue le Feagaiga Fou. O le *Sau, Mulimuli Mai ia te A’u—Mo Tagata Taitoatas i Aiga*, o le a tuuina atu ai ni manatu e lagolago i au suesuega faaletagata lava ia ma suesuega faaleaiga i le fale. Faaaoga lenei punaoa i soo se auala e fesoasoani ai ia te oe.
- O vайасо taitasi, o le a suesue ma talanoaina ai e tagata matutua, le autalavou ma tamaiti i le Ekalesia aoao, ia matapu lava e tasi o le Feagaiga Fou.
- Afai o oe o se faiaoga o le Aoga Sa po o le Peraimeri, faaaoga le *Sau, Mulimuli Mai ia te A’u—Mo Tagata Taitoatas i Aiga* e faaleleia atili ai au suesuega faaletagata lava ia ma suesuega faaleaiga. O le a e maua foi se tusi lesona a le faiaoga e fesoasoani e te fatuina ai ni aafiaga e faaaofia ai i le potuaoga e lagolago i le suesueina o tusitusiga paia o loo faia e tagata o le vasega i le fale.

Mo nisi faamatalaga e uiga i le punaoa fou o le, *Sau, Mulimuli Mai ia te A’u* asiasi i le comefollowme.lds.org

O Faaiuga ma Vavega: A O Lenei Ua Ou Iloa

Saunia e Irina V. Kratzer

O lenei faasologa ua faamamafaina ai olaga o tamaitai tuuto ma a latou savali, na sii mai le tusi *I le Pulelaa: 185 Tausaga o Aoaoga na saunia e Tamaitai o le Au Paia o Aso e Gata Ai* (2017). O loo maua le tusi i le FaaPeretania, Potukale, ma le Sipaniolo.

Sa i ai se taimi o lo'u olaga sa faagaeetia ai a'u i le alofa ma le Malamalama o Keriso. Talu mai lena mea, ua suia ai lo'u olaga e faavavau.

Ua ou iloa le tulaga e i ai le ola e aunoa ma le talalelei. E 30 tausaga na ou ola ai faapena. Sa fanau i Rusia i ni matua lelei. . . . Ina ua ou matua, sa ou faaipoipo ma fanauina se pepe teine aulelei lava. Sa le'i leva ae ou faauu ma le manuia mai le iunivesite ma maua se galuega sa ou fiafia lava i ai. Ae peitai, . . . sa ou mamao lava ma le fiafia.

. . . Sa faasolo malie lava ina malepe . . . la'u faaipoipoga. . . . Sa seasea mafai ona ou saunia ni meaai faatauvaa mo i ma'ua ma la'u tama teine. Sa ou agasala. Sa ou faia lea filifiliga sese i le uma ai o le isi filifiliga sese. O le fiaai, atuatuvalue, ma faaiuga le lelei sa matuai leaga ai lo'u olaga. Sa ou [tuuaia] le leaga o le laki, ma le le iloaina o le tele o itu sa ou mafatia ai i taunuuga masani o a'u agasala. Ae e faapefea ona ou iloa lena mea? E tusa ai ma mea sa aoaoina ai a'u, e le'i i ai le agasala. . . .

Sa faasaina tapuaiga i Soviet Union ina ua uma le Taua Faakomenisi i le



E UIGA IA SISTER KRATZER

Sa nofo Irina
Valentinovna Kratzer

(f. 1965) i Barnaul, Saiperia,

lea sa alu ai i le aoga faafomai

ma avea ai ma se fomai faapitoa o le fatu. O le faafomai sa le o se galuega e maua ai ni tupe se tele; e tele masina e mavae e le maua mai le falemai ni totogi. Ina ua mavae le tatalaga o le la faaipoipoga ma se toalua faasaua i le 1996, sa lagona e Irina le lelava ma le leai o se faamoemoe a o faigaluega o ia i sifi po faaopoopo e tausai ai lona tina ma lana tama teine i ni totogi laiti.

Sa ola a'e Irina i se siosiomaga e le iloa se [Atua] ma sa le'i talitonu ai i le Atua. E ui lava i lea, i se tasi o po sa ia faia ai le talosaga lenei: "la ua lelei, le Atua, afai o e i ai iina, tau lava o le ta'u mai ia te a'u, aua atonu e te le popole lava ia te a'u. O ai a'u ia te oe, o se tagata faatauvaa lenei o loo taumafai e ola?"

O ni nai vaiaso mulimuli ane, ia Aokuso 1996, sa feiloai ai Irina i se alli o le o le a faailoa atu o ia i le Ekalesia ma fesoasoani ia te ia e malaga atu i le lunaita Setete e aoao ai i le Igilisi. O le valu o masina talu ona taunuutu atu i luta, ISA, ia Aperila 1998, sa faaipoipo ai Irina ia Tay Kratzer.

Sa avea Sister Kratzer o se faiaoga i se Aualofa i Orem, luta, ae valaaulia ai o ia e lauga i le Konafesi a Tamaitai o le Iunivesite o Polika laga. Ua faalaugatasia faailoga ma mataitusi tetele.

[Ona] oo mai lea o le Tusi a Mamona i lo'u olaga. Sa ou faitau se mataupu e tasi i taeao uma lava ae ou te le'i alu e faigaluega. O le faitauina o lenei tusi, sa ou aoao ai o loo soifua le Atua, o Iesu o Lona Alo, [o Le] sa afio mai i le lalolagi lenei e fesoasoani i tagata agasala e pei o a'u. O le tele lava o lo'u faitau i lenei tusi, o le tele foi lea o lo'u vaaia o le ava i le va o aoaoga a Keriso ma le ala sa ou ola ai. Sa ou aoaoina ai o le mafuaaga lena sa matuai leaga ai lo'u olaga. . . .

. . . Sa ou saunia mo se suiga tele lava. Ou te manatua pea lava le po . . . lea sa ou tagi ai i le po atoa, i le iloaina sa le lelei lo'u olaga, ma o a'u faaiuga leaga sa tiga ai tagata sa sili ona ou alofa i ai.

O le aafiaga aupito tiga lea o lo'u olaga. Sa ou tagimasusu ma augani atu i le po atoa. . . . Ina ua tuanai le po, sa ou lelava lava ma na le toe i ai ni o'u loimata. Ina ua oso mai le ave muamua o le la susulu, sa oo mai le toafilemu ma le matuuese atu [o se avega] ia te a'u. Sa ou faalo-goina upu: "O lo'u lima lenei. O le a ou taitaia ma taiala oe. Ae e tatau ona e tautino mai ia te au o le a e sui." Ma sa ou faia; sa ou tautino atu. Sa ou manao i lenei taiala ma le fesoasoani e sili atu nai lo se isi lava mea. . . .

Ou te le'i iloa, i lena po tiga ma le olioli i Rusia, le maoae o folafolaga a Keriso. Ou te le'i iloa i lena taimi e faapea, i sina taimi e leo mamao lava, o le a

ou malaga ai i Amerika i le mea o le a ou aoao atili ai e uiga i le talalelei, ma o le a le umi ae ou papatiso ai. . . . Ou te le'i iloa o le a sau la'u tama teine i Amerika e auai faatasi ma i matou i le fafia. . . .

. . . Na Ia tuuina mai ia te a'u le tele o wavega lea e le'i i ai lava ma sina avanoa itiiti ou te masalosalo ai i Lona aao paia i lo'u olaga. . . .

Savavali faatasi ma Keriso! Pipii mau i Lona aao! Talisua i Ana afioga. Inu i Lona malamalamā i ou puafu uma, ma lou loto atoa. I taimi o faafitauli, o le a le tuua oe i le pogisa o le ana ao le malamalamā o Lona alofa faatasi ai ma le malamalamā susulu tele e muamua atu ia te oe. ■



“O A’u O Le Ola, O Loo Ola Lava”

Faailoga o Iesu Keriso i le Feagaiga Tuai

I lenei faamaumauga anamua faapitoa lava, e tatau ai ona sailia Iesu Keriso a le o lea, atonu e le mafai ona maua o Ia.



Saunia e Stephen P. Schank

Matagaluega o le Perisitua ma le Aiga a le Ekalesia

Ao pupuni e Mose ona foliga, o fetalaga alofa mutimutivale a le Alii na sau mai i le vao mu, atonu na tatagi ma ni siuleo o le faavavau: “Ua Ou matua vaai atu i le puapuaga o o’u nuu . . . ; ua ou iloa foi lo latou tiga;

“O lenei, ua Ou alu ifo ou te laveai mai ia te i latou. . . .

“Ua fai atu Mose i le Atua, Faauta, pe a a’u alu ifo i le fanauga a Israuelu, ma a’u fai atu ia i latou, Ua auina mai au ia te outou e le Atua o o outou tama; ona latou fai mai lea ia te au, O ai ea lona igoa? Se a ea sa’u e fai atu ai ia te i latou?

“Ona fetalai mai lea o le Atua ia Mose, O A’u o le ola, o loo ola lava: ua ia fetalai mai foi, E te fai atu i le fanauga a Israuelu, ia faapea, O A’u o le na auina mai a’u ia te outou” (Esoto 3:7–8, 13–14).

Sa lausilafia i Israuelu anamua o le Alii o Ieova, sa faailoa atu e Iesu Keriso o le muai olaga o Ia lava o le punavai e tatau i Lona nuu ona tepa atu i ai mo le togiolaina. O le faitau afe o tausaga mulimuli ane, sa toe faamautu mai ai e Iesu Keriso toetu Lana folafolaga o le laveaiiina i Israuelu i onaponei i upu nei: “Ia fafia, ma aua le fefefe, aua o A’u o le Alii ua Ou faatasi ma outou, ma o le a tu i tafatafa o outou; ma o le a outou molimau atu A’u, o Iesu Keriso lava, o A’u o le Atalii o le Atua soifua, ma sa Ou i ai, ma o loo Ou i ai, ma o le a Ou alu atu” (MF&F 68:6; ua faaopoopo le faamamafa).

O tusitusiga paia, o upu o le ola, na fuafuaina e faasino atu ai le fanau a le Atua i augatupulaga uma ia Iesu Keriso

mo le faasaoina mai le agasala ma le oti ma o tatou faafitauli uma faalelalolagi. Ua le ese lava ma le Feagaiga Tuai; e pei foi o voluma uma o tusitusiga paia, ua fuafuaina e liliu atu ai o tatou loto ma mafaufau i lo tatou Laveai, le Alii o Iesu Keriso. Ae i lenei faamaumauga anamua faapitoa lava, e tatau lava ona sailia o Ia a le o lea, atonu e le mafai ona maua o Ia.

Pe a saili mo Keriso i soo se tusi o tusitusiga paia, e fesoasoani le faamanatu e le aunoa ia i tatou lava o le mea o loo tatou sailia. O Iesu Keriso *o le* punavai o le ola! O faafitauli ogaoga o le oti faaleagaga ma le faaletino lea na oo mai ona o le Pau, o Keriso *o le* fofo lea e faavavau a Israuelu. Na folafola mai e Liae, “Ua ofo atu e Ia o ia lava . . . e *tali ai* iuga o le tulafono” (2 Nifae 2:7; ua faaopoopo le faamamafa). O lena tali—o le Faaola o Israuelu, o le “O A’u” silisili—lea tatou te sailia pe a tatou sue-sue i tusitusiga paia. Ae peitai, i totonus o le gagana faafatusolo ma e masani i le gagana o anamua o le Feagaiga Tuai, o faafitauli e faavavau—ma le fofo, o Iesu Keriso—e le mafai ona iloa gofie lava. E tusa lava, pe o loo i ai Iesu Keriso i le loloto o le laualuga, o faatalitali ai ina ia maua i faamatalaga i anamua.

Pe a tuu i lou mafaufau le suafa o le Alii sa faasoa mai ia Mose i le Mauga o Sinai—“O A’u”—ia mafaufau i le anoanoai o mea *ua* fai ai Iesu Keriso ia i latou o e tuu atu lo latou talitonuga ia te Ia. O faataitaiga nei o ni aoaoga faafailoga mai le Feagaiga Tuai na fuafuaina ia liliu atu ai o tatou loto ma mafaufau i le Alii o Iesu Keriso mo le laveaiga.

SAILIA O IESU KERISO I LE FEAGAIGA TUAI

O perofeta, e aofia ai i latou i le Feagaiga Tuai, e mafai ona vaai atu i ai o ni “faailoga ma ni faatusa o lo latou Mesia,” sa tusia e Elder Bruce R. McConkie (1915–85) o le Korama a Aposetolo e Toasefululu. “E atoatoa ma talafeagai ona vaavaai mo faatusa o Keriso i soo se mea ma faaaoga pea lava pea e ala i le tausia o ia ma ana tulafono silisili i o tatou mafaufau” (*The Promised Messiah* [1985], 453).

O le Feagaiga Tuai sa le’i fuafuaina ia tau lava e faasao ai se talafaasolopito tuugutu o le nuu o le feagaiga a le Atua. O tala lava ia, faatasai ma a latou savali faata’eta’ealuga ma uiga momia, e lona lua le taua i soo o Keriso. O taimi uma lava, o le mataupu autu o tusitusiga a perofeta—ma faapea ona avea ai ma mea faitino aupito sili ona agavaa mo a tatou suesuega—o lesu Keriso!

O nai mataupu faavae nei ia manatua i taimi e suesue ai mo upumoni e uiga ia lesu Keriso i le Feagaiga Tuai.

1. O mea uma ua foaiina mai e le Atua i le tagata ua faatusaina ia lesu Keriso (tagai 2 Nifae 11:4; Mose 6:63).
2. O perofeta uma o faatusa, po o faailoga, o lesu Keriso (tagai Bruce R. McConkie, *The Promised Messiah* [1978], 451).
3. O le salamo ua matala ai le faitotoa e aoao ai e uiga ia lesu Keriso e ala i faatusa (tagai Alema 26:21–22).

**O A'U . . . O LE TAMAI MAMOE SA FASIA MO OUTOU
Taulaga i Manuvaefa ma le Ofu Pa'u**



A o le'i tutuliese Atamu ma Eva mai le Faatoaga o Etena, sa faa-oofu i laua e le Alii i pa'u o manu ina ia tuuina atu ai ni ufiufi mo i laua. I le Feagaiga Tuai, o le upu *togiola*, i ona tulaga eseese, e 81 taimi o loo vaia ai. I le 73 o na taimi, o le upu Eperu na afua mai ai o le *kaphar*, o lona uiga moni o le "ia ufiufi."

Ina ua mavae le tutulieseina o i laua mai le faatoaga, sa poloaiiina Atamu ma Eva e avatu uluai manu o a laua lafu, mo se taulaga i le Alii. Sa faatonuina mulimuli ane i laua e se agelu e faapea, o lenei faiga sa avea ma "se faatusa o le taulaga a le Toatasina Fanaua e le Tama" (Mose 5:7).

Sa faaaauauina taulaga e faia i manu i lalo o le tulafono a Mose, faatasi ai ma le sauniga o le ufiufina o i latou e auai i sauniga o le perisitua.

A tatou osifeagaiga ma le Alii ma maua Ana sauniga paia, o Lana togiola e ufiufi ai i tatou ina ia le toe oo i taunuuga uma o le Pau o Atamu. O lesu Keriso o le Tamai Mamoe moni a le Atua o le sa ositaulagaina mo i tatou ina ia tatou le toe pagatia i taunuuga o le agasala ma le oti.

Kenese 3:21; 37:3; Esoto 40:14–15; Esekielu 16:1–12;

Mataio 22:11–12; Kalatia 3:26–29; 1 Nifae 11:21, 32–33;

Alema 34:14–16; Mose 5:5–8; 7:47

**O A'U . . . O LE ARETO O LE OLA
Manai**



A o malaga atu Mose ma le fanauga a Isarael mai Aikupito agai atu i le nuu o le folafolaga, sa latou faalagolago i le alofa mutimutivale o le Alii mo le areto mo aso taitasi. Sa tuuina atu e le Alii ia i latou se "areto [suamalie] mai le lagi," lea sa taua e tagata o le "Manai" (sa faaliliuina "O le a lenei mea?"). O i latou sa faaputua le areto i aso taitasi ma tumau faamaoni i le Alii ma Lana perofeta sa faaaauau pea ona ola i le tauulumaga o le latou faigamalaga i le vao.

O lesu Keriso o le Areto o le Ola; sa afio mai o la i le lalolagi mai le lagi e aumai ia i tatou le ola i aso uma o la tatou faigamalaga i le olaga nei. A o tatou faaputua mai Ana afioga i aso uma, o le a tatou tofo i le suamalie ma le malosi lea e maua mai e ala ia te la i le tauulumaga o le tatou faigamalaga i le tino.

Esoto 16:4, 12–21, 31; Teuteronome 8:2–3; Ioane 6:26–35, 48–58, 66–68; 3 Nifae 20:8

O A'U . . . O LE PUNA O LE VAI OLA
Vai mai le Papa o Horepa



O A'U . . . O LOU FAAMALOLO
Gata o Sii'a'e i Luga o se Pou



Ina ua fia feinu le fanauga a Israuel i le vao, sa liliu atu Mose i le Alii. Sa faatonuina Mose e ta se papa faapitoa i Horepa (Mauga o Sinai) i le tootoo na tuuina atu e le Alii ia te ia. Ina ua ia faia, sa tafe mai le vai mai le papa e tausai le ola mo le faitau miliona o tagata Israuel sa faimalaga.

O lesu Keriso o le Papa o Israuel; ina ua sasaina o la i Kalevaria, sa tafe mai le toto mai Lona tino. O le toto o Keriso ua aumaia le ola ia i tatou! E mafai ona tatou maua le ola o loo maua i le toto togiola o Keriso a o tatou mulimuli i perofeta o e ua tuuina i ai ki e aumai ai le vaiola mai ia te la.

Esoto 17:1–6; Numera 20:8, 11; Ioane 4:10–15; 1 Korinito 10:1–4; MF&F 28:2

O faigata o le latou faigamalaga, sa mafua ai ona faasea ma mui-mui le fanauga a Israuel i le perofeta ma le Alii. O se taunuuga la, sa faatagaina e le Alii ni gata oona e utia i latou, ma oo ai le oti i le toatele. Sa tatalo Mose i le Alii e aveese gata; nai lo o lena, sa tuuina mai e le Alii se auala mo tagata e le feoti ai pe a utia i latou. O le faatinoga sa manaomia ina ia latou malolo ai o le tilotilo atu lea i le gata apamemea lea sa faamau i luga o se pou. O lesu Keriso sa tuituia i se pou—o le satauro—ina ia mafai ona tatou vaai atu ia te la i o tatou mafatiaga ma ia le lofituina ai ia mafatiaga. E le o taimi uma e aveese ai e lesu Keriso o tatou tofotofoga, ae i le avea ai ma o tatou Faamalolo, e mafai ona la aveesea mai ia i latou le 'ona e ala i faamanuiaga o Lana Togiola.

Numera 21:4–9; Ioane 3:14–16; 1 Peteru 2:24; Alema 33:18–22; Helamana 8:14–15; 3 Nifae 27:13–15

O Se Matauila Lanumumu e Tasi

Saunia e Lori Ries

O se meateuteu faigofie o le laau Kerisimasi na faamanatuina mai ia te a'u le uiga moni o le Kerisimasi.

Olle Kerisimasi sa le o se Kerisimasi. E ui ina sa ou taumafai ia fafia e ala i le tataina o pese o le Kerisimasi i tua atu, sa ou tosaina mai i fafo ia pusa sa teuina ai [teuga o le kerisimasi] ma se loto faanoanoa. O le fagu tuu kuki i le faatusa o se tamaloaaisa, sa na ona faamanatu mai ai ia te a'u, e leai o tasi ma te tao kuki faatasi. O le faatusa o le Tama o le Kerisimasi sa foliga e fai mai, e ititi lava le mafuaaga e tautau ai totini o le Kerisimasi, ae o le pepa afifi tosi lanumeamata ma pa'epa'e, sa faamanatu mai ia te au e faapea, o lena taeao o le a le aumaia ai ni leo o ni tamaiti sagisagi fafia.

O le tausaga lenei, sa alu ese atu ai le matou uii mo le kolisi, ma na lagona i le matou fale le taaligoligoa ma le filemu. Sa ou filifilia na'o ituaiga teuteu e le o ni Tama o le Kerisimasi, ae toe tuu isi mea uma i totonu o o latou pusa.

O le toesea ai o lo'u toalua i le isi taulaga, sa ou teuteuina toatasai le laau. Sa tuu i luga o le initoneti e le toalua o la'u tama tama ia ata o le [la] fanau o tautau ia teuga i luga o le latou laau, ma sa moomoo lava lo'u loto mo aso ua mavae. Sa ou mafaufau i le vave o le alu o le taimi. Na faapefea ona vave matutua la'u fanau? O le taula'i ai i o'u mafauauga, sa ou tepa ifo ai i le matauila sa i lo'u lima. Sa na o se matauila lanumumu e tasi.



Sa ou iloiloina le lanu, o se lanumumu paauli. 'Ula'ula. Sa ou fetilofa'i solo i le faatauvaa o le mea sa totoe o teuga: o ni nai faatusa o le fanau mai o [Iesu], o se moegavaovao sa fäuina i fasilaau o aisapopa, ma se teuga sa sipelaina ai le upu NOEA i mataitusi auro. Sa maligi o'u loimata. O le matauila sa lanumumu—e mumu e pei o le toto togiola o le Faaola.

Sa ou mafaufau i le ala sa masani ona ou faatusatusa i ai teuga, o tipiga o kuki, ma le fafia o tamaiti i le taeao o le

Kerisimasi ma le mea sa faafafaina ai a'u i le vaitau o le Kerisimasi. Ona ou mafaufau lea i la'u fanau ma o latou auaiga e faavavau. Sa ou mafaufau i le olioli uma lava sa ou maua i totonu o lo'u aiga ma le oiloli na latou maua i o latou lava auaiga. Sa ou mafaufau loloto i le auala na mafai ai ona tupu lena mea ona o le pepe na taoto i le moega vaovao. Sa mapuna a'e se lagona mafanafana manai i lo'u loto a'o ou mafaufau loloto i le meaalofa o le Faaola—e le mo na'o au, ae ua mo tagata uma.

"Ona fai mai lea o le agelu ia te i latou, Aua tou te matatau: aua faauta, ou te aumai ia te outou le tala lelei, e olioli tele i le *nuu uma*" (Luka 2:10; ua faaopoopo le faamamafa).

A o faaauau ona ou teuina le laau, sa ou manatunatu loloto i le maualalo o le soifua mai ma le soifuaga o Jesu Keriso. Sa afio mai o ia e fonofono i e malepe-lepe, atina ae i e ua solipalaina, faamafanafana i e tuuatoatasi, aumai le filemu i e le atoatoa, ma tuuina mai le agaalofa mo e puapuagatia. Sa soifua mai ma maliu o Ia ina ia mafai ona tatou toe nonofo faatasi ma Ia i le malo o lo tatou Tama. Sa afio mai o Ia ina ia mafai ona iloa e le tagata le fafia moni. Sa faatumulia lo'u loto ma ou maua ai le olioli ia Keriso aua o Keriso o le Kerisimasi. ■
E alala le tusitala i Oregon, ISA.

Tuputupu A'e mai Auaunaga

Saunia e Po Nien (Felipe) Chou ma Petra Chou

Sa ma lagonaina se uunaiga e faapea, e tatau ona vave tuu atu i tagata o le matou paranesi fou ni valaauga ina ia mafai ona latou tuputupu a'e e ala i auaunaga.



O le Paranesi a Kaohsiung Fitu i le Malumalu o Taipei Taiuani ia Tesema 2001.

I le 2000 sa valaaufina ai i ma'ua e tautua o se peresitene o le paranesi ma peresitene o le Peraimeri o le iunite aupito toalaiti o le Siteki a Kaohsiung Taiuani. Pe a ma le 20 tagata sa auai i le sauniga faamanatuga, e aofia ai le matou aiga laiti, ma ni toeaiina malolosi [i le Ekalesia] e toafa, ma faifeatalai. Mulimuli ane sa matou auina atu ni toeaiina se toalua i le misiona, ma le faatuatua o le a faatoatele e le Alii le matou paranesi.

A o matou galulue ma le matou paranesi, sa matou manatuaina le fautuaga a Peresitene Gordon B. Hinckley e faapea, e manaomia e tagata uma e liliu mai: "se uo, se tiutetauave, ma le faafaileina i le 'afioga lelei a le Atua."¹ Sa ma lagonaina se uunaiga e faapea, e tatau ona vave tuu atu i tagata o le matou paranesi fou ni valaauga ina ia mafai ona latou tuputupu a'e e ala i auaunaga. Sa faailoa atu e faifeatalai i maua i tagata saililili taitoatasi, ma i totolu o le lua vaiaso o o latou papatisoga taitasi, na latou mauina ai se valaauga. Sa latou atiinaeina ni faauoga a o latou auauna faatasi ma isi tagata o le au paia.

I totolu o se masina, ua maua e uso uma lava na faatoa papatisoina le

Perisitua Arona, ma sa taitasi ona latou faamanuiaina ma tufaina atu le faamanatuga. Sa matou saunia foi i latou ia maua le Perisitua Mekisateko i le konafesi na sosoo ai a le siteki.

Sa aoaoina ia toeaiina fou i le auala e faatino ai sauniga, ona aoao lea e nei toeaiina ia toeaiina fou. Sa matou talitonu i le aoaoina e ala i le faataunuina ma i le taofimauina o le aoaoga e ala i le aoao atu. Sa nafa tagata o le paranesi ma le faataitaia ma le fautuaina, aoa ma faamasani, ma lagolago ma fesoasoani le tasi i le isi.

Sa matou faaaogaina faiaoga o aiga ma faiaoga asiasi, afiafi faaleaiga, gaoioiga a le uarota, ma taumafataga e aumai e aiga ma taumamafa faatasi ai e faaaumea ai tagata fou liliu mai. Sa faafaileina i latou i le afioga a le Atua e ala i aoaoga faalelotu i Aso Sa ma aso o le vaiaso. Sa tuputupu a'e le inisitituti mai tagata aoga e toa 2 i le 25. Ina ia faafaileina atili le matou paranesi laitiiti, sa matou auai ma auauna atu ai i le Malumalu o Taipei Taiuani i masina uma lava—o se malaga e 10-itula i le alu ma le foi mai i le pasi. O le mea masani lava, e tauivi le matou siteki ma le tau

faatumuina o se pasi lona lua. A o tuputupu a'e le matou paranesi ma saunia aiga mo faamanuiaga o le malumalu, sa matou faatuina se sini ia faatumu sa matou lava pasi. E faalua i lena tausaga, a o faatumu e isi tagata uma o le siteki le pasi e tasi o le malumalu, sa faatumuina ai e le matou paranesi laitiiti se pasi lona lua. E lei umi atu, ae fai atu le siteki i uarota taitasi e faatumu se pasi e tasi ia le itiiti ma le tasi i le tausaga.

E oo ane i le tausaga lona lua ua faateleina le faatumauina o o matou tagata liliu mai mai le 30 pasene i le silia ma le 90 pasene, ma sa tuputupu a'e a matou sauniga faamanatuga i le tusa ma le 100 tagata, e aofia ai ni toeaiina toaaga e 25. Sa oo ina avea le matou paranesi o se uarota, ma sa toe faafouina le matou fale tuai i se falelotu fou.

O le paranesi aupito toalaiti na avea ma uarota aupito malosi i le siteki ona sa faamanuiaina tagata liliu mai uma i ni uo, valaauga, ma le fafagaina i le afioga a le Atua. ■

E alaala tusitala i Iuta, ISA.

FAAMATALAGA

1. Gordon B. Hinckley, "Tagata Liliu Mai ma Alii Talavou," *Ensign*, Me 1997, 47.

O Se Kerisimasi Suamalie

Na fai e lo'u aiga le Kerisimasi ia avea no se mea e manataina pea mo se umi lava e mafai ona ou manataina ai. Ina ua ou alu i le Misiona a Pasila Porto Alegre i Saute, ou te le'i iloaina le faigata o le a i ai lo'u fai Kerisimasi ese mai ia i latou mo le taimi muamua lava.

I le taimi o la'u Kerisimasi muamua i totolu o le misiona, sa ou matuai moomoo e faatasi ma lo'u aiga, ae peitai sa na'o i ma'uua ma la'u soa. Sa faa-osoafaia a'u e se lagona o le faanoanoa mo a'u lava ma le faavauvau.

I le aso a o lumanaia le Kerisimasi, sa valaaaulia ai i ma'uua ma la'u soa e se aiga pele matou te fai 'aiga i le afiafi. Sa manaia le matou afiafi, ae o le fiafia o lenei aiga sa atili faamanatu mai ai ia te a'u, sa ou toesea mai lo'u lava aiga. Sa ma o i le fale i lena po, ma sa ou taumafai ou te moe ma faagalagalo ai o le aso na sosoo ai o le Kerisimasi. Ma mo le uluai taimi i lo'u olaga, sa ou lagonaina ai le toofilemu ina ua uma atu le Kerisimasi.

O se tausaga mulimuli ane, sa ou manatunatu ai i le Kerisimasi na muamua atu, ma sa ou mafaufau e uiga i mea e mafai ona ou faia ia maua ai se Kerisimasi lelei atu i totolu o le misiona. Sa ou iloaina o o'u lagona o le faanoanoa i le tausaga na muamua atu, sa oo mai mai lo'u taulai ia te a'u lava ae le o le Faaola.



Mo se Kerisimasi sili atu ona manaia i totolu o le misiona, sa tonu ia i ma'uua ma la'u soa e faatau mai ni lolelaau e avatu i soo se tasi matou te feiloai i ai i le Aso o le Kerisimasi.

Sa ou iloaina ai foi, o le Kerisimasi o se taimi e manatua ai le soifua mai o le Faaola, ma e tatau ona ou fiafia e auauna atu ia te Ia i le avea ai ma Ona sui.

I le talanoa ai ma la'u soa, sa tonu ia i ma'uua e faatau ni lolelaau e avatu i le au paia, tagata sailili, tamaiti, ma soo se tasi matou te fetaui i ai i le Aso o le Kerisimasi. Sa ma faataitaia foi ni viiga o le Kerisimasi e usu. Sa lofia lo'u loto i le olioli i le Aso o le Kerisimasi a o matou feiloai ma tagata, usuina viiga, ma tufa atu lolelaau.

A o ma toe foi atu i le fale i lena afiafi, sa matou feiloai ai ma se toeaina matua o saofai i autafa o le auala savali. Sa ma fesili atu i ai pe na maua sana meaalofa o le Kerisimasi i lena aso. Sa fai mai o ia, ioe—sa talanoa i le telefoni i lana fanau o e sa nonofo mamao ese.

“E i ai le isi ma meaalofa e tasi e avatu ia te oe,” sa ma fai atu ai. Sa ma tuuina atu ia te ia se lolelaau.

“O le a le gata ina faasuamalie e lenei mea lo'u gutu,” sa ia fai mai ai, “ae o le a faasuamalie foi e lenei mea lo'u agaga.”

Sa ou maua se Kerisimasi sili ona le manaia i la'u misiona ona sa ou mafaufau ia te a'u lava ia. Sa ou maua foi le Kerisimasi aupito sili ona manaia ina ua ou taulai atu i le Faaola. Ou te iloa, a tatou taulai atu ia te Ia, o le a Ia aumaia le suamalie matagofie i o tatou agaga i le aso o le Kerisimasi ma aso uma o le tausaga. ■

**Wilson Correia dos Santos,
Pernambuco, Pasila**



“O A'u Lea Na Outou Faia i Ai”

Ole matou aiga e i ai se aga masani o le Kerisimasi o le tuuina atu o ato meaalofa o meaai, totinilima, pulou, ma isi mea e manaomia ia i latou e limavai-vai. I le 2016, sa matua ese le malulu o le afiafi a o lumanai le Kerisimasi i le eria o Kafeonia, ISA, o loo matou nonofo ai. Sa matou faapupuu faatasi, ae sa matou tetete pea lava!

A o matou tietie atu i se paka e latalata ane i le matou fale lea e nonofo ai le toatele o tagata e leai ni fale, sa matou vaaia se tamaloa o faapupuu i totonu o se tamai faamalumaluga o se fale faatalipasi, o pulupulu i se palanikeke tuai. Sa faatu e lo'u toalua o Tenisi le taavale, ae o atu ma lo'u atalii o Ionatana e avatu i le tamaloa se ato meaalofa. Sa ma nonofo ma lo ma afafine o Ape i totonu o le taavale ma vaavaai atu i ai.

Sa ea a'e i luga le ulu o le tamaloa a o tuu atu i ai e Tenisi le ato. Sa oo ifo se 'ata'ata lapoa i foliga o le tamaloa. Sa latou lululima ma amata ona talanoa. Sa ese lenei mea aua o le mea masani lava e tau leai ni faafesuaiga.

Ina ua mavae ni nai minute, sa toe foi mai Tenisi i le taavale ma tatala le pito i tua.

“Pe o lelei mea uma?” Sa ou fesili ai.

“Ioe!” o lana tala lea. “O le a ou avatu ia te ia lo'u ofumafanafana faipulou. “E sili atu ona ia manaomia nai lo o a'u.”

Sa ou le magagana. O le ofumafanafana faipulou lenei e ese le manaia ma sa na'o ni nai taimi sa ofuina ai e Tenisi! Sa toe foi atu Tenisi i le tamaloa ma fesoasoani i ai e faamaulu le ofumafanafana faipulou. Sa matuai fiafia le tamaloa. Sa faaauau ona talanoa ia Tenisi ma le tamaloa.

Sa uunaia au e feiloai atu i lenei tamaloa. Sa ou latalata atu ia te ia, faalala atu i ai lo'u lima, ma fesili mo lona suafa.

Sa ou lagonaina le tatau ona ou feiloai atu i lenei tamaloa. Sa ou tatalaina la'u faitotoa, ma sa mulimuli mai ai ma Ape. Sa ataata Tenisi ao ma oo atu, ma sa ia faailoa atu i ma'uia i le tamaloa. Sa faalala atu i ai lo'u lima ma fesili mo lona suafa.

Sa ia tago mai i lo'u lima, ma ataata malie, ma tali mai, o “Jesús.”

Sa faaauau ona matou talanoa, ae ou te le'i toe lagonaina le tele o lena talanaga. Sa ou mafaufau pea lava i le taua o le suafa o lenei tamaloa pele: Jesús—o le suafa o lo tatou Faaola. O le taimi lea, sa ou manatua ai le aoaoga a le Faaola: “Aua na faia e outou i le tasi o e aupito itiiti o ou uso nei, o a'u lea na outou faia i ai” (Matao 25:40). O lena aafiaga ua faavaau ona suaia ai a'u. ■

Shannon Knight, Kafeonia, ISA

Sa ou afifina le tootoo lanupa'epa'e
ma tuuina atu o se meaalofa o le
Kerisimasi i le uso sa tuuina mai ia te
a'u se faamanuiaga faaleperisitua.



Sa Taufai Faamanuiaina Uma i Ma'ua

Ina ua so'a a'u e se taavale ma ou pau ese ai mai la'u uila, sa faapea ona tauaso ai le afa o la'u vaaiga. O le sili laitiiti atu ma le fa tausaga mulimuli ane, i le vaitaimi o le Kerisimasi i le 2011, sa ou lagolina ai le uunaiga e fai atu i se uso sa ou iloaina i se uarota sa ou i ai muamua mo se faamanuiaga faaleperisitua. Sa ou vaai i lea uso mai lea taimi i lea taimi, o lea sa ou le malamalama ai pe aisea e tatau ai ona ou fai atu ia te ia. Sa ou iloaina sa i ai isi alii agavaa sa umia le perisitua e mafai ona ou fai atu i ai.

I vaiaso na sosoo mai ai, sa atili malosi mai ai le lagona e manaomia so'u faamanuiaga faaleperisitua. Sa ou auauna atu o se tagata faigaluega i le Malumalu o Frankfurt Siamani, o lea na tonu ai ia te au e fai atu i se uso iina mo se faamanuiaga.

Ina ua uma ona ou faia lenei faaiuga, ae ulufale mai loa i le malumalu le uso sa uunaia au e fai i ai. O le taimi lava lea sa ou iloai ai, o lenei mea sa le faafuasei—sa finagalo le Tama Faalelagi ou te fai atu i

lenei uso faapitoa. Sa oo ina ou maua le lototele ma talosagaina ma te fia talanoa pe a uma lana sauniga. Sa ioe mai o ia.

Mulimuli ane, sa ou faamatala atu i ai, ou te le'i iloa pe aisea, ae na ou lagonaina sa ou manaomia se faamanuiaga mai ia te ia. Na fai mai o ia o le a fiafia o ia e fesoasoani mai. Sa ia valaaulaina se isi uso i totonu o le potu ona amata lea ona tuuina mai se faamanuiaga ia te a'u. Ina ua mae'a, sa ou le mautonu. Sa manaia le faamanuiaga, ae sa leai se mea na faapitoa le taua e uiga i ai.

Ona pupula lea o o'u mata.

Ina ua pupula a'e o'u mata, sa toeitiiti lava a manino atoa le potu i la'u vaai. Sa ou le talitonu i ai! Sa ou fesili atu i le uso pe na ia iloaina le mafuaaga na avea ai o ia ma tagata sa manaomia ona tuuina mai lenei faamanuiaga ia te a'u. O lana tali sa faalotomaualaloia ai a'u.

"Ou te iloa o lenei faamanuiaga sa le mo na'o oe," o lana tala lea. "Sa mo a'u foi. O taeao ou te tuuina atu ai se faamanuiaga i si ou tei teine ona o le a

papatisoina o ia. E le malolosi lo'u aiga i le Ekalesia, ma o ia o le tagata muamua lea o le aiga o le a papatisoina i le toeitiiti 20 tausaga. E toatele lo matou aiga o le a auai i le papatisoga, ma sa ou le mautinoa pe sa lava le malosi o lo'u faatuatua e tuuina atu ai le faamanuiaga. O lenei la ua ou iloa, e mafai ona ou faia."

I aso na sosoo mai ai, sa lava ai le faaleleia atili o la'u vaai o lea sa ou le toe manaomia ai lo'u tootoo lanupa'epa'e. Sa ou afifina ma tuuina atu o se meaalofa o le Kerisimasi i lenei uso faatasai ai ma se tusi. "Ou te iloa e le o le tootoo lenei o Mose," sa ou tusi ai, "ae ou te faamoemoe e faamanatu atu ai ia te oe le mana o le perisitua o loo e umiaina."

E alofa le Tama Faalelagi ia i tatou ma e fiafia e faamanua mai i tatou. O lenei faamanuiaga i le Kerisimasi e le gata ina toefuatai mai ai la'u vaai, ae na tuuina atu ai foi i se alii lotomaualalo e umia le perisitua le talitonu i lana auaunaga faaleperisitua. ■

Anna Fingerle, Hesse, Siamani

O Le Tusi a Mamona: O Se Meaalofa Faapitoa

Ile aso a o lumanai le Kerisimasi o le 2016, ao ma auauna atu ma lo'u toalua o ni faifeau faamisiona i le malumalu mo le Malumalu o Manila Filipaina, sa ou manao ai e ave atu se kopi o le Tusi a Mamona i se tasi. I totonu o le faavaa i luma o se kopi [o le Tusi a Mamona], sa ou tusia ai la'u molimau ma aofia ai se kata o le Malumalu o Manila faapea ma faamatalaga i le mea e mafai ona aoao atili ai e uiga i le Eklesia. Ona ou tootuli lea ma ole atu i le Alii e taitai atu a'u i se tagata ua Ia saunia.

Sa ou tuua le ma falemautoggi ma sopoia le alatele. Sa talanoa se leoleo o le saogalemu mo le nofoaga autu e aoao ai faifeautalai lea sa latalata ane faatasi ma ni alii se toalua. Sa ia valaau mai, "Manuia le Kerisimasi!" Na ou lagonaina le unaiga e savali atu ia i latou.

Ina ua uma ona ou faailoa atu o a'u lava, sa ou iloa ai o le tasi o alii sa avea o se teufanua mo le nofoaga autu e aoaoina ai faifeautalai ae o le isi o se faifaatoaga. Sa ou iloaina ai foi, o i laua uma o ni tagata o le Eklesia.

Sa ou fesili atu i ai pe la te iloa se tasi atonu o le a fafia i le mauaina o se meaalofa o le Kerisimasi o se kopi o le Tusi a Mamona. Sa faate'i a le faifaatoaga. Sa fai mai o ia, e i ai sana uo o le a la o atu faatasi e asiasi i laufanua o le malumalu i ni nai minute. Sa manao o ia e avatu i lana uo se Tusi a Mamona peitai na te le'i

mauaina se [kopi]. O le faatumulia ai i le ootia, sa ou avane le Tusi a Mamona mai la'u ato. Sa ou faamatala atu ia i laua e uiga i la'u tatalo ma tuu atu ia te ia le tusi.

Sa pai mai le Agaga ia i matou uma, ma sa faailoa mai e le faifaatoaga lona faamoemoe ina ia faitau e lana uo le Tusi a Mamona ma talia le talalelei. Ao ou toe savali atu i lo'u falemautoggi, sa ou faafetai i le Alii ma tatalo ina ia tausia e le uo a le faifaatoaga lana tautinoga e asiasi mai i laufanua o le malumalu.

Pe a ma le 15 minute mulimuli ane, na ou maua ai se valaau mai le pa leoleo a le NAF. Ua taunu ane le uo a le faifaatoaga. Sa ou alu atu i le taimi lava lea e feiloai ia te ia. O ia o se kapeteni o se vaa oloa, lea sa toe lua aso ona toe foi atu lea i le sami. Sa ia faafetai mai ia te a'u mo le Tusi a Mamona ma fai mai o le a ia alu ma ave i luga o le vaa. Ae matou te le'i faatofa, sa ou pulato'a atu i ona mata ma faapea atu, "E moni lenei tusi." A o ou faia lea mea, sa faamautu mai e le Agaga lea upumoni ia te a'u.

O lena Kerisimasi, sa ou tuuina atu ai se meaalofa faapitoa: o se Tusi a Mamona ma la'u molimau i lona moni. Sa ou mauaina foi se meaalofa faapitoa: o le tali a le Alii i la'u tatalo ma faamanuiaina a'u i se avanoa e faasoa atu ai le talalelei. ■

Claudette Bybee Burt, Uosigitone, ISA





Saunia e M. Joseph Brough

Fesoasoani Lua i le Au
Peresitene Aoao o Alii Talavou

**Afai o e agavaa, o
le a le tuua oe e le
Tama Faalelagi e
te faia ni measese
tetele e aunoa ma
le tuuina atu o se
lapataiga ia te oe.**



O Se **Leo** Malu, Itiiti i le lotolotoi o **Faaiuga Tetele**

Ile avea ai o se peresitene fou o se misiona i le tautoulu o le 2011, sa ou fifia lava i le i ai faatasi ma a matou faifeautalai. Sa tonu ia i ma'ua ma lo'u toalua o Emeli, e fai ni asiasiga i falemautotogi ma asiasi i soa uma o faifeautalai i le misiona.

A o ma malaga atu mai le Aai o Kuatemala i se tasi o a matou sone e sili ona maotua, e ta'u o Sololá, sa ma iloa ai, sa poloka le auala i o ma'ua luma atu ona o se solo teteet. O le solo teteet i Kuatemala e mafai ona umi ni itula o fai, ma e masani lava e leai se isi auala e pasia ai. Ae ina ua ma fesili atu e uiga i se auala 'alo e ono maua, sa ma iloa ai e uiga i se isi auala. Peitai ane o lena auala, sa sau faatasi ai ma lapataiga nei:

- E le o se auala lelei.
- Ia mautinoa e te le pogia i luga o le auala.
- E masani ona faaaoga e le au faomea lea auala.

I le naunau e faapei o soo se peresitene fou o se misiona ma lona toalua, sa ma o ai loa ma Emeli.

Ina ua mavae se taimi o ave atu le ma taavale, sa ma tau atu i se vaega o se auala pefu lea sa foliga mai o se tifato i o ma'ua luma atu. Sa talasua mai Emeli e tatau ona aumai i fafo le ma meapueata e tapue ai ni ata a o ma o atu i le taufaasiusiuga.

O tausaga na muamua atu, a o avea a'u ma se faifeautalai talavou i Kuatemala, sa ou aoaoina ai o se tama'i lala e toso i luga o le auala o lona uiga "ia faaauau ma le faaeteete." E ono faauigaina foi "taofi." Sa ou vaaia se lala ae ou te le'i iloa lona uiga.

O se taimi e le'i mamao ane, ae o ma taupeupe ane loa i se patupatu e 20 futu (6 m) lea sa i ai se auala laupapa ua faaleagaina i tafega. Sa mafai ona ou a'e i fafo i la'u itu, ae sa le mafai e Emeli ona tatala lana faitotoa. Ina ua taumafai o ia e a'e i luga o le nofoa e sau i fafo i la'u faitotoa, sa amata ona maluelue le taavale. E manino lava, o se taimi matuai faapopoleina lea.





Sa tele le mau manatu sa vave faasolo i lo'u mafaufau. Sa mafai ona ou vaaifaalemafaufau i faa-ulutala: "Oso le Peresitene Fou o se Misiona i luga o se Faaputuga Lea Sa Leai se Auala Laupapa, Ua Iu Ai ina Manu'a Tigaina le Faletua" po o le "Ua Leiloloa le Peresitene Fou o le Misiona ma Lona Toalua ina ua Osofaia e Faomea i luga o se Auala sa Le Tatau ona Ui Ai."

O le le iloa ai o se mea e fai, sa ou tu ai i fafo o le taavale ma augani atu i le Tama Faalelagi, "Faamole-mole fesoasoani mai ia te a'u i taimi o lo'u faatamala." Tou te talitonu sa faafuasei lava ona tu mai i o ma tua se loli fa'i tele lava? Sa iloa mai ma'ua e le avetaavale ma le pasese ma o ai mai e talie ma fafia i le tulaga lamatia o le palagi faavasi-vasi. Sa latou faasino mai le lala o loo i luga o le auala. O le mea moni, sa na'o se fasilaau.

O lea, i lo ma faamanuiaga faavavega, sa latou aumaia mai le latou loli le iliafi muamua lava na ou vaaia iai i le tolu tausaga o le auauanaga i Kuatemala. Ae latou te le'i o ese atu sa latou tipiina i lalo se

laau ma toso mai faataatia i le auala. Ou te manatu sa latou mananao ia mautinoa e le faia e le isi tagata Amerika i Matu e ui mai ai lea lava measese e tasi.

Faalogo ma Usitai i Uunaiga ma Lapataiga

Ua ou faamatala atu ia te outou lenei tala e faailoa ai se manatu e faapea, e tatau ona tatou faalogo ma usitai i lapataiga, uunaiga, ma taitaiga e tuuina mai ia i tatou e le siufofoga o le Alii—e le afaina po o le a le malosi po o le feololo. O lenei siufofoga e oo mai i le tele o auala: tusitusiga paia, poloaiga, musumusuga mai le Agaga Paia, tuleiga a perofeta soifua, ma fautuaga mai matua, taitai o le Eklesia, ma uo lelei. Pe o tatou faalogo mo ma usitai i nei uunaiga ma lapataiga? Aisea e taua ai le faia o lea mea?

Tatou te faitau i le Faataoto:

“Ia e faatuatua ia Ieova ma lou loto atoa; a e aua le faalagolago i lou lava atamai.

“Ia e manatua o ia i ou ala uma, ona faatonuina ai lea e ia lava ou ala.

“Aua e te faafiapoto; ia e mata’u ia Ieova, ia alo ese i le leaga” (Faataoto 3:5–7).

E ao ona tatou faatuatua i le Alii ma o tatou loto atoa. E ao ona tatou malamalama e le lava lo tatou iloa o mea e sili ona lelei mo i tatou ma sili ona lelei mo isi. Afai tatou te faatuatua ia te Ia, o se folafolaga ina a matagofie ua Ia tuuina mai: o le a Ia faatonutonuina o tatou ala.

I totonu o le matou aiga, e i ai se matou faaupuga na faapea ona avea ma se vaega taua o le ma misiona. Sa fai si umi o aoao mai e Peresitene Russell M. Nelson lea manatu. Sa ia



faaupuina faapenei: “O le usiusitai e aumaia ai le manuia; o le usiusitai a’ia’i e aumaia ai vavega.”¹

O le faaupuga a le matou aiga ma le misiona o le “O le usiusitai e aumai ai faamanuiaga, ae o le usiusitai a’ia’i e aumaia ai vavega.”

Ou te le malamalama atoatoa po o le a le uiga o le usiusitai a’ia’i, ae o le mea lenei ua ou malamalama i ai. E le faapea ua tatou usitai atoatoa i le taimi nei i mea uma lava, e ui e mafai ona tatou atoatoa i le usitaia o le tele o poloaiga a le Alii. O le mea lea, e ao ai ona avea le salamo ma se vaega autu taua o le usiusitai a’ia’i. O le usiusitai a’ia’i e manaomia ai se tautino i lapataiga ma uunaiga uma ma poloaiga e tuuina mai e le Tama Faalelagi ia i tatou.

O nisi taimi, o le a tatou le malamalama ai i le pogai e fesili mai ai le Tama Faalelagi i nisi o mea faapitoa mai ia i tatou. O na taimi e mafai

ona avea o ni taimi sili ona faigata ona usiusitai a’ia’i ai. Manatua le taimi na fesiliga ai Atamu, o se tasi o tagata aupito maoae o tagata uma, pe aisea na ia faia ai taulaga, “Ma ina ua mavae aso e tele, sa oo mai se agelu a le Alii ia Atamu, ua fetalai mai: Aisea ua e osi atu ai taulaga i le Alii? Ma sa fai atu Atamu ia te ia: Ou te lē iloa, ae na poloaiina ai a’u e le Alii” (Mose 5:6).

Mulimuli i Perofeta

O Emeli o se faataitaiga matagofie lea o le usiusitai a’ia’i e ui lava na sa le’i malamalama o ia. I le taimi o le konafesi aoao o Oketopa 2000, sa faalogo ai o ia i le fautuaga mai ia Peresitene Gordon B. Hinckley (1910–2008): “Tatou te le fautuaina le taina o ni pea ma e faapena foi le faapupuina o le tino e ese mai nai lo faamoemoega o tulaga o gasegase. Peitai, tatou te le, faia se folafolaga i le faaitiitia o le



tatuiina o taliga o tina mo le nao le tasi le pea tautaliga'—tasi le pea.”²

Ina ua taunu lo'u toalua i le fale, sa ia faamalamalama atu i le ma tama teine lona lua le taua o le mulimuli i perofeta tusa lava po o le a. A o tau-tala atu, sa usitai foi lo'u toalua. Sa ia aveeseina lana pea tautaliga lona lua mo le taimi mulimuli lava. Ou te talitonu e le o malamalama lava o ia pe aisea, ae ou te iloa e le afaina lena aisea ia te ia.

I nisi o i tatou, atonu e le taua tele lena mea aua o se mea laitiiti lava. E moni o lea. Ae peitai, ou te le manatua se fetalaiga a le Faaola e faapea, “Afai tou te alolofa mai ia te au, ia outou tausi mai i au poloaiga na e foliga e taua” (tagai Ioane 14:15).

O' uso e ma tuafafine pele, o le tasi o leo manino o le lapataiga e ao ona tatou faalogo ma usitai i ai i taimi uma, e sau lea mai apostolo ma perofeta filifilia a le Alii. Atonu e le lauiloa

i tulaga a le lalolagi, e pei lava o lena talosaga laitiiti a Peresitene Hinckley. Ae e te mafai—e ao ona e—talitonu e sau mai i le Tama Faalelagi. Atonu e na'o si lala laau laitiiti, pe atonu foi o se laau atoa na tosaina atu i le auala tele. Ou te apoapoi atu ia te outou ia faitau pe faalogo i le konafesi aoao ma le manatu lenei i lou mafaufau: O a ni lala laau po o ni laau sa tuu e le Alii i lou' ala?

Faalagolago i le Alii

Atonu o mafaufau nisi o outou: “Ia, e manaia tele lena. Ae o le a se mea e te faia pe afai o e sailia ni uunaiga, fautuaga mai le Alii, lapataiga, ma le taitaiga, ae foliga mai e te le maua lava se tali?”

Atonu o loo ia te oe le popolega lenei e faatatau i faaiuga taua i lou olaga. Manatua le folafolaga ia faalagolago i le Alii ma lou loto atoa, ma o le a Ia taitaia ou ala.

E faatatau i mea taua e tutupu i o tatou olaga, tatou te mananao i ni taitaiga manino, ma atonu e faigata ona maua na mea. Ae ua ou faapea ona ou malamalama, afai ou te salamo, ma usitai a'iā'i, mulimuli i o'u taitai, ma fai isi filifiliga lelei—i se isi faaupuga, afai ou te agavaa—o le a le faatagaina a'u e le Tama Faalelagi e faia ni mea sese tetele e aunoa ma ni lapataiga e tatau ai. Pe Na te faatagaina foi oe.

A'u uo talavou e, o loo iinei le Tama Faalelagi e puipui i tatou mai le faia o measese ogaoga pe afai tatou te saili mo Ana lapataiga, uunaiga, ma faa-aliga mai punavai avanoa uma—ma pe afai tatou te faalogo ma usitai ma galue i ai. Ua ia i tatou le aia tatau e maua ai le Agaga Paia e faatasi ma i tatou e le aunoa, aemaise lava i taimi sili ona taua o o tatou olaga.

Ou te faamoe, o le a faapea ona e iloaina lelei lala laau ma laau o lapataiga e tuu mai e le Tama Faalelagi i lou auala.

Ou te molimau atu a tatou faalogo ma usitai i le siufogaga o le Alii, a o tatou maua mai i le tele o ona punavai ma taumafai ia usiusitai a'iā'i, e mafai ona tatou maua se olaga e faaiuina i le “ma sa latou ola fiafia ai e oo i le faavavau.” Na pau le ala e mafai ona tupu ai lena mea, o le ola lea i le aoaoga faavae o Keriso ma le osia ma le tausiga o feagaiga paia. ■

Mai se saunoaga i le faigalotu, “Heeding the Voice of the Lord,” na tuuina atu i le Brigham Young University—Idaho ia 17 Oketopa, 2017.

FAAMATALAGA

1. Russell M. Nelson, i le R. Scott Lloyd, “Elder Nelson Delivers Spiritual Thanksgiving Feast to MTCs,” vaega o le Church News o le LDS.org, Dec. 4, 2013, news.lds.org.

2. Gordon B. Hinckley, “Great Shall Be the Peace of Thy Children,” *Liahona*, Ian. 2001, 68.

Mai se lauga na tuuina mai i le aso 1 o luni, 2018, i le "la Tasi," o le faamanatuga o le 40 tausaga o le faaaliga i le 1978 e uiga i le perisitua.

IA TASI



Saunia e Peresitene
Dallin H. Oaks

Fesoasoani Muamua
i le Au Peresitene Sili

O SE MAFUAAGA E FAAMANATUINA AI

MO LE AU PAIA O ASO E GATA AI o e sa o ni tagata matutua i lena taimi, o le faaaliga i le 1978 e uiga i le perisitua o mea sa tutupu ua faapea ona manatuaina i le mafaufau.

I.

Sa oo mai le talafou ia te a'u i se telefoni lea sa seasea ona tatagi. Sa matou galulue ma o'u atalii e toalua i le fanua o se matou fale i luga o le mauga, sa matou fauina o se nofoaga e mapu i ai mai i o'u tiutetauave mamafa o le avea ma se peresitene o le Iunivesite o Polika Iaga. O le tagata sa valaau mai o Elder Boyd K. Packer. Sa ia faamatala mai ia te a'u e uiga i le faaaliga i le perisitua, lea na faatoa uma lava ona fofogaina mai. Sa ma fefaasoai i lagona o le olioli, ma sa ou toe savali atu i la'u galuega. Sa ou saofai ifo i luga o le faaputuga palapala sa matou asuina ma talo atu i o'u atalii [e o mai]. A o ou ta'u atu ia i laua ua mafai nei e alii agavaa uma o le Ekalesia ona faauuina i le perisitua, sa ou tagi i le fiafia.

Aisea lava na avea ai le faaaliga e uiga i le perisitua o se mea e olioli tele ai? A o avea ai ma se alii talavou sa aoga ma faigaluega i le matata faaletulafono, e 17 tausaga sa ou nofo ai i eria o Sisifotutotonu ma Sasae o le Iunaite Setete. Sa ou maitauina ma lagona le tiga ma le le fiafia sa oo ia i latou o e sa pagatia i nei faatapulaaga ma i latou sa maitauina i latou, faitioina i latou, ma saili mo ni mafuaaga [faatapulaaga]. Sa ou suesue i mafuaaga na tuuina mai i lena vaitaimi, ma sa le mafai ona lagona ai le faamautinoaga e faatatau i le moni o soo se tasi o ia [mafuaaga]. O se vaega o la'u suesuega ma le agaga tatalo, na ou iloaina ai, i se tulaga lautele, e seasea tuu mai e le Alii ni mafuaaga mo poloaiga ma faatonuga Na te tuuina mai i Ana auauna. Sa ou naunau e faamaoni i o tatou taitai faaperofeta ma ia tatalo—e pei ona folafolaina mai mai le amataga o nei faatapulaaga—e faapea o le a oo mai





le aso o le a olioli ai tagata uma i faamanuiaga o le perisitua ma le malumalu. Ae o lenei, i le aso 8 o Juni, 1978, na oo mai lena aso, ma sa ou tagi i le fiafia.

II.

Pe a tatou mafaufau i le mea na tupu ma o loo tupu i le Eklesia a Iesu Keriso o le Au Paia o Aso e Gata Ai ma i olaga o ona tagata talu mai le 1978, ua tofu maua e i tatou uma le mafuaaga e faamanatu ai.



E faatatau i le faagaoioiga o le Eklesia, sa vave lava le tali atu o le Eklesia i le faaaliga e uiga i le perisitua. O faaeega ma pepa faataga o le malumalu sa oo mai i le taimi lava lea. O mafuaaga sa tuuina mai e taumafai ai e faamalamalama ai ia tapulaa sa i ai muamua i le au paia o tupuaga mai Aferika—e oo lava foi i tulaga sa faaleoina muamua e taitai faaaloalogia o le Eklesia—sa vave ma faalauaitele ona le toe faamaoniaina. Na fetalai mai le Alii e ala mai i

Lana perofeta, ma sa usitai i ai Lana Ekalesia.

O lona eseesege, sa le'i vave ma aoao suiga i loto ma faiga a tagata tai-toatas i le au paia. Sa taliaina e nisi ia aafiaga o le faaaliga i le taimi lava lea ma le faatamalii, o nisi sa faifailemu le taliaina, ae o nisi, i o latou lava olaga patino, sa faauauaina ai uiga faaalia o le faailoga lanu lea sa avea ma mea tiga i le toatele i le lalolagi atoa, e aofia ai le 40 tausaga ua mavae. O nisi ua mananao e toe tepa i tua, e taulai atu le manatu i le toe iloiolina o taimi ua tuanai, e aofia ai le sailia o mafuaaga mo faatapulaaga ia ua le toe faaaogaina nei. Ae o le toatele lava i totonu o le Eklesia, e aofia ai ona taitai sinia, ua taulai atu i avanoa mo le lumanae ae le o le fiafia o le taimi ua tuanai. O le toatele ua faatuatuaina le atamai ma le taimi a le Alii ma taliaina ai faatonuga a Lana perofeta. I le faia o lea mea, ua tatou iloa ai le taua e faavavau o Lana aoaoga faape-rofeta e faapea, “ua tutusa le pele o le tasi tagata i lana silafaga e pei o le isi” (Iakopo 2:21). I le faia foi o lea mea, ua tatou maua ai uunaiga fou e faataunuu ai le poloaiga a le Alii o Iesu Keriso, e tatau ona tatou aoao atu le talalelei e faavavau i tagata uma—“atunuu uma, ituaiga, gagana, ma nuu” (MF&F 42:58).

III.

O le faapopole o i tatou lava i mea e le'i faaalia mai pe o faamatalaga ua tuanai sa faia e i latou o e sa galulue ma se malamalamaga faatapulaa, e na'o le taumatemate [o mafuaagal] ma le le fiafia e iu i ai. Ia i latou uma o e o i ai ni atugaluga faapea, matou te faailoa atu lo matou alolofa ma lenei

“MA UA TUTUSA LE PELE O LE TASI TAGATA I LANA SILAFAGA E PEI O LE ISI.”



"MATOU TE VALAAULIA TAGATA UMA ... IA GALU- LUE FAATASI MA LE MIGAO FAATELEINA, E AVEESE AI LE FAAILOGA TAGATA O ITUAIGA UMA."

valaaulia faapitoa. Ia tatou tepataulai uma atu i luma i le autasi o lo tatou faatuatua ma faalagolago i le folafolaga a le Alii, "ua ia valaaufina i latou uma ia o mai ia te ia ma taumamafa i lona agalelei; ma e le teena e ia setasi e sau ia te ia, e uliuli pe pa'epa'e, e pologa pe saoloto, o tane ma fafine" (2 Nifae 26:33).

A o tatou vaavaai atu i le lumanai, o le tasi o taunuuga aupito taua o le faa-aliga i le perisitua, o lana valaaau faalelagi lea e lafoai ese uiga o le faailoga tagata e faasaga i soo se vaega o fanau a le Atua. O le faailoga lanu atonu o le punavai aupito taatele lea o le faailoga tagata i aso nei, ma ua valaaufina i tatou uma ia salamo i lena mea. Peitai mai lava i le talafaasolopito, e toatele vaega o le fanau a le Atua o loo, pe sa sauaina pe sa oo i tulaga le lelei o le faailoga tagata, e pei o mea e faavae i faaletagatanuu pe faaleaganuu, po o le atunuu pe faaleaoaoga po o tulaga faaletamaoaiga.

I le avea ai ma auauna a le Atua o e ua i ai le ma tiutetauave o Lana fuafuaga sili o le faaolataga, e tatau ona faanatinati lo tatou sauniaina o o tatou uiga faaalia ma a tatou amioga—i le faagaoioiga o le [Ekalesia] aoao ma

faaleatagata lava ia—e faataatia ese uma ai faailoga tagata patino. E pei ona saunoa mai Peresitene Russell M. Nelson i le vaega lenei i le matou fonotaga talu ai nei ma taitai faalemalo o le National Association for the Advancement of Colored People: "Matou te valaaulia faatasi ia tagata uma, faalapotopotoga, ma malo ia galulue ma le migao faateleina, e aveese ai le faailoga tagata o ituaiga uma."¹

E tusa lava pe tatou aufaatasi e tafi ese uiga faaalia ma faiga o le faailoga tagata, e tatau ona tatou manatua, e le o se faailoga tagata o le Ekalesia le tausisi i nisi o tulafono mo le faamoe-moega o le tulaga manaomia a le Alii ma le agavaa e ulu ai i se malumalu. Ua folafola mai e le Alii, o le usiusitai i feagaiga ma poloaiga o se tulaga manaomia taua lea e olioli ai i faamnniaga paia. Soo se taumafaiga lava e titinaese ai tulaga manaomia paia mo le ola e faavavau ma aiga e faavavau, o le a pei lea o le taumafai e faavae le fuafuaga a Satani e faapea, "o le a faasaoina tagata uma." O i tatou o tagata faitino ua uma ona tatou teenaina le fuafuaga a Satani i o tatou muai olaga. Sa tatou filifilia le fuafuaga a lo tatou Tama Faalelagi, lea ua tuuina

mai ai le saolotoga e filifili ma tausia ai feagaiga e faavauvau ma poloaga ia e tutusa ona faataau i tagata uma lava. O le tutusa a le Atua e le o le tutusa lea o taunuuga mo tagata uma, ae o le tutusa o avanoa mo tagata uma.

IV.

O lo tatou naunautai i le faamanatuga o lenei polokalama o le patipatia lea o le 40 tausaga o le faaaliga i le perisitua e ala i le vaai agai i luma. A o tatou faia o lea mea, ua tatou faailoa atu ai le talisapaia faapitoa mo o tatou au paia ofo-ofogia e i ai tupuaga Aferika, aemaise lava i o tatou au paia Aferika-Amerika,

o e o loo faaaauau pea i le faatuatua ma le faamaoni e ala i se vaitaimi o suiga faigata o le faateamalieina o le faailoga tagata. O lenei ia tatou auai faatas i le taulai atu o o tatou mafaufau i taunuuga matagofie mulimuli mai o le 1978 i lena faaaliga i le faamanuiaina o fanau a le Atua i le lalolagi atoa. E pei ona folafola mai e o tatou taitai faape-rofeta i lena taimi.

“Ua faailoa mai nei e le Alii lona finagalo mo le faamanuiaina o ana fanau uma i le lalolagi atoa o e e faalogo i le leo o ana auauna tofia, ma saunia i latou lava e maua faamanuiaga uma o le talalelei.”²

O le taimi nei ua faufina ai malu-malu i le tele o atunu mo le faamanuiaina o fanau a le Atua i itu uma o le veli. Tatou te olioli faatasi i luga o le fogaeleele, ma i le lagi. O le vaega lenei o le tatou sauniuniga mo le Afio Mai Faalua o Ia o le na folafolaina mai e ala i se perofeta o le Tusi a Mamona, e faapea, “ua le poloiai ai e ia se tasi ia latou le faatasi ai i lana faaolataga” (2 Nifae 26:24) ma o le na folafola mai e ala i se perofeta i onaponei e faapea, “afai e le tasi outou, e le a a’u outou” (MF&F 38:27). ■

FAAMATALAGA

1. “First Presidency and NAACP Leaders Call for Greater Civility, Racial Harmony,” 17 Me, 2018, mormonnewsroom.org.
2. Folafolaga Aloaia 2

E TATAU ONA
TATOU FAANA-
TINATI ...
E TUU ESE MAI
IA I TATOU
LAGONA UMA
O LE FAAILOGA
LANU FAALETA-
GATA LAVA IA.



FAUSIA O ALALAUPAPA [SOOTAGA]

Saunia e Peresitene Russell M. Nelson

O SENETURI UA MAVAE, sa fesili atu ai se faitulafono faasaulala i le Faaola:

“Le Aoao e, o le fea poloaiga o i le tulafono ua sili?

“Ona fetalai atu ai lea o Iesu ia te ia, E te alofa atu i le Alii lou Atua ma lou loto atoa, ma lou agaga atoa, ma lou manatu atoa.

“O le poloaiga muamua lena ma le sili.

“E faapena foi lona lua, E te alofa atu i le lua te tuaoi, ia pei o oe lava ia te oe.

“O na poloaiga e lua ua autu ai le tulafono uma ma le au perofeta.”¹

Ma i le 1831 foi, sa faaalia mai ai lenei aoaoga i le Perofeta o Iosefa Samita, ina ua fetalai mai le Alii, “Ma ia taitasi le tagata ma manatu taua i lona uso e pei o ia lava ia te ia, ma fai le amiomama ma mea paia i o’u luma.”


Ona sosoo ai lea, i le avea o se faamamafaga, sa Ia faoopoopo mai ai, “Ma Ou te toe fai atu ia te outou, ia taitasi le tagata ma manatu taua i lona uso e pei o ia lava ia te ia.”²

I le vaeluaga o taimi ma faapea foi i aso e gata ai, ua faamamafaina mai ai e le Alii Lana aoaoga faavae taua o le avanoa tutusa mo Lana fanau. Ma ua faamanatu mai ia i tatou e Peresitene Oaks e uiga i lenei aoaoga mai le Tusi a Mamona: “E le teena e [le Alii] se tasi e sau ia te ia, e uliuli pe pa’epa’e, e pologa pe saoloto, o tane ma fafine; . . . ma ua tutusa tagata uma i le Atua.”³

I konetineta uma ma i luga o motu o le sami, ua faapotopotoina ai tagata faatuatua i le Ekalesia a Iesu Keriso o le Au Paia o Aso e Gata Ai. O eseesege i aganuu, gagana, itupa, itu-aiga, ma tagatanuu e galoma atu i le le faatauaina a o ulufale atu tagata faamaoni i le ala o le feagaiga ma o mai i lo tatou Togiola pele.

Mulimuli ane, tatou te iloa ai e na’o le malamalama i le tulaga moni Faalelata o le Atua e mafai ai ona tatou talia atoatoa le tulaga moni o le usoga o alii ma le usoga moni o tamaitai. O lena malamalama e musuia ai i tatou i le naunau-taiga alofa e fausia alalaupapa o le galulue faatasi nai lo pa pupuni o le feeseseseaiga.

O la’u tatalo ma le faamanuiaga ou te tuua i luga o i latou uma o e o faafofoga mai, ina ia mafai ona latou faatoilaloina



**“ULIULI PE PA’EPĀ’E,
POLOGA PE SAOLOTO,
ALII PO O SE TAMAI-
TAI; . . . E TUTUSA
UMA LAVA I LE ATUA.”**

soo se avega o le faailoga tagata ae savavali ma le amio-sa’o faatasi ma le Atua—faapea le tasi ma le isi—i le lotogatasi ma le filemu atoatoa. ■

FAAMATALAGA

1. Matao 22:36–40.

2. Mataupu Faavae ma Feagaiga 38:24–25.

3. 2 Nifae 26:33.



AUAUNA ATU

E PEI ONA SA FAIA E LE FAAOLA

*A o e faia le mea sili e fesoasoani ai i isi, o le
a tatala e le Faaola ou fofoa e vaai atu ai
ma le alofa ma le agaalofa.*

Saunia e Eric B. Murdock

Mekasini a le Ekalesia

Ua tatu maitauina uma lava se uo o loo feagai ma se aso fai-gata po o se tasi e tuuatoatasi pe taufaalili i ai i le aoga. Atonu ua e faalogo e uiga i se tasi i lau uarota po o le paranesi o feagai ma se luitau ogaoga. I taimi faapenei, o le a se mea e mafai ona e faia?

O nisi taimi e faigata ai ona iloa auala e mafai ona e fesoasoani ai. E mafai ona foliga mai e faigofie atu le faatali i se isi tagata e faia le faatinoga, ae o loo tele mea e mafai ona e faia, e tusa lava pe tau ina faailoa atu ia i latou o siomia oe e te alofa. O loo siomia i tatou e avanoa, ma o soo se taimi lava e te faaali atu ai le alofa, manatu popole, ma le fiafia i isi, o loo ua e [faia] se *auaunaga*.

O Se Auaunaga Patino

Auaunaga. Atonu ua e faalogo soo lata mai nei i lena upu i le lotu. I aso ua mavae, e masani ona tatou talanoa e uiga i le Faaola po o perofeta ma aporetolo o faia se auaunaga, ae pe ua e mafaufau ea pe o i ai *sau* auaunaga patino.

Ina ia auauna atu o lona uiga, ia alofa ma tausia isi ma fai ituaiga mea e ono faia e le Faaola pe anafai o loo soifua o Ia faatasi ma i tatou i aso nei. O le auaunaga o se auala e fesoasoani ai i isi ia lagona le alofa o le Tama Faalelagi ma faafetaia'ia o latou manaoga faaleagaga ma faaletino.

E “le'i sau [Iesu] ina ia auauna mai tagata ia te ia, a ia auauna atu” (Mataio 20:28). Sa auauna atu o Ia, ao Ia “femaliuai ma agalelei” (Galuega 10:38). I le avea ai ma Ona soo, ua faatonuina i tatou ia mulimuli i Lana faataitaiga? O *loo* i ai sa tatou auaunaga patino!

**O le auauna atu
o lona uiga ia alofa ma
agalelei atu i isi.**

Ae e le tau manaomia ai ona faatulaga se galuega faatino tele e auauna atu ai. Na saunoa Peresitene M. Russell Ballard, Sui Peresitene o le Korama a Apostolo e Toasefululu:

“O nisi avanoa faaleauaunaga e aloaia—i totolu o o tatou aiga, o tatou valaauga i le Ekalesia, ma lo tatou auai i faalapotopotoga mo auaunaga i le lotoifale. . . .

“[Ae] e tele foi avanoa e auauna atu ai e le aloaia—e aunoa ma se tofiga—ma e oo mai a o tatou aapa atu i isi tatou te feiloi ai i le faigamalaga o le olaga.”¹

E masani lava, o le auaunaga faakeriso e faia i se faatinoga laitiiti ma faamaoni e te faia i aso uma.

Taitoatas

Ina ua faaali atu le Faaola i tagata sa Nifae, sa Ia fetalai atu i tagata e o mai ma tagotago i faailoga i Lona itu ma i Ona lima ma vae. “Ma sa latou faia lenei mea, i le o atu i luma *taitoatas* seiia oo ina latou o atu *uma*” (3 Nifae 11:15; ua faaopoopo le faamamafa).

Ona Ia valaaulia lea o i latou e aumai tagata uma o e sa mama'i, manunu'a, pe “puapuagatia i soo se ala . . . ma sa ia faamaloloina i latou *uma taitoatas* ina ua aumaia i latou ia

te ia” (3 Nifae 17:7, 9; ua faaopoopo le faamamafa). Ina ua mavae lenei mea, sa Ia “ave a latou fanau laiti *taitoatasi*, ma faamanuia i latou ma tatalo atu i le Tama mo i latou” (3 Nifae 17:21; ua faaopoopo le faamamafa).

Sa le o se vaega o ni tagata toalaiti lenei. Ua tau mai e tusitusiga paia ia i tatou e tusa ma le 2,500 tagata sa i ai iina (tagai 3 Nifae 17:25). Ae sa

O le alofa
ua faaali atu e lesu i le
[tagata e] tasi o le uiga
atoa lena o le auaunaga.

faaaoga *lava* e le Faaola le taimi e faamalolo, faamafanafana, faamalosiau, ma faaali atu ai le alofa i tagata taitoatasi.

Ua aoao mai Elder Ronald A. Rasband o le Korama a Apostolo e Toasefululu: “O loo i ai iina se savali patino e sili ona o’oo’o ma maaileale. Sa auauna atu Iesu Keriso i, ma alofa ia i tatou uma lava, taitoatasi.”² O le alofa ua faaali atu e lesu i le [tagata e] tasi o le faamoemoega moni lena o le auaunaga.

Mata e Vaai

Sa fesoasoani le Faaola ia i latou sa siomia o Ia. Sa saunoa mai Jean B.



Bingham, Peresitene Aoao o le Aualofa, e faapea sa Ia “ataata foi i [isi], talanoa i [isi], savavali ma [isi], faa-logo atu i [isi], faavanoa se taimi mo [isi], faamalosiau atu, aoao atu, fafaga, ma faamagalo atu. Sa Ia auauna atu i aiga ma ue, tuaoi ma tagata ese foi, ma sa Ia valaaulia ē masani ma ē pele ia olioli i faamanuiaga silisili o Lana talalelei.”³

Sa i ai fofoga o Iesu Keriso e silasila ai i manaoga o tagata uma sa siomia o Ia, ma sa Ia aapa atu ia i latou uma lava! E mafai ona tatou mulimuli i Lana faataitaiga ma aapa atu ia i latou o e manaomia foi la tatou fesoasoani.

Peitai o le Faaola e atoatoa. E mafai faapefea ona tatou iloa manaoga o isi ma auauna atu e pei ona Ia faia? Ua saunoa mai Peresitene Ballard: “I au tatalo o le taeao i aso fou taitasi, ole atu i le Tama Faalelagi e taiala oe ia iloa se avanoa e auauna atu ai i se tasi o Ana fanau

faapelepele. Ona e faagasolo lea i le aso faatasi ma lou loto ua faatumulia i le faatuatua ma le alofa, e saili mo se tasi e fesoasoani i ai. . . . Afai e te faia lenei mea, o le a faateleina lou nofouta faaleagaga ma o le a e maua-ini avanoa e auauna atu ai, ia e te lei iloaina muamua e mafai.”⁴

Faatino Unaiga

Vaai faalemafaufau i le tulaga lenei: Ua e vaai i lau uo i le aoga, ma e foliga mai e fai si ona faanoanoa. Ua e lagona e tatau ona e faia se mea mo ia, ae e te popole ina ne’i e faalavelave ia te ia pe faamaina o ia po o oe lava. Ona amata lea ona e popole pe mata o se unaiga faaleagaga po o oe lava.

O nisi taimi e faigata ai ona iloa pe o e maua se unaiga faaleagaga e auauna atu pe ua na o ou lava mafau-fauga, ae ua aoao mai Mamona ia i tatou i auala e iloa ai unaiga faale-agaga: “O le mea ua mai le Atua, e

valaau ma faatosina mai ia faia mea lelei e le aunoa; o le mea lea, o mea uma e valaau mai ma faatosina mai ia faia mea lelei, ma alofa i le Atua, ma auauna atu ia te ia, ua musuia e le Atua” (Moronae 7:13).

Na saunoa mai Peresitene

Thomas S. Monson (1927–2018), “Afaifatou te nofouta ma mataala, ma afatou te faatinoia uunaiga e oo mai ia i tatou e mafai ona tatou ausia mea lelei e tele.”⁵

O Le Auaunaga e Mo Tagata Uma

I le taimi o le konafesi aoao ia Aperila 2018, na fofogaina mai ai e Peresitene Russell M. Nelson: “Ua faia e le Alii ni fetuunaiga taua i le auala tatou te tausia ai le tasi ma le isi. Tuafafine ma uso e—tagata matutua ma talavou—o le a auauna atu le tasi i le isi i se auala fou ma paia atu.”⁶ O lenei mea e aofia ai avanoa e auauna atu i auaunaga faalesoa, ae o le auaunaga e le na’o se mea tatou te faia i le Aso Sa po o le taimi o gaoioiga a le Mutuale. E le na’o se tiutetauave e o mai faatasi

ma ni valaauga faapitoa. O le auau-naga e mo tagata uma. E mo taimi uma.

Pe a papatisoina i tatou, tatou te folafola atu ia “tauave avega a le tasi,

*Afaifatou
te faatinoia
uunaiga e oo mai ia i tatou
e mafai ona tatou ausia
mea lelei e tele.*

ina ia māmā; ioe, ma [ia] loto e fanoanoa faatasi ma e e faanoanoa; ioe, ma faamafanafana atu ia te i latou o e manaomia le faamafanafanaga” (Mosaea 18:8–9). O le auauna atu i isi o se vaega o le mea ua tatou folafola atu e fai.

Na saunoa mai Bonnie L. Oscarson, o le sa avea ma Peresitene Aoao o Tamaitai Talavou, “E finagalo le Alii e te vaavaai solo i lau tupulaga ona auauna atu lea e pei ona Ia faia.”⁷ A o e faia lea mea, o le a Ia tatalaina ou mata e vaai atu ai ma le alofa ma le agaalofa i auala e auauna atu ai i isi.

O le a Ia le tuua oe e taumate mate e uiga i mea e tatau ona e faia. O le a Ia tatalaina oe i le auala sili e mafai ona e auauna atu ai ia te i latou.

O Auaunaga e Aumaia ai Faamanuiaga

Ua saunoa mai Peresitene Nelson e faapea, “O i tatou i le avea ai ma auauna [a le Alii] o le a auauna atu i le tasi, e pei lava ona sa Ia faia.”⁸ O lenei mea e le gata ina manuia ai isi; ae e manuia ai foi i tatou.

Ua saunoa mai Elder Dieter F. Uchtdorf, o le Korama a Aposetolo e Toasefululua: “Ao aapa atu o tatou lima ma loto i le alofa faaKeriso i isi, o le a tupu ia i tatou se mea matago-fie. O le a faamaloloina, ma toe faaleleia, ma sili atu ona malosi o tatou lava agaga. O le a sili atu ona tatou fiafia, sili atu ona toofilemu, ma sili atu ona mataala ma iloa musumusuga a le Agaga Paia.”⁹

Ua faaali mai e Iesu Keriso se ala i se olaga faamanuiaina ma sili atu le faamalieina. O auaunaga e pei ona Ia faia o le a aumaia ai le fiafia moni ma se lagona o le filemu ma le olioli i lou olaga. ■

FAAMATALAGA

- M. Russell Ballard, “O Meaalofa Faapelepele mai le Atua,” *Liahona*, Me 2018, 10.
- Ronald A. Rasband, “Taitoatasi,” *Liahona*, Nov. 2000, 29.
- Jean B. Bingham, “Auauna Atu e pei ona Faia e le Faaola,” *Liahona*, Me 2018, 104.
- M. Russell Ballard, “Ia Auai ma le Naunau-tai,” *Liahona*, Nov. 2012, 31.
- Thomas S. Monson, “O Sini e Tolu e Taiala-inia ai Oe,” *Liahona*, Nov. 2007, 121.
- Peresitene Russell M. Nelson, “Faamalosi Ia i le Galuega Nei,” *Liahona*, Me 2018, 118.
- Bonnie L. Oscarson, “O Manaoga i o Tatou Lumia,” *Liahona*, Nov. 2017, 26.
- Russell M. Nelson, “Auauna Atu i le Mana ma le Pule a le Atua,” *Liahona*, Me 2018, 69.
- Dieter F. Uchtdorf, “O Outou o O’u Lima,” *Liahona*, Me 2010, 75.



O AUALA E
7^E
MAUA
AI LE
Agaga
O LE KERISIMASI

O LE SOONA FAI MA MEA FIAFIAFIA E MALIE, AE O AUAUNAGA
[E FAIA MA LE] FIAFIA O LE MEA TAU LEA E MAUA AI
LE AGAGA O LE KERISIMASI.

Saunia e Charlotte Larcabal

Mekasini a le Ekalesia



E pei lava e le o se Kerisimasi."

Pe i ai se taimi na e mafaufau ai faapena? Atonu o lou lagona lena i le taimi nei: E tusa lava po o le a le leotole e taina ai pese o le Kerisimasi, po o le fia foi o kuki o le Kerisimasi ua e aia, ae e te le o lagonaina ai lava le agaga o le Kerisimasi.

Afai ua pei oe o lena, pe o loo e tau suea ia lagonaina lena fiafia atili o le Kerisimasi i lenei tausaga, ia faaauau pea ona faitau!

Sa saunoa mai Peresitene David O. McKay (1873–1970) i se faaupuga faigofie: “O le agaga o le Kerisimasi o le agaga lea o Keriso, lea e susulu atu ai o tatou loto i le alofa faaleuso ma le faaupo ma uunaia ai i tatou e faia galuega agalelei o le auauna atu.”¹ Ua ioeina foi e Bonnie L. Oscarson, o le sa avea ma Peresitene Aoao o Tamaitai Talavou: “O le auala e faateleina ai le agaga o le Kerisimasi o le aapa atu lea ma le agalelei ia i latou o siomia i tatou ma tuu atu i ai i tatou lava.”²

O le teuteuina o laau ma le tuuina atu o meaalofa o auala ia e faamanatu ai le Kerisimasi, ae o le mea taua e lagona ai le agaga o le Kerisimasi o le auauna atu lea i isi. (Siaki le tusiga na muamua atu, “Auauna Atu e pei ona Sa Faia e le Faaola,” e aoao atili ai e uiga i auauanaga.)

Ma o le tala fiafia! E tele auala matagofie e auauana atu ai i isi i le vaitaimi o le Kerisimasi. Faataitai nisi o mea nei, ma e le umi ae e lagonaina le mafanafana o le Agaga ma lagona le latalata atili atu i le Faaola—o le agaga moni o le Kerisimasi!

1. Asiasi i e tuuatoatasi.

Mafaufau ia i latou e te iloa atonu e le o i ai ni aiga ma ni uo e faatas i ai i aso fiafia. Mafaufau e asiasi i se tagata matua po o se tasi faatoa siitia atu i le tou pitonuu. O le aapa atu i le na’o se tagata tuuatoatasi e tasi e mafai ona mamana. Sa faailoa mai e Elder David A. Bednar o le Korama a Aposetolo e Toasefululu, “sa auauna atu [Keriso] i le ‘tasi,’” e ala i le fesoasoani i tagata taitoatasi.³ E mafai ona tatou faia faapea.

2. O e usuusu pese [o le Kerisimasi].

Na e iloa e ese le fiafia o le tatou perofeta i pesepesega o le Kerisimasi? A le o le feei i “pese valea faigofie e uiga i le Tama o le Kerisimasi” po o le usuina ma le migao o au viiga e sili ona fiafia i ai e uiga i le Faaola, e talitonu Peresitene Russell M. Nelson, o le faasoaina atu o musika i isi o se auala matagofie lea e “lagona moni ai le agaga tonu o le Kerisimasi.”⁴





3. Vaavaai solo ae e te le'i vaavaai i lau telefoni.

E te le tau tuua lau telefoni i lau taga i le aso atoa, ae o le i ai ma le taulai atu ia i latou o loo siomia oe, o se auala sili lea e toe lagona ai le agaga o le Kerisimasi.

Fai mai Sister Oscarson, "Nai lo le avae i luga o lau telefoni e vaai po o a mea a au uo o fai, taofi, vaavaai solo, ma fesili ia te oe lava, 'O ai o manaomia au i le aso?'" "Atonu o oe o le ki lea i le aapa atu ma pai atu i le olaga o se paaga pe tuuina atu se faamalo-siauga i se uo o loo tauivi le leoa."⁵

4. Fai ni galuega faaopoopo.

Pe mafai moni e le tapenaina o le fale, ofo atu e tausitama, po o le faia o soo se galuega faaopoopo i le fale, ona fesoasoani e te lagona ai le agaga o le Kerisimasi? Afai e te faia ma le agaga sa'o, e mautinoa lava o le a e lagonaina! A o e fufuluina pe tapenaina, mafaufau i le tagata o loo e auauna atu i ai. Mafaufau i le matuai fiafia o lou aiga po o uo i le meaalofa o lou galue malosi!



5. Ave atu ni meaai suamalie o le Kerisimasi!

E faatatau i na kuki o le Kerisimasi lea na ta'ua muamua sa e aia, aisea e le tope ai le faiga o ni meaai suamalie e sili ona e fiafia i ai o le Kerisimasi? Atonu e te tofoina e oe lava ni nai mea (pe sili atu foi), ae o le ki i le lagonaina o le agaga o le Kerisimasi o le foai atu lea.



6. Faasoa atu se vitio o le Kerisimasi.

Faasoa atu se savali o le Kerisimasi i luga o faasalalauga faaagafesootai. Siaki i Savali FaaMamona o le Kerisimasi mo nisi o manatu. Atonu foi e te faafiafaina le aso o se tagata i le na'o le faasoa atu o le vitio o le Kerisimasi a le Ekalesia o loo i luga o le Mormon.org. E mafai ona e auina atu i se uo pe faasoa i luga o lau lava itulau.

Auaunaga i le Kerisimasi

O teuga feemoemoa'i ma faaaliga faalauaitele o fiafiaga e mafai ona aumaia ai le maofa ma le malie i ou aso fiafia, ae a oo loa i le lagonaina o le agaga moni o le Kerisimasi, o auaunaga fiafia o le mea taua lea.

"Ina ia faamamaluina moni lava le afio mai [o le Alii] i le lalolagi, e tatau ona tatou faia e pei ona sa Ia faia ma aapa atu i le agaalofa ma le alofa mutimutivale i o tatou uso a tagata," o le saunoaga lea a Elder

Dieter F. Uchtdorf o le Korama a Aposetolo e Toasefululua. "E mafai ona tatou faia lenei mea i aso taitasi, e ala i upu ma galuega. "Ia avea lenei mea ma a tatou tumasan i le Kerisimasi, po o fea lava o tatou i ai—ina ia agalelei teisi atili, ia faamagalo atu atili, faaititia le faamsino atu, ia lotofaafetai atili, ma ia agaalofa atili i le faasoaina atu o a tatou mea ua maua ia i latou o e le tagolima."⁶ ■

7. Ia e faia faaliloliloina.

O le a se tele o ni auaunaga faalilolilo e mafai ona e faia e aunoa ma le iloaina o oe? E mafai ona e tuua ni faatauga po o ni meaalofa i luga o le fasitepu a se tagata, momono se faamatalaga puupuu agalelei i totonu o le taga o se peleue, sua le kiona, pe salu laulaau—ae ia mautinoa e leai se tasi e iloaina o oe [sa faia]! Manatua: ia fai faalilolilo au meaalofa (tagai Mataio 6:4).



FAAMATALAGA

1. Tavita O. Makei, "Gospel Ideals," (1952), 551.
2. Bonnie L. Oscarson, "O Le Kerisimasi O Le Alofa FaaKeriso" (Faigalotu a le Au Peresitene Sili o le Kerisimasi, 7, Tes. 2014), broadcasts.lds.org.
3. Itulau Facebook a David A. Bednar, vitio sa tuuina i luga i le aso 22, Ian. 2017, facebook.com/lds.david.a.bednar/videos.
4. Russell M. Nelson, i le "Christmas Memories from Prophets and Apostles," *New Era*, Dec. 2015, 10.
5. Bonnie L. Oscarson, "O Manaoga i o Tatou Luma," *Liahona*, Nov. 2017, 26.
6. Dieter F. Uchtdorf, "Scatter Your Crumbs" (Faigalotu a le Au Peresitene Sili o le Kerisimasi, 3, Tes. 2017), broadcasts.lds.org.

FAAOPOOPOINA O MEAALOFA O LE AGAGA I LAU LISI O LE KERISIMASI

Saunia e David Dickson

Mekasini a le Eklesia



Emasani lava ona ou faia se sanuisi manaia o le sisi lagilagi. I le va o lena taumafataga tofolelei ma le tele o isi fua o kuka, sa ou taumafai e ola ai ma faa-aoga i la'u misiona atoa seia oo atu lava ina avea ma tagata matua. Ona ou faaipoipo lea ma faia se fanau, o i latou e eseese uma lava a latou tofo o mea e mananao i ai. Sa manaomia ona faateleina a'u kuka!

Ae peitai, i po pe a oo i lo'u aso kuka, o le taumafai e kuka ni meaai fou sa faamaonia le avea ma se luitau. O le

mea muamua, sa masani ona le lava o'u taimi i le afiafi. E ui sa ou manao e kuka ni meaai eseese, ae sa fai lava ma tau i ni faafitauli. Sa le mafai ona ou maua ni mea fai kuka i se taimi vave, po o le misi foi o nisi mea fai kuka. O le tele lava o taimi, ou te tuua ai la'u meaai sa fuafua e fai ae fai le mea vave ma faigofie.

Ae o lea sa ou manao pea e faaleleia le itu lea. O lea sa tonu ai o le a ou faia se mea ou te le'i faia lava. Sa ou tatalo mo se meaalofa faaleagaga ma sa ta'u atu le igoa.

Tasi le Meaalofa, E Tele Ona Aoga

Sa faapitoa lava ona ou tatalo mo le meaalofa o le faatulagaga. Ioe, faatulagaga! Ua uma ona i ai le matou kapoti o mea faamanogi kuka. Sa i ai foi a matou fata o mea e faaaoga e kuka ai meaai. Ae e ui ina i ai na mea i o latou tulaga, ae foliga e tele lava lo'u taimi e alu i le tau suega o sapalai nai lo le faiga o kuka.

A o ou tatalo soo mo lenei meaalofa, sa amata ona ou maua ni manatu fitoitonu. O se fata e faamau i le puipui e tuu ai mea faamanogi kuka o le a faatulaga ai mea faamanogi kuka ma faigofie ona tau i ai. O se poloka sila i le umukuka (e mafai foi ona faamau i le puipui) e mafai ona tuu ai naifi ma isi mea uamea fai meaai. O nei manatu ma isi manatu, ina ua faatinoina, sa i ai se eseesega tele i a'u taumafaiga e kuka. E manaomia ni thyme [mea faamanogi meaai]? Aniani saina, masima? Pauta *aniani saina*? "O a'u o lau tama!"

Ona tupu ai lea o se mea malie. Sa faaauau ona oso mai ni manatu laiti i lo'u mafaufau mo ni auala laiti e faalelei atili ai le faatulagaga o isi mea o lo'u olaga. Mo se faataitaiga, o la'u olo fogafaletolu sa fau i le fale mo tagamea o le a le aveina atu ai lo'u aiga i le nuu o le folafolaga, ae atonu e talisapaia foi e Nifae le ala na ou fauina ai—e ala i le mulimuli i uunaiga ia na oo mai ia te a'u e tasi le vaega i le taimi.

O le meaalofa faaleagaga o le faatulagaga ua faaleleia ai lo'u olaga ma olaga o lo'u aiga e sili atu nai lo le mea ou te ono mateiaina lava.

Ma sa oo uma mai lava ona sa ou talosaga atu i ai.

Tele Meaalofa, Toalaiti Tagata Talosaga

Sa aoaoina e le Aposetolo o Paulo tagata i Korinito e uiga i nisi o meaalofa faaleagaga eseese e tele o loo i ai, e pei o le faatuatua po o le faamalologa (tagai 1 Korinito 12:5–11). Ona ia faatonuina lea o i latou ia "naunau [manao] ai i meaalofa e sili" (1 Korinito 12:31).

Atonu e faigata ona e malamalamā i le manatu e faapea o le manao e mafai ona avea o se mea *lelei* ae i le tulaga lea e mafai ona i ai. Ua faatonuina i tatou e vaai atu i nisi

o meaalofa faaleagaga tatou te iloa i isi ona ole atu lea i le Atua e faamanua i tatou i na lava foi meaalofa. O le tatou faamoemoe mo le faia o lena mea e tatau ona, ia auauna lelei atu ai i isi ma atiina ae ai le malo o le Atua (tagai MF&F 46:26–29).

E matuai tele lava meaalofa—e tele atu nai lo o mea o le a e maua i tusitusiga paia. O le onosai o se meaalofa faaleagaga. E faapena foi i le talitonu o le a lelei mea uma. Ma le lototele. Ma le avea ma se tagata e faatupu filemu. Na aoao mai Elder Larry R. Lawrence o le Fitugafulu: "O nisi taimi ou te vaai faalemafaufau ai i se faleteuoloa tele lava i le lagi, e faatumulia atoa i meaalofa faaleagaga, e avanoa i le Au Paia uma o e e i ai le faatuatua e ole atu ai mo i latou. Ae o le mea e faanoanoa ai, e le toatele nisi e talosagaina, o taimi uma lava la e tumu saisai ai le faleteuoloa."¹

Sa faamatalaina e Elder Lawrence se uo sa tonu e tatalo mo le meaalofa o le alofa mama. Sa ia faamatalaina mai lona aafiaga, "Sa ia tusia: 'Mo ni nai masina, sa ou tatalo patino ai lava mo se faateleina o le alofa mama. . . . Sa faasolosolo malie lava ona sui o'u manatu e uiga i isi. . . . Sa amata ona le gata ina ou alofa i tagata sa siomia au, ae ia ou fiafia foi ia i latou. O le taimi muamua, atonu sa ou taumamao, ae o le taimi nei ua ou fiafia moni lava i tagata uma.'"²

O Au Meaalofa, ua Sauni ma Faatalitali Mai

O meaalofa faaleagaga e matuai sili atu ona taua nai lo o meaalofa faaletino!. O le mea moni, o i latou o meaalofa *sili*. Ua poloaiina i tatou i tusitusiga paia, "Ia matua saili atu i meaalofa sili" (MF&F 46:8).

Po o le a lava se isi mea e te faamoemoe e tatala i le taeao o le Kerisimasi, taumafai ma vaai faalemafaufau i ni nai "meaalofa sili" o loo faatalitali mai foi mo oe. Ua uma ona "afifiina" ma sauni e faamanua ai oe ma i latou o loo siomia oe.

Ia fai loa ae ole atu. ■

FAAMATALAGA

1. Larry H. Lawrence, "Why Not Ask?" (Faigalotu a le Iunivesite o Polika laga–Idaho, 13 Juni, 2017), byui.edu/devotionalsandspeeches.
2. Larry H. Lawrence, "Why Not Ask?"

“Ou te le lagonaina le agavaa e alofaina ai e le Faaola. E mafai faapefea ona ou faatoilaloina lenei lagona ma iloaina lo’u taua faaletagata lava ia?”



“Ua i ai le alofa o le Atua iina mo oe e tusa lava pe e te lagona pe e te le lagonaina foi e te manaomia le alofa. O loo i ai lava iina i taimi uma.

“A tatou saili atu i lo tatou Tama Faalelagi e ala i le tatalo faatauanau, ma faamaoni ma le suesueina o tusitusinga paia ma le nau-nautai ma le tuuto sili, o le a malolosi ma mauaa loloto a tatou molimau. O le a tatou iloaina le alofa o le Atua mo i tatou.”

Peresitene Thomas S. Monson (1927-2018), “E Le Tuua Lava Na o i Tatou,” *Liahona*, Nov. 2013, 124.



Tatalo ina ia Lagona Lona Alofa

O i tatou uma o ni atalii ma afafine o lo tatou Tama Faalelagi. E le muta Lona alofa mo i tatou. Afai tatou te lagonaina le pei tatou te le agavaa i Lona alofa, e tatau ona tatou tatalo ia te Ia. Tatalo ina ia lagona Lona alofa. Tatalo ina ia e lagona le agavaa i Lona alofa mo oe, ma ia mafai ona e vaai ia te oe lava e pei ona Ia silasila mai ia te oe. I Lona taimi ma Lana ala, o le a Ia tali mai ai i taimi uma i au tatalo faatasi ai ma se faamautinoaga o Lona alofa atoatoa. Soo se taimi lava ou te lagona ai le faanoanoa po o le tuu-atoatasi, o le tatalo mo Lona alofa e siitaina a'u i luga i taimi uma.

Julia M., 16 tausaga, Virginia, ISA



Faalatalata atili atu i le Faaola

Talu ai nei lava i se vasega sauniuni mo le misiona, sa matou talanoa ai e uiga i auala e pupula ai o matou mata i le alofa o le Atua mo i matou. Sa matou talanoaina ni mea eseese e mafai ona matou faia e lagona ai le faateleina o le taua o le tagata lava ia; o nisi o nei mea o le auauna atu i ou tuaoi, tatalo mo le fesoasoani i mea e taua ia te oe, faitauina o tusitusiga paia, ma le avea ma se faifeatalai. O nei mea uma e faamoe-moe e faalatalata atu ai i tatou ia Iesu Keriso ma fesoasoani tatou te iloa ai o tatou gafatia e avea ai faapei o Ia.

Santiago Z., 17 tausaga, Arisona, ISA



Tausi i Poloaiga

O nisi taimi ou te le lagonaina le agavaa ina ia alofaina e le Faaola ona ou te le usitai atoatoa i poloaiga a le Alii. E mafai ona ou faatoilaloina nei lagona e ala i le salamo, o nisi taimi faatasi ai ma le fesoasoani a lo'u epikopo, o le e aoaoina au, e alofa le Alii i Ana fanau uma lava.

Jacques D., 15 tausaga, Abidjan, Ivory Coast

E Tausa le Salamo

Tatou te agasala uma lava, ma ona o lena mea, atonu tatou te lagona ai le le agavaa mo le alofa o le Faaola. Ae ua Ia tuuina mai Lona soifua mo i tatou—sa ositaulaga o Ia mo i tatou. O lena faatinoaga le manatu faapito sa faia ona o le alofa. E na'o le pau lava le mea e tatau ona tatou faia e lagona ai le agavaa i Lona alofa o le faaaoga o le mana o Lana Togiola e ala i le salamo i a tatou agasala. O le salamo o le ki lea i le iloaina o lo tatou taua faale-agata lava ia ma le alofa o le Faaola

Sister Custan, 23 tausaga, Misiona a Filipaina Cebu

Alofa i Isi

O le tasi o auala e iloa ai lo tatou taua faaletagata lava ia, o le iloa lea o le taua faaletagata lava ia o i latou e siomia i tatou. O le taulai atu i isi e fesoasoani tatou te maua ai lagona lelei e uiga ia i tatou lava aua o loo tatou atiinaeina isi. E manuia ai tagata uma! Ina ua ou tauivii ma le talitonu ia te a'u lava, sa tonu loa o le a ou auauna atu i se tagata sa siomia a'u o le sa manao-mia le fesoasoani. O aso uma lava mo se masina, sa ou tuuina atu se upu faamalo i se uo o le sa faia se tauiviga. O le taulai atu i isi sa fesoasoani ou te lagona ai le faatauaina ma le manaomia. A tatou taumafai e alolofa atu i isi mo ituaiga tagata e i ai i latou, e oo ina faigofie ai ona tatou vaai i le tele o le alofa o le Atua mo i tatou, O le fesoasoani i isi ia lagona le agavaa i le alofa o le a fesoasoani tatou te lagona ai e i tatou lava le agavaa mo le alofa.

Jayme W., 15 tausaga, Minesota, ISA

O tali ua facomoemoe e mo le fesoasoani ma ni manatu, ae e le o se faalauiloaga aloaia o aaooga faavae o le Ekalesia.

O Le A Sou Manatu?

“E faapefea ona ou filifili e auauna atu i se misiona?”

Ua ou salamo, ae o loo o'u lagonaina lava le tausalaina tele. E mafai faapefea ona ou maua le toofilemu?

Ona o le Togiola e le i'u a lesu Keriso, e mafai ai ona tafi ese lou tausalaina pe afai e te salamo atoatoa. Ae o nisi taimi e lagona ai pea lava e tagata lagona o le tausalaina i mea e manatua o a latou agasla e ui lava ina ua latou salamoina.

E mafai ona fesoasoani le tausalaina po o le “tiga faaleatua” (2 Korinito 7:10). E mafai ona faatutotonu ai o tatou mafaufauga ia lesu Keriso ma taitai atu ai i tatou i le salamo moni ma le suia. O le ma, i le isi itu, e faatutotonu ai o tatou mafaufauga ia i tatou lava ma avea ma faalavefau i lo tatou alualu i luma.

Ua tuuina mai e le Tusi a Mamona ia i tatou ni faataitaiga lelei o le ala e mafai ona tatou salamo ai ona olioli ai lea i le toofilemu ia lesu Keriso:

- O le manatuaina o ana agasala ua mavae na faaosofia ai Amona e vivii i le Faaola ma Lona alofa mutimutivale, ma aumaia ai ia te ia le olioli nai lo o le puapuagatia (tagai Alema 26:17-20).¹
- Ina ua “tau ane [le] mafaufau [o Alema] i [le] manatu” e uiga ia lesu Keriso ma Lana Togiola, sa “le toe laga atuatuvalaeina [o ia] i le manatuaina o [ana] agasala” (Alema 36:17-19). E ui ina sa i ai pea le manatua, ae sa le toe faatigaina o ia e lea manatua.²

FAAMATALAGA

1. Tagai Richard G. Scott, “Filemu o le Lotofuatiaifo ma le Filemu o le Mafaufau,” *Liahona*, Nov. 2004, 18.

2. Tagai Dieter F. Uchtdorf, “Vaega Tonu o le Toe Foi Saogalemu,” *Liahona*, Me 2007, 101.

Auina mai lau tali ma, afai e manaomia, o se ata manino lelei a o lei oo i le aso 15 o Setema 2019, i le liahona.lds.org (oomi le “Submit an Article or Feedback”).

E ono iloiloina tali mo le uumi po o le manino.

O le
SOIFUA MAI O
LE FAAOLA

o le meaalofa lea ua

MAFAI AI

e le Tama ona tuu mai ia i tatou le "filemu
i le lalolagi lenei, ma le ola e faavavau
i le lalolagi a sau" [MF&F 59:23].

President Henry B. Eyring,
Fesoasoani Muamua i le Au Peresitene Sili,
"Meaalofa o le Filemu," (Faigalotu o le Kerisimasi a le Au Peresitene Sili, 4, Tes. 2016)



ATAPUE MAILE GETTY IMAGES



IA AUAI I LE AUTAU O LE AUTALAVOU A LE ALII INA IA FESOASOANI E FAAPOTOPOTO IA ISRAELU

Ou te valaaulia nei oe ia sauniuni oe lava e ala i le faia . . .
O MEA E LIMA o le a suia ai oe ma fesoasoani e te suia ai le lalolagi. . . .



1.

FAIA SE ANAPOGI
MAI FAASALA-
LAUGA FAAAGA-
FESOOTAI MO
ASO E FITU.



2.

FAI SE OSITAULAGA
FAALEVAIASO O TAIMI
MO LE ALII.



3.

IA TUMAU I
LE ALA O LE
FEAGAIGA.



4.

TATALO I ASO
UMA INA IA
MAUA E TAGATA
UMA FAAMA-
NUIAGA O LE
TALALELEI.



5.

IA TU
MATILATILA
ATU. IA TULAGA
ESE. **AVEA**
**O SE MALA-
MALAMA.**



Ole Meaalofa o le Kerisimasi a Tala

Saunia e Juliann Doman

E faavae i se tala moni

“A i ai se galuega e fai, ia fai ma se ‘ata’ata. Fai faasili nai lo mea ua fai atu e te faia ma alu i le maila lona lua” (Children’s Songbook, 167).

Sa tete Tala ao tulei atu lana uila e faasaga i le savili. “Tuai ona ou oo i le fame ou te faamafanafana ai,” o ona mafaufauga ia. “Ma e le mafai ona ou faatali etalai meaalofa o le Kerisimasi!”

Sa vave teisi ona ala o ia i le taeao lea e kiliva nusipepa. A o ia tuleia lana uila i luga o le aega maualuga e alu atu ai i le fame, sa mafaufau o ia i pani tinamoni o le Kerisimasi a Tina e fai i le fame. O le a matuai manaina lava lo latou tofo. Na toetoe lava a mafai ona ia tofoina le kulimi suamalie.

Kulimi! Sa faataupepe tauau o Tala. Na galo ia te ia ona tatau susu o povia isi feau sa tatau ona ia fai. Tusa lava poo le Kerisimasi.

Sa faatu e Tala lana uila i luma o le fame. Sa mili i laua ma lona uso e vaai po o ai e mafai ona muamua uma le tufaga o ana pepa. Sa le’i vaai o ia i le uila a lona uso, o lea la na manumalo ai Tala!

Ae na pau le faafitauli i le manumalo o lea e tatau ona faatali mo lona uso ona faatoa talai lea o meaalofa. Ona la toe foi ai lea i fafo e fai ia feau. Sa moomoo Tala e mafai ona nofo pea i totolu ma fiafia ai i le Kerisimasi.

“E mafai ona fai a’u feau i le taimi lenei,” o mafaufauga ia o Tala. “Ona ou le toe sau ai lea i fafo i le malulu.” Sa telea’i atu o ia i le fame o le faatoaga.

Ao ia aumaia se pakete ma saofai i lalo e tatau susu o le povia, sa fetilofa’i solo Tala. Sa manaomia ona fai uma lava o isi feau. Ona oso ae lea o sona manatu. Afai na te faia uma ia feau, e mafai ona ia faateia lona aiga ma mafai ona latou faaaluina faatasi le taimi atoa e totoe o le taeao o le Kerisimasi. O le a avea ma meaalofa sili lava o le Kerisimasi!

Sa faanatinati loa Tala i le tatauina o susu o povia. Ona ia faamamaina lea o le fame o le faatoaga, fafaga moa, ma

ao fuamo. Sa ‘ata’ata o ia a o mafaufau o le a tetei nei lo latou aiga.

Na toe foi atu Tala i le fame. Sa autilo atu o ia i totolu o le faitotoa e vaai pe sa i ai se tasi iina. Ona ia tolotolo atu loa lea i totolu o le umukuka. Na faatoa uma lava ona ia tuuina le susu ma fuamo i totolu o le pusaisa ae savali mai loa Tina i totolu.

“Matua’i lelei, o lo o e i le fame,” o le tala lea a Tina, ma fusi atu o ia. “Na amata ona matou mafaufau po o fea o e i ai.”

Sa fesoasoani atu tina ia te ia e aveese lona ofu faamitu. Ina ua vaai mai uso ma tuafafine o Tala ia te ia, sa latou alalaga, “ua i le fame Tala! Sei o tatou talai meaalofa!” Sa lolofi atu tagata uma faataamilo i le laau Kerisimasi ma faatalitali mo Tama e tufatufa mai meaalofa. Sa fiafia Tala e matamata atu a o fefasoaae e tagata uma a latou oa.

“Ua lelei!” Na fai mai ai Tama. “O le taimi lenei e fai ai feau. Ae o le mea muamua, ou te manatu tatou te manaomia se vai suamalie ma ni pani tinamoni.”

Sa savali atu Tama i le umukuka ma tatala le pusaisa. Sa tu o ia ma sioa.

“Ia, sei vaaia i ai!” Na fai mai ai Tama. “O lea ua tumu le sioki susu, ma fuamoia ia ua uma ona aoina mai! Mata o ai na faia lea mea?”

Sa toe sau Tama i totolu o le potu malolo. Sa taumafai lava Tala e nana lana ‘ata’ata.

“O e iloa se mea e uiga i lenei mea, Tala? Sa fai atu ai Tama ma ‘ata’ata foi o ia. “E foliga mai ua uma ona fai a tatou feau.”

“Manuia le Kerisimasi!” Sa alaga atu ai Tala.

Sa tuu e Tama lona lima e faauouo ai Tala. “Faafetai lava, atalii. E ese lou magafagafa. Atonu o le tatou Kerisimasi sili lava lenei ua i ai!”

Sa ataata Tala. Ua uma lava ona ia iloa o *lana* Kerisimasi sili lava lea. ■

E alaala le tusitala i Colorado, ISA.

O Katie ma Quincy

Saunia e Evan Valentine ma Marissa Widdison

E faavae i se tala moni

"E alofa le uo i aso uma lava"

(Faataoto 17:17).

Efafia lava Katie e pese. E fafia o ia e siva. Ae o le mea sili lava, e fafia o ia i Aso Sa! O le aso lena e mafai ona vaai ai o ia i lana uo o Quincy.

O Katie e le atoatoa lona mafaufau ma lona malosi. O nisi o taimi i le lotu, e le mautonu ai o ia ma le iloa ai le mea e fai. Ae sa ia iloina o le a i ai Quincy iina e fesoasoani ia te ia.

E uu e Quincy le lima o Katie ma la savavali atu i le Peraimeri. O nisi taimi e feminoia'i ai Katie i le taimi o le fetufaaiga, ona fusi lea o ia e Quincy. Sa fesoasoani pea o lea e faatoofilemu ia Katie. A uma le taimi o fetufaaiga, ona fesoasoani lea o Quincy ia Katie e su'e lana vasega. E alofa lava Katie ia Quincy.

I se tasi o aso sa iloa ai e Katie na i ai se mea faanoanoa sa tupu i le aiga o Quincy. Ua maliu Cory le tuagane matua o Quincy! Na iloa e Katie o le a faanoanoa tele lana uo. Sa ia iloa foi sa alofa tele Quincy i lona tuagane matua.

Sa ta'u atu e Tina ia Katie o le po nanei o le a o atu ai tagata i le falelotu e faailoa atu i le aiga o Quincy e alofagia i latou. O taeao o le sauniga o le maliu o Cory.

"E te fia sau i le falesa i le po nanei ma ma'ua ma Tama?" Sa fesili atu ai Tina ia Katie.

Sa luelue le ulu o Katie. Sa manao e ta'u atu ia Quincy e alofa ia te ia!

Sa fesoasoani Tina ia Katie e fai lona ofu manaia. Ona latou tietie atu lea i le falesa.

Ina ua latou taunuu atu iina, sa vaaia e Katie le toatele o tagata. Sa ia iloina nisi o i latou mai le lotu. Sa vaai o ia i lona epikopo. Sa vaai o ia i lona faiaoga o le Peraimeri. Ae sa le'i vaai o ia i lana uo.



"Tina, o fea Quincy?" Sa fesili ai Katie.

Sa le'i iloa e Tina.

"Aisea tatou te le fesili ai i se tagata?" Na fai atu ai Tina.

E masani ona le fafia Katie e talanoa i le mea e toatele ai tagata. Ae o le po lenei, sa manaomia lona mauaina o Quincy! Sa lagona e Katie le lototele. Sa savali atu o ia i le epikopo.

"Ua faanoanoa Quincy. E tatau ona ou suea Quincy!" sa ia fai atu ai ia te ia.

Na ataata le epikopo ma uu le lima o Katie. "Ia ta o loa e su'e Quincy."

Sa o faatasi le epikopo, Tina, ma Katie e savavali faataamilo i le falelotu.

Mulimuli ane sa latou maua o ia! Sa saofai Quincy i se tulimanu. Sa matuai foliga faanoanoa lava o ia.

Sa savali atu Katie i lana uo ma fusi mai o ia. Sa mafaufau o ia i le misia tele e Quincy o lona tuagane.

"E le afaina, Quincy. O le a tausi e Iesu ia Cory," o le tala lea a Katie. Sa ia popo ma le faaeteete le lauulu o Quincy, ma le mautinoa ia malu.



Sa amata ona tagi Quincy. Sa atili fusi mau o ia e Katie.

"E le afaina," sa fai atu ai Katie. "O le a tausi e Iesu ia Cory."

Na tagi pea lava pea Quincy. Sa faaauau pea ona fusi e Katie lana uo. Ina ua mavae se taimi, sa filemu teisi ifo Quincy. Sa masusu pea o ia, ae sa le toe tagi tele. Sa tilotilo a'e o ia ia Katie. "Faafetai lava Katie," o lana tala lea.

"E sa'o oe. O le a tausi e Iesu lo'u tuagane."

Sa fiafia Katie sa mafai ona fesoasoani i lana uo ia lelei ona faalogona. E alofa o ia ia Quincy! ■

E alaala le tusitala i Iuta, ISA.

O UO E I AI MANAOGA FAAPITOA

O isi manaoga faapitoa e faafaigata ai ona galue le tino. O nisi manaoga faapitoa e faafaigata ai ona galue le faiai. O isi tagata e i ai se manaoga faapitoa e aafia ai o latou faiai ma o latou tino. E le afaina po o le a, o tamaiti *uma lava* o se atalii po o se afafine taua ma alofaina o le Atua!

Afai e te fetaui i se tagata e i ai se manaoga faapitoa:

Aua Le ...

Sioa, tusitusilima, pe femusua'i e uiga ia i latou.
ua le amancaiaina i latou.
Ula ia i latou.
Fai atu ni upu faatiga ia i latou.

Fai...

Faatolofa i ai ma ia agalelei.
Fesili i ai i se auala faaaloalo.
Tu atu mo i latou pe afai e faatiga i ai isi tagata.
la manatua o i latou o se atalii po o se afafine o
le Atua, e pei foi o oe!



O le Migao o le Alofa Lea



Saunia e Luipou W., 10 tausaga, Victoria, Ausetalia

I le Aso Faraile, sa fai mai ia lo'u faiaoga ou te faitauina se solo sa ou tusia i luma o tamaiti aoga uma, faiaoga, ma matua i le potopotoga atoa a le matou aoga. Sa matuai ou fiafia lava, o lea sa ou fai atu ai, "Ioel!" Ae sa ou matuai popole lava foi i ai.

A o ou saofai i luga o le tulaga e faatali ai e faitau la'u solo, sa amata ona vave le tata o lo'u fatu. Sa ou lagonaina le popole tele i le faasoaina atu o se mea sa ou tusia i ni tagata e toatele.

Ona oo mai lea o se manatu i lo'u mafaufau. Sa ou mafaufau i le ala matou te faitauina faatasi ai ma lo'u aiga le Tusi a Mamona i taeao ao le'i [oo i le taimi] o le aoga. O le mafaufau i le faitauina o tusitusiga paia ma lo'u aiga, sa ou mafaufau ai i le Tama Faalelagi. Sa ou mafaufau i Lona alofa ia te a'u. Sa ou lagonaina le mafanafana ma le le toe tuua

toatas. Sa tau le topetope le tata o lo'u fatu, ma sa ou lagonaina le migao.

I le *Tusipese a Tamaiti* i le itulau e 12, o loo faapea mai upu,

*Tele le ava nai lo le lē pisa.
Ia mafaufau i le Tamā.
O ana fa'amanuiaga iā te a'u.
Auā ole ava o le alofa.
Fa'aalia i upu ma mea e fai.
Manino le ala e ui ai.
A ou ava ou te iloa i lo'u loto,
Lata mai Iesū ma le Tamā.*

Ou te faafetai ona sa ou lagonaina le alofa o le Tama Faalelagi ina ua ou popole i le potopotoga [a le aoga]. Ma e ou te faafetai i le iloa e alofa tele o Ia ia te a'u.

Ou te iloa i tulaga faigata, e mafai ona ou filifili ia migao ma mafaufau i le Atua. ■



**Saunia e Elder Adilson
de Paula Parrella**

O le Fitugafulu

"Le alofa o lo'u Fa'aola ou te fa'ailoa atu. O lo'u auauna atu ou te manuia ai." (Tusipesa a Tamaiti, 42).

Ennonofo lo'u aiga i São Paulo, Pasila. I le isi itu o le matou auala, sa i ai se toga togo. O toga togo e i ai vai-tafe e tatafe atu i lalo o laau. O le eleele e ese le palapala.

O le toatele o tagata e fau o latou fale i luga o lena eleele palapala. Latou te tuuina ni ogalaau lapopoia i totonu o le palapala. Ona fau ai lea i luga o o latou fale. Ae a timuga, e papa vai. E sao le vai i totonu o o latou fale. Ona leai lea o se mea e momoe ai tagata i le po.

A tupu lena mea, ona valaaulia lea e lo'u tama i latou uma e o mai i totonu o le matou fale. O nisi taimi sa oo i le 15 le toatele o tagata! Na te aumaia i latou i totonu o le matou potu malolo ma avatu ia i latou ni palanikeke. E fai e Tina se meaai mo i latou. Ona latou momoe lea i le matou fale seja oo i le aso e sosoo ai.

E le itiiti ifo i le faatolu pe faafa ona tupu lenei mea.

Ou te manatua lo'u mafaufau e faapea, "E le toatele ni tagata latou te taliaina ni tagata ese." Sa faataga e lo'u tama ia tagata sa matou tau le iloaina e momoe i lo matou fale! Ona ou toe mafaufau ai lea, "E leai se isi mea e mafai ona latou o i ai."

Sa fai e o'u matua i taimi uma ni mea e fesoasoani ai i tagata. Peitai o le la auaunaga ua le na'o le fesoasoani ma le foai atu. Sa faaali atu le alofa i o matou tuaoi, e tusa lava pe o matou tuaoi o se tagata matou te le iloaina lelei.

E tatau ona tatou aapa atu i tagata e le tagolima. E tatau ona tatou fesoasoani ia i latou i mea uma e mafai ona tatou faia. E le tatau ona faatapulaa mea tatou te faia e fesoasoani ai i tagata. E mafai ona tatou tuu atu ni nofoaga ma ni punaoa. E mafai ona faasoa atu o tatou taimi. E mafai ona faasoa atu lo tatou malamalamā e uiga i le Tama Faalelagi ma Iesu Keriso, ae maise lava i le vaitau o le Kerisimasi. ■





ATA NA TUSIA E AUBREY BLACKHAM

“O loo soifua Iesu Keriso ma o le Faaola ma le Togiola o le lalolagi.
Ua la saunia le ala i le fiafia moni.”



Saunia e Elder Quentin L. Cook

O Le Korama a Aposetolo e Toasefululuā

“Tatou te Mulimuli ia Iesu Keriso,” Liahona, Me 2010, 86.

O LA TATOU ITULAU

TAMAIKI



Sa ou fiafia lava e ulu ifo i le vai o le papatisoga ma ia faamauina o se tagata o le Ekalesia a Iesu Keriso. O le a avea le Agaga Paia ma a'u soa faamaoni pe afai e tumau lo'u mama ma usitai i poloaiga. Ou te iloa o loo soifua le Atua, ma e alofa o la ia i tatou, e moni le Ekalesia, ma e moni le Tusi a Mamona.

Juan O., 8 tausaga, Cali, Kolomupia



"Ou te fiafia i le fuafuaga a le Tama Faalelagi," na saunia e Irre-antum D. ma le "Ou te manao e faasoa atu i tagata uma," na saunia e Verlann T., Luzon, Filipaina



"O Faifeautalai a le Alii," Emilio A., 9 tausaga, Formosa, Atenitina



O aso fanau uma lava e taua, ae talu mai lava lo'u laitiiti sa ou sauniuni lava mo lo'u papatisoga.

O lenei la ua ou papatiso, ua ou lagona le fiafia tele. Ou te iloa ua fiafia lo'u Tama Faalelagi ia te a'u ma e alofa ia te a'u.

Danna M., 9 tausaga, Chimaltenango, Kuatemala



O Auuso O E Faamalamalamaina le Lalolagi

Talofa!
O ma'ua o
Hubert
ma Jayden.



1

Jayden: O Se Pese Kerisimasi

Sa fai e la'u vasega i le aoga se tala o le soifua mai o Iesu, ma sa ou taina ai le piano mo le polokalama atoa. Sa ou aoaoina tagata uma e usu le "Le Po Paia."

2


Jayden: Aoaoina o Tuaoi

Ou te fiafia e aoao atu o'u tuaoi pe a matou taaaalo aua ou te manao e auauna atu ia i latou. I le Mataio 5:16, na aoao mai Iesu ia faasusulu atu o tatou malamalama. A ou faia lenei mea, ou te lagona le fiafia.

3

Hubert: Fesoasoani i e Fiaaai

I le taimi o le malologa i le aoga, ou te vaai ai i tagata o e fiaaai, ma e leai ni mea e ai. Ou te faasoai i ai la'u meaai ma fesoasoani ia latou lagona le fiafia. A uma ona faasoai atu, ona ou lagona lea o le fiafia.



4**Hubert: Taina o le Okeni**

I le lotu ou te taina le okeni
e pepese ai le au paia.
A ou faia lea mea, ou
te lagona le fiafia.



**Ma te nonofo i se
atunuu e ta'ua o Ghana.
O le matou aai, o Accra,
e latalata i le Vasa
Atalani. E i ai foi sona
malumalu matagofie
lava!**

**5****Ia Tatou Faamalamala-
maina le Lalolagi**

Fai mai tusitusiga paia,
o Iesu o le Malamalama
ma le Ola o le lalolagi.
Ia tatou faamalamalama
loa le lalolagi!

**Faafetai mo le Auina Mai o a Outou Fetu
i le Liahona!**

O le tausaga lenei ua outou faatumulia lo
tatou lagi i le faitau afe o fetu ma tala o a
outou auaunaga alofa. E moni lava ua
outou faasusulu atu o outou malamalama!



O Iona ma le Tafola

Saunia e Kim Webb Reid



Sa poloaiina e le Atua Iona e alu i se misiona. Sa tatau ona alu o ia i le aai na ta'ua o Nineva, ma ta'u atu i tagata e salamo. Ae sa le manao Iona e alu iina. Sa alu o ia i luga o se vaa sa malaga i se aai e ese.




Na oo mai se afa
malosi lava. Na fefefe
le au seila ne'i goto lo
latou vaa.

Na iloa e Iona na
auina mai e le Atua le
afa ona sa sola ese o ia.
Sa ia fai atu i alii seila
e lafo o ia i le sami
ina ia uma ai le afa.



Na auina mai e le Atua se tafola e laveai ia Iona. Sa i ai o ia
i totonu o le manava o le tafola mo aso e tolu. Sa tatalo Iona.
Sa tonu ia te ia e salamo ma mulimuli i le Atua. Sa faatonu
e le Atua le tafola e luai i fafo Iona i le laueleele matutu.



Sa alu atu Iona i Nineva. Sa ia aoaoina tagata iina. Ma e sa faalogo tagata o Nineva! Sa amata ona latou toe mulimuli i le Atua.



A ou faia se filifiliga sese, e mafai ona ou salamo ma toe taumafai. Sa alofa le Atua ia Iona, ma e alofa le Atua ia te a'u! ■

Mai le Iona 1–4.

“Ou te aumai ia te outou le tala
lelei e olioli tele.”

—Luka 2:10





**Saunia e Elder
Bruce R. McConkie
(1915–85)**
O Le Korama a
Aposetolo e Toasefululua

Iloaina o Keriso e ala i a Iosefa Samita

E i ai le toatasi ua ala ai ona oo mai i o tatou taimi le malamalama e uiga ia Keriso ma e uiga i le faaolataga.

Tatou te aoao atu ma molimau atu o le faaolataga o loo ia Keriso. O Ia o lo tatou Alii, o lo tatou Atua, o lo tatou Tupu. Tatou te tapuai i le Tama i Lona suafa, e pei ona faia e perofeta paia uma, ma le Au Paia o augatupulaga uma.

Tatou te olioli ia te Ia ma i Lana taulaga togiola. O Lona suafa e maualuga atu i suafa uma, ma o Ia e tatau ona ifo i ai tulivae uma ma ta'uta'u atu e laulaufaiva uma o Ia o le Alii o mea uma, a aunoa ma Ia o le a le i ai se tino ola pea po o le ola e faavavau.

Ae o le a ou talanoa atu e uiga i le isi, o le ua ala ai ona oo mai i o tatou taimi le malamalama o Keriso ma le faaolataga. . . .

O le a ou talanoa atu e uiga ia Iosefa Samita le Itiiti, o le perofeta ta'uta'ua o le Toefuataiga, o le sa muamua faalogo i le siuofoga faalelagi i lenei tisipenisione, o le, na ala mai i lona avea ma tufuga aao, ua toe faatuina ai le malo o le Atua i tagata. . . .

I le tautotogo o le 1820 na saeluaina ai e le [Atua le Tama ma Lona Alo o Iesu Keriso] le veli o le pouliuli lea na loa tausaga o uftia ai le lalolagi. . . . Sa afifio ifo i Laua mai lo Laua afioaga selesitila i se togalaau e latalata i Palemaira, Niu Ioka. Na valaaau atu ia Iosefa talavou i lona igoa, ona Laua ta'u mai lea ia te ia . . . o le a avea o ia ma tufuga aao i o Laua lima i le toefuataiina mai o le atoatoaga o le Laua talalelei e faavavau. . . .

Atonu e lelei le fesili ifo o tagata uma ia i latou lava, po o fea latou te tutu ai e faatatau ia Iosefa Samita ma lana misiona paia. Pe latou te tuufesili i lona suafa ma saili lena faaolataga lea e na'o le talalelei a Keriso e maua ai, e pei ona faaalia mai i Lana



perofeta o aso e gata ai . . . ? O le fesili tele lava e tatau i tagata uma o o tatou aso ona tali—ma i le lamatia ai o o latou lava faaolataga—o le: Pe na valaauna ea Iosefa Samita e le Atua? . . .

. . . E le tatau ona i ai se le femalamalamaa'i. O i tatou o molimau o Iesu Keriso. O Ia o lo tatou Faaola. . . . Ae o i tatou foi o molimau o Iosefa Samita, o le ua ala ai ona tatou iloa e uiga ia Keriso, ma o le taitai faatulafonoina na tuuina mai i ai le mana e fusifusia ai mea i le lalolagi ma faamaufaailogaina i le lagi, ina ia avea tagata uma mai i lona taimi ma le agai i luma, atonu o ni suli o le faaolataga. ■

Mai le “Joseph Smith—The Mighty Prophet of the Restoration,” Ensign, Me 1976, 94–96. Ua faalaugatasia le faamataitiusi lapopoa.



MAI LE FAAMANATUGA O LE SOIFUA MAI O LE FAAOLA SA FAIA I GAINESVILLE, GEORGIA, ISA.

**IESO'OSO O LE SOIFUA MAI
OLE FAAOLA, NA SAUNIA E
JUDY WANGEMANN**

"Aua o le aso nei ua fanau at i le aaio Tavita, lo outou Faaoala, o le Alii ia o Keriso.

"O le faailoga lenei ia te outou, e iloa e outou le tama meamea ua aui i le ie, o loo taoto i le fale povi . . .

"O le viiga i le Atua i mea aupitoaluga, ma le manua i le lalolagi, o le finagalo alofa i tagata" (Luka 2:11-12, 14).

AUTALAVOU MATUTUA

**FAIA O NI
FAAIUGA TETELE?**

*E mafai ona e faatuatua
i le tautai atoatoa e fesoasoani
e taiatalaina oe.*

42



FAAMANATUGA O LE "IA TASI"

**VAAI ATU I LUMA
I LE LOTOGATASI**

46, 51

AUTALAVOU
FAATAUNUUINA
O LAU AUAUNAGA
PATINO

52

KERISIMASI
O AUALA E FITU
E FAASOA ATU
AI LE OLIOLI

56

FAAOPOOPO ATU
LENEI MEA I LAU LISI
O LE KERISIMASI

60

O LE EKALESIA A
IESU KERISO
O LE AU PAIA O ASO
E GATA AI